

閻潛丘先生年譜

癸卯夏穆改訂亭林年譜既卒業

國朝儒學亭林之大潛工之精皆穆改訂而潛工尤北方學者之大師因取杭大宗錢曉徵所爲傳及劄記疏證諸書排次歲月爲潛工年譜將以詒吾鄉後進興起其嚮學之心討論月餘稿艸備具是年秋南游江淮過山陽訪丁儉卿舍人訊以潛工遺事儉卿出所著山陽詩徵柘塘勝錄見示頗多采獲漢陽劉棻雲學正見之爲修改十餘條葉潤臣舍人好爲詩凡

國初人集有與潛工相涉者輒來相告增補加密矣泊交光澤何願船比部復以此譜相諉願船爲析疑彌罅又不下數十事於是壽陽祁尙書嘉其用力之勤欲遂墨諸版與願譜

並行憶戊戌冬襄校淮安見閻氏之應試者今尙多有遺容
志傳必世守焉不可當吾世而失之也屬同年何子貞編修
致書學使者張筱浦侍郎行文淮安學官向閻氏後人索之
越數月得學使復書則復申所撰行述

世宗憲皇帝祭文輓詩巋然俱在意潛正之靈實默相焉爲
之意愜者彙日爰與願船更事討論密又加密蓋自初始以
訖今日凡五易稿而後寫定此本雖罣漏仍不免然於潛正
束身力學之大綱約畧具矣學者倘能循潛正讀書之法研
證經史勉成實學而不蹈標榜聲譽苟簡自封之習是則區
區舉似前賢之微意也夫整比再三勉徇尙書之意付之梓
人因述其緣起如此道光二十六年十二月平定張穆識

閻潛正先生年譜

郡後學平定張穆

先生系閻氏名若璩字百詩別署潛正居士

四庫書提要潛正者若璩本太原人寄居山陽爾雅曰
晉有潛正元和郡縣志曰潛正在太原縣南三里取以
名書不忘本也 一統志潛正在太原縣東八里 太

原縣志潛正相傳宋修惠明寺塔陶土爲瓦遂失其形
疑卽今之瓦窯村 山陽丁儉卿晏嘗於淮安市上得

潛正居士小印珍弄之歲甲辰入京師見穆爲先生所

撰年譜遂以印相贈

譜中所采山陽詩徵拓塘
勝錄皆儉卿所手輯也

始祖仲寶元初自祁縣遷太原嘉節都西寨鄉

子詠撰潛正行述始祖貞逸公諱仲寶 魏叔子閻氏
本支敘閻氏受姓相傳爲周昭王少子爲秦伯曾孫爲
唐叔虞後皆遠無所考信修齡之錄斷自元初遷太原
仲寶公始又曰元初自祁始遷太原嘉節都西寨邨者
曰第一代始祖仲寶公 四書釋地今晉水源有女郎
祠去吾家之西寨邨一十八里

第四代祖岱

本支敘四世以下禱祀修齡所自出其始分支者曰第
四代祖岱公

第五代祖珍敖

本支敘始分四大股者曰第五代祖珍敖公 尙書古

文疏證

卷六下

鉅鹿澤一在鉅鹿縣西北一在昭慶縣東

二十五里昭慶縣今真定府之隆平余五代祖之弟實

遷其地云

第六代祖人瑞

本支敘始分十四小股者曰第六代祖人瑞公又曰三

晉方言稱某支爲某股

第七代祖居間號西渠始由太原遷山陽

本支敘遷淮者曰第七代淮安始祖西渠公又曰蓋自

仲寶公遷太原以耕讀世家西渠公業鹽筴遷淮而後

世稱素封皆代有隱德多文學士又曰西渠公之遷淮

也在正德初

案杭大宗錢曉徵兩傳俱作五世祖始居淮安趙飴山撰墓志則曰六世祖蓋由先

生之身而上溯
之爲六世也

釋地吾家自高高祖由晉之汾水遷

楚之淮水所以二水之源及流皆會窮歷之

案黎洲金石例古人

例以高祖上一世稱五世祖故先生沿俗稱則曰高高祖杭錢作傳則曰五世祖也

王山史賀

牛叟先生壽序先生之先爲太原人以貴游於淮遂家焉居有廬耕有田藝有圃 陳其年贈閻梓勤二十初

度序自注梓勤居淮之竹巷狀元里 左汾近棄耶瓊

山過山陽詩揚州千載繁華景移在西湖嘴上頭西湖

嘴在運河東岸距余家狀元里僅二百步余嘗笑此謂

成宏時之西湖嘴耳

高祖翰號雙溪太醫院吏目

行述五世祖明將仕郎太醫院吏目雙溪公 萬曆甲

辰進士履歷便覽閩世則祖翰吏目 南雷文定參議

閩公神道碑其先太原人至公之祖雙溪徙於淮右

曾祖國順字覺吾歲貢生南安府上猶縣訓導

太原縣志閩國順字覺吾有至性年十歲大父病夜禱
願以身代性甘淡泊而急於解紛鄉人有奇冤以千金
爲壽求居閒國順力卻而卒陰爲之所訓子世科成名
封如秩鄉人共舉入鄉賢祠 南雷參議公神道碑雙

溪四子而覺吾以明經爲上猶掌故惠吾以舉人爲狄

道令公則覺吾之長子也

淮安府志閩士望萬曆四年
丙子山西中式舉人 太原

縣志閩士望國順弟任陝西狄道知縣有
惠政民立祠祀之康熙十六年入名宦祠

行述先高

祖考封文林郎浙江湖州府推官 劄記示孫學翼詩

注高曾墓在太原西山

祖世科字伯登號礪楚又號龍門萬厯庚子舉人甲辰進士官至遼東寧前兵備道參議

萬厯甲辰進士履歷便覽閣世科龍門詩四房

行述吾家明朝

俱以詩經中式國朝則皆治禮記

己卯六月二十一日生

案公生於隆慶庚午至萬

厯甲辰年三十有五履歷減十歲則二十有五也

太原籍南直山陽人庚子二

十五名舉人會試一百名三甲二百二十三名兵部觀

政乙巳授湖州府推官

釋地餘論引朱文肅國禎湧幢小品論磁州水利事曰先參議

起家湖州司李與朱交好友朱亦曾口述手畫其事云

己酉福建同考官

劄記聞旌德令從兄

聘試江寧詩楚材原待晉祖德自依孫自注參議公主試萬厯間於今六十餘年案後六十餘年當爲康熙入

年己酉也釋地鍾伯敬述其座右雷何思檢討之言不得於言勿求於心不得於心勿求於氣告子是箇大

受用人萬厯己酉闈闈先參議以湖州司李聘往領房雷何思爲正考共事甚歡亦偶及是語故余家世實聞之錢謙益明詩人小傳雷思濡字何思夷陵州人萬厯辛丑進士何思好學問通禪理講經世出世之法其宗指在江陵內江之間己酉出典闈試所撰程策頗庚見大意惜其未試而歿何思集其門生鍾惺所論次庚

戊舉卓異辛亥升戶部主事壬子管象房艸場癸丑升

郎中遼東管糧丙辰升河閒知府仍留遼東管糧丁巳

升寧前參議戊午同籍

是科總考資政大夫禮部尙書兼東閣大學士朱廣俞庭浙江

山陰人戊辰進士嘉義大夫禮部右侍郎兼翰林院侍讀學士掌院事唐文獻抑所南直華亭人丙戌進士同考詩四房文林郎禮科都給事中張問達誠字陝西華亭人癸未進士刻記弔方坦庵詩通家原孔李自注先參議出公叔父大理公之門又送金道州詩孔李先朝籍取真自法先參議出麗陽中丞公之門案若方若金蓋公鄉

試座主

南雷文定參議閣公神道碑公字伯登號

礮礎登萬厯甲辰進士第授湖州府推官湖濱巨浸多

盜賊治以嚴苛始辦公奉職循理解其繁密民甚便之
有豪右誣人死罪公疑之精神所注通於夢覺神語諄
諄卽時判結戊申水災民死者過半公與郡守陳幼學

發廩勸分盡所以救荒之術故民雖饑而不怨割記移寓雜其

詩手露剪人曾得活心水十郡舊皆寒先公祠宇今猶
在君說遺黎淚未乾自注先大父起家湖州司李與郡
守陳公筠塘同時政取有聲首二句卽用直指方公魯
岳薦疏中語也左汾近稿有送張龍占還湖州詩結
句云棠梨聞尙在花發到孫枝自注先會王父起家湖
司李有治聲湖多秀民而經術不

足公禮姚承庵以爲大師其說時與朱文公相出入學
者始知穿穴經旨以求自得庚戌大計郡吏舉卓異第
一人爲戶部主事癸丑以本部郎中總理遼餉時邊烽
尙息而軍政曷茸公夷然憂之乃蒐乘補伍廉重核實

三年之內捐公費千五百金貯積六萬餘緡發寄國之
弊坐放如期築廢倉數十間分屯鹽二項不相侵奪公
於邊事所以經營綏輯先後始終之際委曲纖悉無不

備者蓋已逆知將來東方之有事也丙辰擢守開封

明詩

綜云出知河開府與履歷同此作開封誤而今河開府志郡官表明崇禎間知府亦無世科名則以題留本部原未泄任也司農李汝華特疏題留引公自助又明年陞山

東右參議兼按察司僉事廷議邊才改爲寧前兵備當
是時戊午之敗問尋至公置幼子於潞河單騎出關拔
祖帥於廢籍整頓營壘以待不虞而巡撫不知其爲勞
薪也以公禮格之公旣不得行其志念八十老父曳杖
倚閭將無忠孝兩失乎遂投版棄官而去自公去後疆

場破碎談兵者非身橫獄戶卽駢首西市鮮有以功名

終者而後知公有先幾之智也

劄記與趙秋谷書錢牧翁爲先參議作閩寧前

畫像贊按有學集贊曰幅巾褒衣步雅視詳夷考其垂魚委佩濟濟踰踰斯公雅頌廟廊表函文章佩韋弦而修珩璜者邪披襟奮袂立栗趨翔旋觀其法冠牙服容容昂昂斯公之僂力邊疆教青兗環武岡犁虎穴而埽扶桑者邪全遼金甌淪關金湯誰隳戎索誰壞堵牆急杵擣匈危柱促腸身已閒而憂怒口已含而視長瞻公遺像整容肅衣不自知其清淚之漬裳也 行述

先會祖考常熟錢宗伯爲像贊墓志則漳浦黃詹事爲之按墓志

公歸整拂藤蒲具陳花木與太翁得盡田里骨

肉之歡逮丁大故雞骨支牀爲鄉論所榮逆黨崔呈秀

盛時以同年生通殷勤公不顧而唾家居二十五年漕

撫王紀李養正給事中解學龍御史王允成累登啓事

公皆不應所著有敬刑錄計遑始末諸書生於隆慶庚

午六月二十一日卒於崇禎壬午二月二十一日享年

七十三葬於淮上之蛟龍溝北壟娶高氏蔡氏

朝記案君云過

鶴江蔡公宗伯墓下爲水所蓄公先孺人曾王父也時子孫蔑有存者一首言從尙書墓正屬蔡家親石馬鼓秋艸銀魚掩夜燐麥盤誰更薦桂囊久虛陳去去猶盈淚寒泉在夢類首韻下自注司空曙贈外弟盧綸詩平生自有分况是外家親次韻下自注公官兼學士末句下自注陶淵明孟嘉傳淵明先親君之第四女也颯風寒泉之思實鍾厥心又蔡公鶴江在詞館與新都楊升庵友善姓名字見升庵文集卷五十七云淮南蔡衡仲昂淮安志禮部侍郎贈封皆孺人副室陳氏子一蔡昂墓在城南包家園

修齡江以北之學者也女三其婿諸生許永祜舉人李

藻先

列記有與李表弟邴詩

諸生杜嗣皋

淮安府志閻世科仕

蹟又除蕭山盜窟夙害頓去山陽詩徵龍門先生家

本晉人世居淮上官湖州司李時有疑獄屢瀝不決夜

夢人語之曰汝未舉子宜留意祥刑覺以告其母母曰
獄中囚必有當平反者汝試求之及再錄果得囚冤狀
遂出之人咸異焉其爲遼東管糧戶部郎中及兵備寧
前參議時皆有特勅一道蓋神宗之末東事孔亟故特
異於他處也 明詩綜載世科詩一首楞伽臺垂老投
簪穩憑高對酒閒江楓梳白髮海霧冪青山日極秋天
遠身依暮鳥還禹功遺跡在千載喜登攀 荆記家大人
追和先大父
楞伽臺述懷并命璩作到此成三世居停總一僧神州
悲易變祖武媿難繩小艇當春載高臺正晚登追隨愁
不及江水

捲層層

父修齡字再彭號牛叟淮安府學生

淮安府志云
明末貢生

趙飴山潛止先生墓志考諱修齡世所稱牛叟先生者

也以文名一時撰述甚富 魏叔子集修齡平生慎檢

持以詩名 淮山肆雅崇禎乙亥倪宗師元珙

浙江人
壬戌進

士歲試淮安修齡以商籍入學首題攝齊升堂次題坐

而言不應 王山史牛叟先生壽序先生行誼甚高又

淹通墳籍著爲詩文清真典雅可以式靡起衰 劄記

乞言小奏家君生丁巳九月十日籍諸生先是參議公

分校閩闈禱於九鯉湖而生名字皆夢中夙授少穎異

不凡性篤孝先大父母見背哀毀踰禮克襄大事極其

誠信依戀松楸數十年不釋於懷與先母白首相莊始

終無閒言生平非義之取雖干駟弗視交游不侵然諾

常云欲學沒脊而不能蓋有爲之談也嗜荔枝續圖以

寄遐抱

陳其年迎陵詞洞仙歌證前生爲閩牛叟賦注引牛叟兌閣遺撤序日子生於閩故生平癖嗜

尤在楓亭荔枝妻屢辦衰助子入闈啖荔以遠道遙迤未果也著有眷西堂詩文紅鷗

亭詞行世

茶餘客話國初郡城園亭見於詩文者甚

多今遺趾無考以余所知閩牛叟眷西堂在新城東門

金石殿嘉樹軒在新城又一蒲庵影閣鶴巢鶴墩在平

河橋又西爲飲牛草堂

案平河橋在淮安城南四十里割記有平河舟望詩淮安志平

河橋鎮城南五十里枕隄跨河邨落市肆兩相映帶田疇肥美帆船檣繹落亦淮甸之門戶也昔有橋今圯久矣

或曰運河水至此而平故名

山陽詩徵引吳山夫云牛叟先生七

歲入小學塾師以丹山鳳屬對卽應聲曰碧海龍識者

以爲偉器先生家世豪貴獨折節以讀書取友爲樂未

弱冠爲督學御史倪元珙所賞拔復從漳浦黃公道周

游甲申以後棄儒衣冠與同里張虞山靳茶坡諸先生

爲世外交

淮安府志張養重字斗瞻山陽人崇禎中諸生善詩文不求仕進子欽世從子鎮世一門

高隱父子間自相倡和所著有一家言靳應昇字璧星山陽人順治中歲貢生博學工文尤長於詩有渡河集茶餘客話靳璧星號茶坡樵子張養重號虞山閒若逸民晚自廣南歸戴一椰子冠又號椰冠道人

閒若

禪侶靜若處子去城西四十里小築一蒲庵朝夕行吟

介然自守不趨流俗其詩高潔無煙火氣不減儲王著

有秋心秋舫冬涉影閣諸集行世尤工花閒艸堂諸閱

舊刻有清溪怨感青姬作也一時和者如雲余嘗見先

生畫像一卷爲圖凡六初爲授書圖畫巾角童子學書

於參議公側參議公高冠偉服望之肅然生敬次爲游

泮圖方巾襦衫樹二金花於首乘白馬前有彩旗後張

黃蓋此爲前明崇禎乙亥年先生年十九歲題者甚多
惟張虞山七言古詩爲詳次爲焚冠圖聚儒衣冠而焚
之繫漁舫於叢葦中將行遜也自題云甲乙之交學業
頓廢效殷之箕子而不得慕堯之巢父而不能別號飲
牛叟始此嗚呼然後知先生前二圖之意皆爲此圖設
也其志亦可悲矣又次爲改詩圖則四十時也有蒙叟

河濱詩

錢謙益別號蒙叟李楷字叔則號河濱朝邑人國初官寶應知縣通洋蠶尾集有李河濱書

跋曰先生以文章起關中遊宦淮南居廣陵取久比余至揚州而先生歸秦數載矣然時時聞江淮士大夫言先生每作詩文廣坐酒酣使兩人張絹素懸腕直書略不加點如疾雷破山怒濤穿牖頃刻而罷擲筆引滿旁若無人舉坐爲之奪氣名臬一時亦以此取忌坎壤失職傲然不屑也書學東坡得其骨節云云愚山有酬李叔則詩注云罷官居廣陵又一首蒙叟詩不在卷中又注云君歸關中明年而揚州難作

次爲東籬圖則五十時也追和河濱三首又自題一絕

云題詩者甚多如杜蒼略

名芥初名紹凱號些山茶邨之弟也

程穆倩

號垢區歙縣

鄧孝威

名漢威號鉢叟泰州人著有過嶺集康熙己未

召試以年老

授中書舍人嘗坐文選樓選詩爲詩觀初二三集別集蕭樓集

紀伯紫

名映鍾一字藥子號慧叟上元

人割記有慈岷言紀一文伯紫亦未葬愴然同作一首

輩皆一時聞人此卷今歸

吾鄉劉氏先生之孫甥也子就錄先生自題詩數首先

生他著甚多今皆散佚失傳可惜也

案圖凡六面所引山夫語止五詩徵

尙載有斷絃圖自題絕句爲六十時作

行述先祖考所著有閻氏本支

錄五思錄秋心詩一蒲庵詩名流老輩來訪下榻嘉樹

軒或留止經年或數月 劄記移寓雜興詩注余幼時

每侍家大人與諸名宿語 栢塘脞錄先生滄桑後隱

居白馬湖與同里茶坡虞山諸人結望社相唱和風雅

之士一時翕集如黃岡杜茶村

名濬字于皇初名紹先見復社姓氏太原

傅青主

事蹟見顧諳

南昌王于一

一名猷定號軫斥著有四照堂集

寧都魏叔

子

名禧字水叔號裕齋一號勺庭嘗集同志九人講學於易堂

臨清倪天章

名之煌淮安志

劉漢中字勃安山陽人康熙中歲貢生選東流縣訓導臨清倪天章流寓淮安饒屋與漢中同居暴卒於馬陵

經紀其喪銘其墓收其遺詩乞毛奇齡序而傳之案劄記有蒼勃安詩

徐州萬年少

事蹟見顧諳

譜

閩古古

名爾梅字用卿著有白牽山人集查初白有讀白牽山人詩三首

皆下榻相

待飛觴拈韻爲南北詞流所宗不減玉山雅集之盛於

世味泊如也

左汾近稟幼時見先大父藏弄壽承二

字私印傳爲三橋手筆

母丁孺人諱仙竊字少姜清河丁文恪公季孫

魏叔子聞母丁孺人墓表淮安閻君再彭修齡之妻姓

丁氏祖文恪公諱士美嘉靖己未狀元官吏部侍郎贈

禮部尙書父中憲大夫知姚安府諱有殷割記丁舅兄爲其二子來

乞名余名之日體源曰禾根以文恪公後人也并繫以

詩又案潛工與喬石林爲族兄弟割記有哭石林姨弟

詩是也又贈潘山補詩曰我母母之祖厥官曰中丞傳

君已六葉家法守遺能中丞謂明都御史墳也及考鍾

翁類稿喬母潘孺人墓志石林母乃墳之元孫女輩行

差忒汪志疑誤又案山補名夏字西河山陽人順治

中諸生淮安志稱其不事舉業專肆力於詩性好酒家

貧不能常得與至卽走向友人家索飲醉則以一詩報

之愛其詩者召飲無虛日著有漱滄亭詩然則潛工贈

詩後二韻曰縱酒愁書亂離鄉畏病增高堂幸強飯勉

矣就蜚騰蓋規之也崇禎甲戌孺人年十七歸再彭再彭早失母

夫人時參議公老在堂孺人內外家皆貴盛特柔謹孝

事參議公自奉養朝夕至視疾喪葬無違禮遇二女公

女妹必敬以和身撫杜氏孤女甥而厚庀匱具嫁之

參案

議公有女嫁杜嗣生平於奴婢罕叱咤聲接內外姻婭

舉見前南雷墓碑

無失色孺人諱仙窈字少姜行季性婉慧眉目朗秀知

書明大體兼通琴奕琴不由師授以意成譜妙合音節

事再彭恭奉再彭賓客酒漿久必飭夫婦相歡得白首

如年少人甲寅八月孺人以微疾卒閻氏故世家自高

曾以下生忌日皆祭每歲十餘舉孺人直日必夙興潔

觴豆肴蒸僮被立須再彭拜獻未卒前十日一祭愆期

日亭午孺人覺之恚曰吾爲閻氏婦奉烝嘗四十年未

嘗敢失事何今日而遽忘之豈死期至神不守邪卒成

禮又七日曾祖妣忌力疾整衣肅拜如平時又三日歿

孺人於家無專制鉅細必稟再彭然遇事往往開陳義命再彭性褊每改容從之甲申後勸再彭棄科舉學再彭遂以詩名子與再彭若璩皆有交請子表其墓門墓在吉家塹距參議公兆西二百步初再彭借孺人上先

塋憩此偶指一穴曰他日與汝合葬是今正其處云

孺人墓表牛叟先生初請耶邦士作之邦士不果作而卒叔子作耶維屏傳載其事曰己未九月病噎不食死年六十六先是淮海閻氏以椿蘭一匹將書求爲其妻銘墓未作也死之先日邦士命家人取蘭出日以付水叔還淮安閻氏時余方就醫泰和未歸云云然則此蘭應遂歸叔子矣 乞言小奏先母

生戊午九月三日家君敬之稱爲濟陽君從郡望也

陳其

年定風波齊世家詞注引牛叟兌闕遺嶽曰妻名仙窈字少姜女兄弟五人幼者適余從兄自名其讀書處曰兌闕妻丁姓子恒呼之爲濟陽君 孝慧柔慎尤曉大義事至不動聲色

而就理御下仁恕肅然成風卒之日無賢愚內外咸慟
惜之一生善病勿藥垂危前三日猶禮拜先高妣忌辰
吉祥而逝年僅五十有七 己未詞科錄徵君母丁自

題讀書處曰兌閣以兌爲少女已於女兄弟中行取少

云何秋濤案牛叟兌閣遺徽云妻女兄弟五人少者適子從兄此云取少誤 陳其年閩牛

叟貫花詞序自注牛叟向有悼亡之戚曾爲賦兌閣遺

徽詞十首案牛叟兌閣遺徽詞不傳其小序俱載陳其

年迦陵詞中但失其次耳又案西河亦有和浣溪紗逮作并載牛叟原序

下詞注引曰妻屢請納妾子不應閒置孔氏一妾三年

遣之猶處女焉減字木蘭花佐家詞注引曰余世以鹽

筴起家後中落妻恒好語相慰祝英臺近維摩天女恰

同參詞引曰妻屢勸子參訪耆宿究向上一著而以鈍
根未果近慚麗媪遠負萊妻滿江紅琴奕雙清詞注引
曰妻善奕花下與諸女劇必招子子笑謝於琴不由師
授以意成譜巧合自然卓牌兒聯吟詞注引曰余填詞
成妻恆爲解頤偶製杏花天三閨妻索書素帕出入懷
袖中月華清病榻閒情詞注引曰妻一生鮮情容雖疾
疾亦淡妝讀史子調曰提學未至女秀才矻矻何爲每
憇耳天閣日課童奴蒹濯余以丈夫當埽除天下爲言
妻笑曰請從一室始泛清波摘遍采菱詞注引曰妻種
菱湖西常攜諸女扁舟采摘當夕陽下春翠袖紅妝與
清流碧沼相映宛在畫圖寅秋尙期踐此約而竟不逮

矣

以上凡七事餘三事
散見前後各條下

劉松苓雪坡詩話迎陵嘗爲

牛叟賦卓牌兒詞云云想見牛叟伉儷風致而百詩又
能以經學名世亦奇矣

明崇禎九年丙子十月十四日先生生

劄記有壽子仁詩曰吾聞堯元載竹書歲丙子後幾七十
周實爲吾生始又生日展期啓今年下元前一日爲吾六
十 杭大宗道古堂集若璩生參議公酷愛之常抱置膝
上摩頂熟視曰汝貌甚文其爲一代文人以光吾宗乎
行述府君生於明崇禎九年十月十四日亥時

十年丁丑二歲

十一年戊寅三歲

十二年己卯四歲

十三年庚辰五歲

十四年辛巳六歲

道古堂集六歲入小學口吃資頗鈍讀書至千百遍字字
著意猶未熟且多病母聞讀書聲輒止之聞記不敢出聲

劄記移寓雜興詩注余六歲時見家古古先生

劄記楊
推垣成

淮時畫明妃夢還漢宮圖屬人題詠適同宗闈用卿先生
自沛至曰楊名在逆案果漢宮可還則逆案可翻矣楊立
取卷回後直指使者誣
効用卿楊與有力焉

十五年壬午七歲

二月參議公卒於家

十六年癸未八歲

十七年甲申十月朔爲

大清順治元年九歲

是年牛叟先生客金陵先生從母丁孺人避地吳越迎陵
詞賀新涼雙魚問爲閣牛叟賦注引兌閣遺徽曰甲申子
客金陵妻獨攜子女避地吳越常手書促子歸爲輕薄子
啟緘竊視歎箴勉得性情之正 釋地年九歲讀孟子疑
滕定公墓兩使然友往鄒問孟子何緩不及事

疏證卷六
上余少時

習孟子疑滕定公墓云云與釋地
語意略同但不著少時爲幾歲耳

茶餘客話劉節之孔和山東長山人明大學士鴻訓子少
年豪俠詩文有奇氣好煮酒論兵結納死士散財聚衆於
長白山殺偽縣令

秋濤案此事在崇禎甲申圍賊所署縣令也

領數千人至淮

安時劉澤清開藩淮上建牙新城節之同鄉有舊遂以兵
屬後見澤清所爲不道屢侮之澤清怒令健兒二十人拉
死之節之在新城與閩修齡靳茶坡友善時有唱酬死後
修齡茶坡攜白金數百兩往尋其屍終不得

案照詳文略
有劉孔和傳

二年乙酉十歲

是年從兄洞以商籍入淮安學

案劉記有寄從兄錦濤
詩錦濤當卽洞之字也

三年丙戌十一歲

是年從兄若琛以商籍入學

案若琛字紫琳與先生同會
祖祖世美父調元見戊戌進

士履歷便覽是年與若琛同案入學
又有閩若璵商籍亦先生從兄也

四年丁亥十二歲

茶餘客話靳茶坡閩牛叟張虞山丁亥秋有三子秋心之

刻興化李小有序之小有自稱虛天游

秋濤案小有名長科世所傳仁品廣

仁品皆其所輯

五年戊子十三歲

六年己丑十四歲

劄記初刻唐百家詩選序回憶五十載前曾遇閩中書賈

持翻刻本正二十卷

案此序作於康熙己卯

七年庚寅十五歲

道古堂集年十五冬夜讀書有所礙憤發不寐漏四下

寒甚堅坐沈思

行述此下有筆硯皆水四字

心忽開朗如門牖頓闢屏

障壁落一時盡撤自是穎悟異常是年列學宮爲弟子

淮山隸雅入學實在明年

名流如李宗伯太虛

名明睿南昌人天啟壬戌進士官左諭德入

左傳屬事余年二十前從同里靳茶坡先生學此書蓋得

於其家 移寓維興詩注霞舉紫嵐同余受業靳茶坡先

生之門余年取幼 疏證

卷八

同里友人石子華時字紫嵐

一字企齊與余善每著疏證成或面語或遣信送覽正唐

人詩所謂爲文先見艸者

淮安府志石岱時字霞舉弟華時字紫嵐大河衛人皆諸生文

章行誼見重一時邑人交口稱二石先生

又紫嵐嘗謂余子於考證之學洵可

謂工矣其指要亦可得聞乎余曰不越乎以虛證實以實

證虛而已

釋地三續吾何修十二句引石子嵐說卽紫嵐也劄記多與紫嵐書及詩

十三年丙申二十一歲

十四年丁酉二十二歲

十五年戊戌二十三歲

三原孫豹人枝蔚灑堂前集戊戌年有懷閩百詩就醫京
口詩苦憶淮陰閩伯子近來脾病太相磨少年取有登臨
興異縣其如藥餌何能賦茂陵消渴甚苦吟昌谷嘔心多

漫勞著作徒無益努力萊衣舞且歌

阮太傅廣陵詩事孫豹人本三原人至廣

陵學賈三致千金頓自悔曰丈夫處世不能舞稍取金印如斗大則當讀數十萬卷書耳何譔學富家兒乃傲居董相祠旁名其居曰灑堂舉詞科時崑山大司寇徐公爲一時龍門四方之士鱗集仰流豹人獨不事干謁入試不終幅而出
上雅聞其 行述以病嘗就醫鎮江特
命賜銜以寵其行

延李寶應叔則先生偕行偃仰金山楞伽臺日作詩倡和
夜則乘月浩歌達旦與江聲相應長洲金聖歎聞而訪焉

語輒詘逡巡別去

王應奎柳南隨筆金人瑞字若采聖歎其法號也少年以諸生爲游戲具補而

旋棄棄而旋補以故爲郡縣生不常性故穎敏絕世而用心虛明處來附之錢宗伯天台泐法師靈異記所謂慈月

宮陳夫人以天啟丁卯五月降於金氏之叶者卽指聖歎也聖歎自爲叶所憑下筆益機辯潤翻常有神助然多不軌於正好評解裨官詞曲手眼獨出初批水滸傳行世崑山歸元恭見之曰此誨淫之書也顧一時學者愛讀聖歎書幾恭見之又曰此誨淫之書也顧一時學者愛讀聖歎書幾於家置一編而聖歎亦自負其才益肆言無忌遂陷於難時順治十八年也初大行皇帝遺詔至蘇巡撫以下大臨府治諸生從而訐吳縣令不法事巡撫朱國治方梟令於是諸生被繫者五人翼日諸生羣哭於文廟復逮繫至十三人俱劾大不敬而聖歎與焉當是時海寇入犯江南衣冠陷賊者坐反叛興大獄廷議遣大臣卽訊并訊諸生及獄具聖歎與十七人俱傳會逆案坐斬家產籍沒入官妻子遣戍云鮎埼亭集劉繼莊傳後跋曰繼莊之才極矣顧有一大不可解者其生平極口許可金聖歎故吳人不甚知繼莊聞有知之者則以繼莊與聖歎並稱又咄咄怪事也聖歎小有才耳學無根柢何所取而許可之然繼莊終非聖歎一流不得爲別白也案繼莊名猷廷吳人寄籍大興明史館一統志局繼莊皆與其事是年從兄若琛成進士改兵部主事若琛歷官至嘉興府吏部詩自注國博兄同年昔與同官案梅谷名含春順天通州人戊戌進士國博蓋若琛別字也左汾近稿寄願山

容學士詩吾家所欣賞倍與阿咸
親自注君出從父今嘉興守之門

十六年己亥二十四歲

十七年庚子二十五歲

劄記題邵文莊簡端錄余年二十五歲始從同里吳太易
先生學見先生手不暫捨此書閒請而觀焉復於先生曰
未見甚佳處先生微笑蓋先生病耳聾以爲此自其恆狀
越後二載取而復讀徹首徹尾不覺沈酣尋味者彌旬以
復先生先生喜曰吾當日若嗤子子未必服固知吾子必
有今日解悟在其善開發人如此然則先生自此年至壬寅入京師以前皆從吳
太易學也 困學紀聞箋先師吳太易先生問余五福無貴子
知其說乎對曰未也先生曰蓋福乃人生受享之物古者

有一命則有一命之責任寒者與衣飢者與食凡不獲其所者與安是以終身處乎憂患之域而不遑暇其在位也如肩重負及去位也如釋重負豈若後世之貴者以位爲恣睢乎故五福中不得有貴此論甚精

案凡厥正人既富方穀古未有富而不貴者深寧

麥之論允矣

釋地天時不如地利條業師吳太易先生

謂此節兩地利字殊不同上地利是舉偏而言之已足勝天時下地利是舉全而言之仍不能及人和語此時歲在

庚子距今四十有二年

案後四十二年爲康熙四十年辛巳

墓木徒拱著書

莫遂恐有名字翳如之感爲識於此自注先生諱一清大

河衛人丁西北闈舉人甲辰擬會元後二年卒

秋濤案先生篤於師

弟之誼若此烏有始學終倍如願江諸說者哉

李埭大學辨業題詞大學釋治

國未釋平天下蓋天下者國之積也此國如此用人如此理財推之他國亦如是無異道也故治平條一天下字虛五國字實以爲國作爾三十載前聞先師吳太易云是編又不謀而合至德不孤斯文尙在不意老年見此奇特塔剛主蠶縣人自名其里曰恕谷康熙庚午舉人通州學正案恕谷此書成於康熙戊寅己卯過淮安與潛正相見題詞當卽作儒林傳稿有評定古文百篇其師山陽吳一於此時清所手授續加闡發

是年從兄洞中式山西舉人西河復出游自此年至康

熙三年甲辰皆在淮上

施愚山毛子傳出心抵淮上山陽令朱禹錫故善姓爲召諸名士詞

人畢集爲歡而吏部張新標父子書詩有名園中秋夜會客數十人伎樂合作性倚醉扣盤賦明河篇凡六百餘言及旦則淮上諸家傳寫殆遍宣城施閱章還自京師見之目爲才子自是客淮數月留連不能去姓年四十餘尙無

子自言當以客游老云案是年西河年三十八此傳當
作於康熙三十四年愚山比年皆以分守入觀歸路
出淮上也朱禹錫字揆敘浙江山陰人順治間以選貢積
分選山陽縣考淮安志職官表禹錫知山陽在順治十六
年後康熙五年前而西河於四年乙巳已與愚山講學
白鷺洲然則禹錫賓禮西河之歲月亦約略可知矣

十八年辛丑二十六歲

是年從兄洞成進士改旌德縣知縣

淮安府志歷旌德長
寧安溪三縣知縣劉

記寄從兄錦濤詩曰官向青山下長吟小謝詩謂
旌德也又疏證卷二從弟自旌德歸授余以縣志

康熙元年壬寅二十七歲

孫豹人漑堂前集壬寅閏百詩自淮至邗上哭亡友王子

一兼經營歸櫬感其古誼贈以詩

詩曰太白於指南自謂
重朋情禫服日痛哭營

葬在鄂城高義照千載豈獨詞賦名我友昨客死杭人多
哭聲魂寄古寺中尙聞鐘鼓驚我遠不及赴垂淚徒縱橫
貽笑李太白偷誼何太輕古道未淪喪乃復見閻生自淮
道廣陵醪金恤其嬰日夜望柩至將送歸柴荆閻生擅詞

場睥睨公與鄉師事但王子心虛眼自明還復奉父命孀孤勞經營世俱崇勢利遺子金滿簾爾翁獨不然舉事貴堅貞我身在江湖終日望歸程飄泊齒漸暮何異水中萍身後貴自計焉敢累嬰鳴作詩兼示兒悽然涕沾纓

于一卒于西又有壬寅送閻百詩返太原故里赴試詩

湖昭慶僧舍又有壬寅送閻百詩返太原故里赴試詩

我住江都君淮上相思但聽棹聲響梅花開罷揚柳青君縱不來我能往惟愁病渴苦相如誰慮韓侯久釣魚匣裏豈無三尺劍笥中況有萬言書今晨別我太原去爲言先人有廬墓立馬朝看太行雲揮鞭夕指并州樹我聞君祖大參公令譽猶播鄉里中立朝慷慨多奇績君今繼之稱英雄歸來應笑淮陰市始識閻生天下土淮陰亦是枚公鄉君且著

錦拜高堂又有壬寅賦得桂送閻百詩入秋闈絕句

何蕃蔥香飄八月中淮南看易厥好問廣寒宮案壬寅無鄉試潛工蓋於是年始謀改歸本籍故豹人作詩云然實則壬寅冬先至京師次年癸

道古堂集康熙元年始游

卯始由京旋里應鄉試也

京師合肥龔鼎孳爲宗伯相知最深頗爲延譽由是知名

案貳臣傳鼎孳於順治十三年由左都御史降補上林苑藩育署丞十七年甄別京員復降三級調用罷署丞康熙

元年詔以侍郎補用今據順治十八年摺紳鼎尊官國子
監助教是罷署丞後所補官也又據大宗此傳知此年補
侍郎乃得
禮部也
行述龔大宗伯府君父行也知取深

二年癸卯二十八歲

道古堂集旋以僑籍改歸餼於太原

案據下蕭松齡條傳
青主條核之知改歸

故籍當
在此年

行述自遷淮以來高會以下類先就僑籍考試

然後歸本籍故是年又附太原縣學隨補廩膳生

案蔭
雜記稱

於吏科庫見己未保舉鴻博奏疏潛工係
以監生膺薦槐廳載筆引吏垣廣畧同

釋地蕭松齡

木公夫子爲衛君乎全章文云云癸卯交木公於京師會

舉此段議論今忽已三十八年能無慨然

案與蕭木公會
當在此年之春

時尙未歸太原也後三十八
年爲康熙三十九年庚辰

剖記案傅山先生少耽左

傳著左錦一書祕不示人余初訪之松莊年將六十矣

案全

謝山傳先生事略康熙戊午青主年七十四則此年年五十九也 割記訪馬長逸詩第三句回首松莊稱韻學自注謂陽曲傳青主二丈松莊其所居也 問余古人命名應有義但如文六年

續鞠居乃狐射姑之族鞠居二字何義余曰案成二年齊師乃止次於鞠居杜氏止注鞠居衛地惟劉昭引陳留志於兗州封丘縣下注云有鞠亭古鞠居則知此蓋以地命名者因難何以晉人遠取衛地而名其子邪余曰則有風俗通義在俗說縣令問主簿靈星在城東南何法主簿仰荅曰惟靈星所以在東南者亦不知也先生不覺笑 又傳山先生長於金石遺文之學每與余語窮日繼夜不少衰止歎謂此種學正經史之譌而補其闕厥功甚大畢竟始自何代何人余曰魏太和中魯郡於地中得齊大夫子

尾送女器有犧尊純爲牛形王肅以證其羽婆娑然說非是晉永嘉賊曹嶷於青州發齊景公冢得犧象二尊形爲牛象傳至梁劉杳以證象骨飾尊之說非漢章帝時零陵文學奚景於冷道舜祠下得白玉琯古以玉作傳至魏孟康以證律厯志竹曰管說不盡然儒林傳伏生濟南人也魏張晏注曰名勝伏生碑云地理志魏郡黎陽黎山在縣之陽縣當名黎陰乃云陽者兼取河水在其陽以名晉晉灼注曰其山上碑實云水經注青州刺史傅宏仁說臨淄人發古冢得銅棺前和外隱起爲隸字言齊太公六世孫胡公之棺也惟三字是古餘同今書證知隸自出古非始於秦顏氏家訓開皇二年長安民掘地得秦始皇二十六

年鐵稱權上有乃詔丞相狀縮之銘之推與李德林對讀

則知本紀丞相隗林爲俗書林當作狀凡是數說似未有

先之者

王鳴盛潛研堂金石跋尾序傳青主問閩百詩金石文字足以證經史之譌而補其闕此學始於何

代何人百詩考得七事以爲此外無先之者但王肅劉杳孟康所據皆無文字則精確者惟四事耳而此外若昭三年傳叔向引譏鼎銘昭七年傳孟僖子引考父鼎銘禮記祭統引孔悝鼎銘考工記臬氏引嘉量銘此見於經者也史記封禪書李少君識齊桓公柏寢銅器案其刻果然漢書郊祀志張敞案美陽鼎款識辨爲周鼎此見於史者也若家語載金人銘大戴禮載丹書銘秦本紀載始皇所立諸碑魏書衛操傳載操所立大邗城碑而柏人城西門碑闕駟且據以爲卽舜納於大麓之迹凡此皆百詩之所未及舉也然則金石之學自周漢以至南北朝咸重之矣穆案金人銘出劉向說苑敬慎篇王肅勸襲之耳丹書銘非金非石不當舉始皇諸碑及衛操大邗城碑皆史官據實載之非後世搜獲軼聞

又移寓詩注金石文字足爲史

傳正譌補闕余曾與陽曲老友傅青主極論其事又余嘗

告子壽金石文字北方爲多棗梨文字南方爲勝 又案

余嘗謂蓋代文人無過歐公而學殖之陋亦無過公傅山

先生聞之曰子得毋以劉原父有好箇歐九之云從而和

之乎余曰非敢然實親驗之集古錄跋尾此條又見困學紀聞卷二十一

困學紀聞箋卷十謝承後漢書錢牧齋云方少師於史

館擿去問之其後人不可得陽曲傅山先生聞之笑曰某

家卽有之永樂閒揚州刻本初邵陽曹全碑出會以謝書

考證多所裨大勝范書以寇亂亡失矣案此事又見割記移寓詩注及唐百

家詩選跋惟詩注云曾見與前後語頗抵牾又案潛北於癸卯壬子兩訪青主於松莊此數條未知定在何年類

記於此

是科山西闈題子路有聞一節萬物育焉使天下仕者皆

欲立於王之朝

孫豹人集有癸卯清明日閭再彭攜歌童泛舟城北

案謂揚州

城北

取今日天氣佳清吹與鳴彈爲韻五言律十首

三年甲辰二十九歲

魏世倣昭士文集閭再彭七十壽序家大人曾與先生相

見而先生令子同宿於清江浦上時倣甫十歲百輒知先

生父子

案世倣魏季子禮之次子也據序中丁巳歲倣年二十有三逆推之知當在此年

四年乙巳三十歲

劄記方坦庵先生自寧古塔歸遇家君誦余拙作甚多不知何從得之異日賦此志感并以爲弔又注余乙巳始過

維揚謁先生未值

甲申傳信錄方拱乾字坦庵南直桐城人戊辰進士官左諭德掌司經局印

城陷尙臥牀上引刀割髮未半爲家人抱持而止尋削髮
報名以美婢賂賊將羅不加拷掠云云案吳震方說鈴
采拱乾所著絕域紀畧戊寧古塔時作也未有無衣曹序
跋曰坦庵被罪謫徙捐貲得還本末總無可取但其所記
有足備勸戒者云云案拱乾入本朝仍官詹事順治十
四年因爲少子章鉞科場負綠中式與吳漢槎諸人同遣
戍寧古塔但放還較早耳施愚山有聞方坦庵先生及樓
岡邵村諸君放還志喜詩在湖西到官寄親舊詩後案年
譜愚山以順治十八年秋分守湖西則坦庵放還之別號也
壬寅之閒矣樓岡邵村者坦庵二子玄成亨咸之別號也
漁洋精華錄甲辰年有將往金陵冒辟疆攜歌兒見過同
方坦庵先生杜于皇方邵村崔不雕小集詩大興劉寬
夫侍御位坦藏拱乾漢槎諸人所書大方廣佛華嚴經墨
蹟未有跋曰拱乾曩會發願書華嚴經望洋未敢就戊戌
冬入園中偶吳孝廉蘭友言及蘇州半塘寺有朱景濂學
士三世共善華嚴經自敘其兩世爲僧一世爲學士筆畫
猶犁然未湮沒也因與同罹諸君子約以己亥元日沐手
揮毫不意出關期迫乃晝夜竭蹶以竣厥事各隨心願所
及腕力所成方拱乾書八卷方亨成書七卷姚其章書五
卷陸鳴時書四卷方玄成書四卷查學詩書四卷張恂書
三卷王樹德書三卷趙瑞南書三卷張湛書三卷方章鉞
書三卷郁之章書二卷孫珀齡書二卷李倩書二卷吳蘭

友書二卷錢威書二卷張明薦書二卷邵庚書二卷徐榮
書二卷齊維岳書二卷吳兆騫書二卷張天植書一卷諸
豫書一卷丁澎書一卷李燧升書一卷黃鈞書一卷張文
書一卷劉隱如書一卷孫陽書一卷莊允堡書一卷孫樞
書一卷李夢先書一卷沈始然書一卷張賁書一卷公書
一卷共八十一卷竟以是三十四人之一生代宋學士之
三生嗟乎是三十四人者一生之升沈易險且堪代人百
生不第三生矣喪潢費約五十餘金陳時斌及諸檀施外
率諸君子隨所給及其舊朝裳襦衣而爲嚴飾警校則惟
李燧升齊維岳力以正月朔肇二月朔成施廣濟寺寺
有僧超文爲張司馬天植外弟兄目擊司馬之難而傷心
薙染經原本因超文請之寺中故永供寺中也此書經時
節因緣而共乾爲之記己
亥二月初一日方亭成書 釋地父執杜子皇當三十五

載前遇於維揚作長歌贈余中一段曰城南荒草寓城北
古旗亭君來我往談六經出未日出歸戴星白頭老子陡
一驚今世乃復有閩生不貴子博觀貴子秉確識吾子必
自愛如子實難得臨岐時復諄諄以確字見誨余深有志

焉而媿未逮也

案世傳變雅堂集寥寥五言律七言絕句數十篇殊與詩名不稱近黃岡有搜刻于此

皇詩文者變雅堂集外別爲補遺二卷茶村詩鈔六卷而此作仍不在蓋歎者多矣此長歌作於何年無從臆定然以文集考之于皇於康熙癸卯客淮陰甲辰至丁未皆客揚州自雲樓記曰余客廣陵久是也潛正於乙巳至揚當與于皇相值意卽于皇贈詩之年也時于皇年五十有五矣又于皇揚州石塔寺飯僧田碑文尾有潛正評語意皆一時事後三十五載則康熙三十八九年已卯庚辰間也

是年西河客廬陵白鷺洲偕施愚山講學

愚山年譜康熙二年癸卯分守

湖西有鷺洲講會歌序曰西江講學之會吉州取盛中輒者四十年矣余以癸卯十月修復舊事布衣野老皆許以客禮相見會已而去游淮西
秋濤案西河是年由廬陵北者近千人
載以愚山將移治辭之崇仁復之汝寧
留三年凡所稱游淮西者謂汝寧也

五年丙午三十一歲

是年先生當回太原應鄉試試題爲政以德論 劄記丙

午丁未間重策論讀宋陳傅良時論云云

秋濤案康熙二

年停止八股文體三年更定科場試題頭場策五篇二場用四書本經題作論各一篇三場表一篇判五道四年三月仍復三場舊制是丙午丁未間已復用八股矣然策論稍重故先生云爾穆案据清祕述聞甲辰會試及此年鄉試首場皆作四書題論一篇通志之言疑有未覈割記有修史郊祀經學守令經筵策五篇案郊祀策曰國朝定鼎以來已祖定合祀以來二十年間守令策曰國朝定鼎以來已二十餘年矣推知五策皆作於此數年中或卽應試之作秋濤又案皇朝通志順治元年定制每歲冬至大祀天子南郊夏至大祀地于北郊順治十七年四月己酉合祀天地百神于大享殿十八年正月登極尋以諸臣詳議祀典請罷大享殿合祀

六年丁未三十二歲

是年九月牛叟先生年五十一丁孺人年五十先生爲二

人稱觴

馬宛斯選授淮安府推官缺旋裁

案潛工與宛斯相識當卽在此年不待癸丑自

隴右東歸也移寓雜興詩內一首曰紛紛把筆學題詩未
見揚劉博極時却羨歸來堂畔客浩如煙海細如絲弟三
句自注謂鄧平馬公驄御其
讀書處卽宋趙明誠故莊

七年戊申三十三歲

疏證

卷五

戊申夏王源崑繩讀左傳閔二年及狄人戰於

滎澤衛師敗績遂滅衛衛侯不去其旗是以甚敗來問

程

詔案釋地公孫揮條亦記王源崑繩語皆云讀左傳當是
戊申一時之事方苞四君子傳王源字崑繩世爲直隸

宛平人父某明錦衣衛指揮明亡流轉江淮寓高郵源少
從其父喜任俠言兵少長從寧都魏叔子言古文晚年與

蠡縣李珠游遂與師事博野顏習齋逾六十復往來金陵
淮揚間客死山陽案崑繩康熙癸酉舉人父名世德兄潔

字汲公年十二補弟子員明亡不復就試
金壇蔣衡世所稱拙老人者汲公之婿也

是年西河游睢州已復歸淮西秋壽案西河至睢州爲湯

記明年還浙九年復游淮西爲張

仲誠作白龜圖記旣而客息縣

八年己酉三十四歲

行述八年鄉試山西受知於前給事中文城縣知縣趙恆夫先生爲同考所忌不售府君感其知執弟子之禮終身恆夫事蹟詳願辭案是年闈題先有司赦小過舉賢才言而世爲天下則君子深造之以道欲其自得之也

吳蘭次林蕙堂集謝閩牛叟貽唐白虎十美人卷及唐鏡

啟有鄙文未就雅贖先頒之語蓋爲索文而投贈者

秋濤案此

事不得其年蘭次解官在康熙己酉其自傳云以忤上官投劾歸歸而貧甚是解官後即歸也又云有索翁文與詩者多以樹木花竹爲潤筆費不數月成林因名曰種字林是歸里後以賣文爲活也蘭次名綺江都人順治甲午拔貢薦授祕書院中書舍人遷兵部主事郎中出知湖州府

九年庚戌三十五歲

十年辛亥三十六歲

孫豹人澗堂續集辛亥年七言律詩有黃大宗招同范仲

良張虞山馬圖求趙天醉張孟思閩百詩家姪獻于飲止

園次天醉韻

詩曰登筵忽使旅愁無染柳春風綠到蘆水鳥當階容易狎漁舟入夜不曾孤同來勝友

如金谷老去才名媿達夫何事招尋成汎愛久看樵牧可爲徒案魏叔子於辛亥三月遇山陽黃大宗於廣陵爲敘其庚戌登高集豹人詩有染柳春風之語蓋同時事據知潛正此年曾作廣陵之游矣圖求名駿亦山陽人康熙己酉舉人晚薦博學鴻儒未及試而卒著有聽山堂集

是年西河復游淮安至癸丑冬始還蕭山

秋濤案以西河所作袁監州七

十序推之知此年復至淮安也十二年冬歸里十四年復客汝寧十六年游上海十七年應徵入京從淮城下過未信宿西河送閩徵君歸淮安序余避讎之淮安與淮之

也上下無不交閩君潛正在其中暨之梁之宋不能前復歸

淮安則稍稍有言潛工君年損而學多者於是躬詣之與之登城東程將軍冢題名而去顧余變姓名獨於淮有識余毛生者予漫應之曰毛姓於是有毛姓與潛工君游墓

之超云云西河詩集有九月十九日登程將軍冢詩詩曰

蕩晴空涼風薄
枯艸我登淮陰城
秋衣振縹緲
淮陰城東有高阜
九月初過又重九
閱君父子好探奇
邀我登高共飲酒
籬頭黃菊堆酒卮
風前重把茱萸枝
雙攜銀榼墜鸚鵡頻聞鏤
椀燒蟲蠶飄千里
試一望射澤鹽陂滅
秋漲煙浮蒼靄到
海平日涌黃河到
天上紫霄高
闕陵貝宮霓裳羽節吹
長風圯橋再見赤松下
淮王自坐丹霞中
前臨巨冢近千尺
半倚城根半葦陌
水落難知王氏墳
道傍猶覬驂公宅
閱君本屬唐相餘稱言
此是將軍墟
神堯定鼎畫麟閣
程氏高勳析珪爵
會留淮海鎮
徐方因釋金龜
葵繁弱千秋甲冑掩
黃土猶捲旌旗走風雨
介馬嘗隨龍虎號
街花近見牛羊舞
秋風酌酒瀉雨餅
幽思還視飛鴻翎
昭陵西望人寂寞
鼎湖南去愁清冥
銅笙一曲倚鞞竹戲馬臺空散黃鶴
把酒頻看琥珀紅
拂盡殘碑不堪讀
西河又有集閣修齡若璩父子即常詩東第邀羣彥西園集

清江開玉露畫梁待珠湖角綺梁王賦烹鮮陸氏廚
區吟相聞發不忍聽驢駒未注嘉謨曰珠湖卽東湖時查
伊橫同赴飲又題眷西堂詩并序閻氏自山右來淮名其
堂眷西不能忘舊乃從堂主人再彭之請云耳甲第移家
遠茅堂倚郭新久爲淮海客仍是太原人荷蓋看留楚瓜
生想去鹵天涯多鴻子誰得買君鄰鹽筴開鴻緒魚鱉念
舊鄉人倚重東國彼美念西方啼鳥聽幽谷流泉繞夕陽
千秋垂乃眷聊以志斯堂數詩不得其年附記於此又
案錢謙益亦有寄淮上閻再彭眷西艸堂詩西向依風笑
南枝擇木謀艱難仍有步眷顧豈無頭策賜金天醉盤辭
渭水愁美人紆萬舞山隰思悠悠長淮南紀水滔蕩汨窮
塵故絳真吾土陶唐自古民周詩太原什晉問柳州文他
日論都賦東
西定主賓

十一年壬子三十七歲

移寓雜興詩注家古古先生壬子春復遇之交城相去三

十餘年矣 疏證

卷五上

壬子秋過陽曲松莊傳山先生字

青主者適讀左傳以哀二十五年褚師聲子轅而登席公

怒下問曰古人既脫屨復脫鞮乎雖杜注古者見君解鞮然書傳中僅此一見無別證何也余不能對久之讀陳祥道禮書始用以報曰禮書謂漢魏以後朝祭皆跣屨又謂梁天監閒尙書參議案禮跣屨事由燕坐今極恭之所莫不皆跣清廟崇嚴既絕常禮凡有履行者應皆跣屨蓋方是時有不跣屨者故議及之可見六朝時猶然而尤妙者在案禮跣屨事由燕坐二語古祭不跣所以主敬朝不脫屨以非坐故惟登坐於燕飲始有跣爲歡後則以跣示敬此亦古今各不同處因怪杜注見君解鞮見君字不確要須易爲古者燕飲解鞮耳先生得之喜甚曰此一段直可以正杜注補孔疏爲劉炫趙汭所未及余不敢當茲已忽

忽十年聊牽連書之以見一時知己之情云

案劄記有與傅青主二丈

書云後四載讀陳祥道禮書後四載爲康熙十五年丙辰後十年則二十一年壬戌也西河經問彭軼山東昌樂人乙丑進士同禧師聲子轍而登席云云若然則朝祭之說起於後代割不足據但軼曾客淮閭淮客有論采菽之詩者云云秋濤案

錢傳崑山顧先生炎武游太原以所

此淮客卽指潛正

撰日知錄相質卽爲改定數條顧虛心從之

疏證
卷六上

壬子冬客太原顧寧人向余稱朱謀埠水經注箋爲三百
年一部書余退而讀之殊有未然云云又

卷七憶余晤寧人

壬子冬曾問古文尙書還當疑否曰否云云

劄記顧寧

人論幽并營三州在禹貢九州之外余時同客太原面質
正曰此不過從肇者始也臆度耳其實周禮職方氏并州
其澤藪曰昭餘祁昭餘祁在今介休縣東北三十二里俗

名鄆城泊吾與君所共游歷者非石嶺關以南乎云云又南雷哀詞顧余遇之太原持論嶽嶽不少阿久乃屈服我

疏證

卷二

愚嘗以梅氏晚出書自東晉迄今歲次王子一

千三百五十六年而屹與聖經賢傳並立學官家傳人誦莫能以易焉者其故蓋有三焉皇甫謐高名宿學左思三都經其片語遂競相讚述况渠實得孔書載於世紀有不因之而重者乎是使此書首信於世者皇甫謐之過也隨雖奏上得立於學官然南北兩朝猶遞相盛衰或孔行而鄭微或鄭行而孔微或孔鄭並行至唐初貞觀始依孔爲之疏而兩漢專門之學頓以廢絕是使此書更信於世者孔穎達之過也天祐斯文篤生徽國孔子之後所可取信

者一人而已分經與序以存古制一則曰安國僞書再則曰安國僞書爲之弟子者正當信以傳信疑以傳疑乃明背師承仍遵舊說是使此書終信於世者蔡沈之過也經此三信雖有卓識定力不拘牽世俗趨舍之大儒如臨川吳文正公尙書序錄實有以成朱子未成之志者而世亦莫能崇信之蓋可歎也夫善夫歐陽永叔之言曰自孔子沒至今二千年之間有一歐陽修者爲是說矣愚亦謂自東晉至今一千三百五十六年有一閻若璩者爲是說矣其尙取而深思之哉

劄記有跋周郡守晉祠碑記二則 又曰愚旣跋吾師晉祠碑亭記訖復取縣志閱之見宣和五年有姜仲謙晉祠

謝雨文其首云致祭于顯靈昭濟聖母汾東王之祠中云
惟聖母之發祥兮肇晉室而開基王有文之在手兮其神
靈之可知爲之狂喜欲絕益歎吾師之言信而有徵也女
郎祠之建實始於天聖而封號之加則自熙寧禱應始宣
和五年上距天聖甫百年其建祠之故與所祠之人必歷
歷有據故仲謙得之於傳聞而載之於撰著不然豈牽合
傅會遂至此也元人戈穀重修汾東王廟記亦云女郎祠
建因改封汾東王之後則其相因而及意有在矣乃祀典
之譌實自洪武四年始詔革天下神祇封號止稱以山水
本名而聖母廟遂改爲晉源神祠若以聖母爲真水神也
者嗚呼不知此似是而實非也愚故詳考曲證以信吾師

之說且以爲他日作縣志者補焉

案周郡守名令樹字計百廷津人順治乙未進

士由賴州推官遷大同同知卓異升太原知府竹垞集辛亥春有送計百赴太原任詩是也太原縣志載令樹重建晉祠碑亭記末行款署

康熙壬子端午後三日

釋地晉水源有女郎祠實邑姜

之廟去吾家西寨村一十八里每游而忘歸誠如北齊王

晞之所賦者旁方爲唐叔虞廟南向此子爲母屈者也母

封曰聖母子封曰汾東王余從艸閒搜出宋政和五年殘

碑乃姜仲謙謝雨文首云云喜得一典證屬有司當上聞

於朝以釐正之此鄉邦故事或曰旣釐正矣則當別建晉

源神祠余曰然豈惟晉源此閒有臺駘廟當補入實沈以

祀參神不然是知有地理而無天文也

是年山西闡題舉善而教不能則勸足以有臨也夫仁亦

在乎熟之而已矣

十二年癸丑三十八歲

道古堂集未幾出游鞏昌與陳秀才子壽

子壽名祺芳常
熟人昭文新志

祺芳有聲諸生中游牧齋芝麓之門容游徧天下所交皆
一時勝流著有韜庵鴻波等集釋地憶叅友陳祺芳子
壽之言天下事莫難於讀書莫奇於用兵餘俱平且易耳
又雜興詩注余知子壽自蔣子荆名從都門歸始案荆
名名恪山陽人毛西河所稱杜陵蔣恪者卽其人也馮山
公康熙丁丑有和荆名七十醉吟詩據之則荆名長潛正
也

一夕共成七言絕句百首名曰隴右倡和詩長汀黎

副使士宏爲之序

士宏託素齋集

士宏字
魏會

序略曰癸丑

臘盡趙子石寅自皋蘭渡河策蹇衝雪走一千五百里訪

余於張掖記與石寅別於劍津已二十有二年相見道故

舊慰問勞苦外曾不數語石寅卽自稱於鞏昌陳階六少

參所得交兩詩人一爲陳君子壽一爲閻君百詩子壽蒼
髯道貌故錢虞山高弟百詩年甚少博極羣書逆數周秦
如在眉睫兩君日坐老屋頽簷以詩角險真若大將將十
萬師分壇據壘無敢勝負壁觀者無不驚駭失魂魄當石
寅述兩詩人時手揮色動鬚髯戟張余卽不識兩詩人而
兩詩人精神意氣聽石寅言若或見之矣又云陳先生苦
宦蕭然不足爲賓客謀懼黃羊濁酒兩詩人何所愉快而
終日擁被含毫真若有萬不可已之事屬稿連篇至一二

千言不止云云

案釋序意知無一夕成絕句百首之事准
安府志陳台孫山陽人崇禎十三年庚辰

進士授富陽知縣調平湖入國朝授戶科給事中陞禮
科轉福建糧餉道參議補陝西分守隴右道參議秋濤
案甘肅通志職官分巡隴右道陳台孫江南人不著在任
年月其前二人亦無年月其前之第三人乃康熙十年任

其後一人則康熙十四年任是陳之澁任正在十年之後
十四年之前錄十三年經王輔臣之亂冊籍殘闕故通志
亦不能詳也 穆案茶餘客話京城南舊有龍爪槐僧言
三百年前物前輩詩文集不多見徐電發菊莊詞載白
門紀伯紫云王子季夏僕與合肥龔宗伯山陽陳黃門階
六同飲龍爪槐下填詞此地亦名流屐齒所常到也云云
据之則十一年六月階六尙在京師泣任鞏昌當在子丑
之交也階六又號楚州酒人見杜于皇贈階六七十壽序
及愚山酬陳黃門詩注剖記有得酒人消息詩起句云側
身西望意寧只爲君來蓋在西游發軔之初也又案石寅
名琳剖記與馮圃芝書叵友趙石寅善論詩尤好指摘以
供談柄又釋地登泰山條叵友趙石寅誦其叵友滿之章
巽元一絕云石寅巽元俱萊州掖縣人穆於丙午春在
子貞同年處晤掖人張士保畫師訊石寅有著作否士保
曰有詩集未刻因屬爲寫其嗣齋偶存諸州來皆五七言
律淺率不入格有人秦訪黎媿曾先生塗中漫興七律十
二首無與潛正相關之作也士保云家藏有潛正手札異
日歸檢獲并以相贈又云父老傳言潛正曾至掖館於掖
西門外滿巽元之淇園余案潛正至掖更無可攷惟疏證
卷六下有一條云質以余足之所蹈目之所擊今歷城縣
北有大小二清河云云若僅南北孔道見大清河不及見
小清河此或往來萊州時所經涉歟 秋濤案釋地引滿

異元解狐貉之厚以居卽居吾語女之
居此潛工與異元曾經晤談之一證

案參議署有鷓

笑堂移寓詩曰鷓笑堂開鎮日閒自注堂爲少參階六先

生靜攝處

茶餘客話陳階六鷓笑齋在南市橋案
此淮上之齋蓋卽用羣昌署中舊名

有溫玉

亭移寓詩曰溫玉孤亭更在東秦風留得楚人風自注亭

爲京山李本寧宗伯出宦時所構又一首注曰亭別有額

曰聽松余欲取杜老語易爲論松屬子壽書之又石霞舉

時亦客少參所移寓詩曰故鄉人忽異鄉逢誰道鴻泥有

定蹤坐久晝移魚輪動輪君獨聽曉天鐘自注謂霞舉所

居西偏與僧寺近又一首注曰霞舉所居爲子壽舊寓暇

日同過見壁有畫石淋漓飛動釋地余昔往來洪洞見

道有豐碑曰皋陶故里側有祠及墓雖躬拜祠下心殊不

以爲然 又絳在太平縣之南絳州之北土人至今呼故

晉城遺趾宛然余嘗往觀 案此條又見割記云余親歷其地方悟從前說盡錯 新田

括地志在絳州曲沃縣南二里余亦往觀土人呼王官城

距晉城五十里曾告之黃儀子鴻 子鴻常熟人漢學師承

史中地理及各家輿地書靡不究心謂班書地志所載諸

川第言其所出所入而中間經歷之地不可得闕惟水經

注備著之然非續圖讀者不能了然於心目乃反覆尋玩

每水各爲一圖如某水出某縣向某方流逕某縣某方至

某縣合某水某縣入某水無一不具闡若疎見之不忍釋

手歎曰鄙道元千古以下第一知己也 趙一清水經注

釋參校諸本標目崑山黃子鴻曾依鄭注每水各寫一圖

兩岸翼帶諸小水精細絕倫參伍錯綜各得其理制正渭

水篇胡渭禹貢錐指從之辨誤今是書歸於新城王氏池

北書庫穆案子鴻所續水經圖既不知沈德何所陸清獻

日記稱嘗借其所訂晉地里志閱之今亦未見傳 疏證

本精神所萃必不遂歸泯滅呈露何日鼓予望之

卷六 通鑑智伯言今乃知水可亾人國以汾水可以灌安

邑絳水可以灌平陽也余嘗往來於平陽夏縣而悟通鑑
二語具爲妙解 又余曾客朝邑數日覺其治基頗高乃
置諸疆梁原之上說者謂原卽荆山北麓 困學紀聞美
案鐫工安民李仁父長編作李姓非余親至西安碑林中
辨之 疏證卷六下 岐山在今岐山縣東北十里縣在鳳翔
府東五十里余所舊游處 又峴山在隴州西四十里余
所舊游 移寓詩秦晉重姻地亦連爲尋遺跡著吟鞭涇
源佛峽皆天險望裏猶愁嶽頂蓮自注涇水源出六盤山
金佛峽在華亭 疏證卷六下 元和志嶓冢山在秦州上邽
縣西南五十八里漾水所出此班志誤認禹貢之嶓冢山
今一名分水嶺余曾至秦州此山下山不甚高而峯岫延

長連屬若正家問其土人寧羌州此山若何愕然曰從金
牛驛北望見蟠冢山峩然雲表豈敞地所能作其兒孫乎
但水亦微細自西東流卽所謂蟠冢導漾者水纔溢觴合
五丁峽水東流爲沔其流始大此地則水出嶺時爲南流
與東不合耳余心識之以爲負薪能談王道 疏證

卷六上

漢志言朱圉在天水郡冀縣余曾親經其山在今鞏昌府
伏羌縣西南三十里山色帶紅石勒四大字曰禹奠朱圉
當日道中雜詠有丹嶂含朝景之句卽指此又

卷六下朱圉

山向所登陟者山取小元和志所謂朱圉山在伏羌縣西
南取合又曰秦漢冀縣故城在今縣南五十步余所目覩

禹貢雖指朱圉諸家互異說者遂謂縣西南錦澗石鼓木
梅天門等山皆朱圉之隨地異名者也百詩謂余曰據漢

志山在梧中聚夫一聚可容則其趾不甚廣安有如上所
云云者吾嘗親經其山在今伏羌縣西南三十里山色帶
紅石勒四大字
日禹奠朱圍

疏證

卷五

舉陌在渭水之北癸丑秋會

經過其地

劄記唐有永樂縣併入蒲州今爲永樂鎮讀

漁洋山人集知李義山玉溪在焉慨然作一首自注余癸

丑冬欲游永樂鎮未果

疏證

卷六

余嘗往來封丘原武

陽武間問其土人濟水何在曰亾矣案其故牒皆以爲大

河旣決其湮也久矣

又余登濬縣東南二里大伾山臣

瓚所謂黎陽縣山臨河者覽其形實再重

劄記有贈倪

大通詩題下注云海州人官儀封令

案釋詩意是親至儀

以替正生平行蹤蓋亦癸丑東歸時事也詩末有擬尋九

日醉高臺之句蓋回潮已事過儀封時已交冬令矣六通

名長犀康熙戊戌進士海州志稱長犀官儀封時張伯行
方居貧爲縣吏夜讀書科房中長犀聞而異之召與語奇

其才乃館而教之後官江
南巡撫爲名臣人服其議

疏證

卷八

鄒平馬公驥字宛斯

當代之學者也司李淮郡後改任靈璧令余以癸丑東歸

今刻本作己丑案靈璧縣志馬驥以康熙八年任池北偶
談云宛斯康熙癸丑歲卒於官靈璧人皆爲制服然則宛
斯卽以是年之冬卒官矣靈璧志又云驥博極羣書著作
甚富公退卽張鋌升閣手校心維申旦不寐積勞成疾卒
官士民過其署中秉燭縱談因及尙書有今文古文之別
痛之

爲具述先儒緒言公不覺首肯命隸急取尙書以來旣至

一白文一蔡傳置蔡傳於余前日子閱此吾當爲子射覆

之自閱白文首指堯典曰此必今文至大禹謨便眉蹙曰

中多排語不類今文體恐是古文歷數以至卷終孰爲今

文孰爲古文無不立驗因拊髀歎息曰若非先儒絕識疑

論及此我等安能夢及然猶幸有先儒之疑而我輩尙能

信及恐世之不能信及者又比比矣復再三慨歎余曰公

著釋史引及尙書處不可不分標出今文古文公曰然今

釋史有今文古文之名者自余之言始也

案今行釋史本更無今文古文

之別

秋濤案今釋史卷首李清序實作於康熙九年庚戌仲春其制刷當亦在是時宛斯以八年任靈璧令蓋甫

官邑令卽以付梓也中所引尙書惟舜典篇首二十八字

下注云今文無此二十八字餘皆不注今文古文則此爲未改定之本無疑潛正明言今本釋史有今文古文之分

是改定之本潛正嘗見之乃今日反罕觀者案分甘餘話云康熙四十六年

靈璧知縣馬驥所著釋史命大學士張玉書物色原版明年四月令人齎白金二百兩至本籍鄒平縣購版進入內

府人間無從見之矣是改定之本藏於內府所以不著也

疏證

卷六

磬石山今在鳳陽府宿州靈璧縣北七十里

馬公驢云又葛嶧山在今邳州西北六里余以劉昭葛嶧

山注山出名桐伏滔北征記曰今槃根往往而存證禹貢

當在此抑曾親至其地云

十三年甲寅三十九歲

是年九月初六日母丁孺人卒 魏叔子闔氏本支敘修齡子若璩好學能文章比喪母蔬食三年服既闋哀其母不忍其父之獨處也不入內而臥起於父者又一年父論之十反不宥去

山陽詩徵載牛叟先生自題斷弦圖詩云金徽欲拭意先孤不待冰弦絕也無惆悵臨風雙撒手懷人只爲賞音殊十四年乙卯四十歲

劄記題詞愚年四十甫敢出臆見集眾聞用纂一帙以示兒輩 夏成孟子自齊葬魯初解

有贈超宗文詩五十高常侍君尤老十年案超宗長先生
二十歲知系此年作

十五年丙辰四十一歲

生日展期啟憶先君子六十初度

自注康熙丙辰重陽後一日也

時妻喪

已除而予小子母喪纔踰大祥之四日先一月姻友有謀
來祝者先君子聞之頻顧進小子而命之日禮經父必三
年然後娶達子之志也然則吾不可聽子易其服以稱吾
觴以忘汝母其展期一年古有展重陽吾獨不可展生辰
哉越明年八月寧都魏叔子在揚州以文來祝稱其達禮
且以江西及嶺南俗皆然爲徵蓋前十之年必加一而成
後十之年必從一而生大易貞元之義也在淮實自先君

子始 劄記有聞楊公西狩督學秦中遙有此寄之作關

中秋色滿君忽動華鑣士莫輕捫蝨文尤重射雕積兵遠

二岳麾羽隔三橋不乏貂褕贈何由慰寂寥

清秘述聞陝甘提學道楊

西狩字華觀江西進賢人順治壬辰進士康熙十五年任

施愚山是年有寄閻牛叟詩

詩日山月多清暉江淮同照曜洵美思公子潔身棲海嶠

長吟枚叔里時把任生釣歲晏涉橫流中原紛虎豹叢桂還青青重看八公笑 穆藏有愚山丙辰年詩手稿一冊

山陽詩徵載牛叟先生丙辰予屆六旬再和李河濱志感

詩元注三首錄一耆齡無願望德薄媿如何入世年空大傷心事

漸多冰弦前歲斷塵鏡幾時磨恨少齊眉案莊盆不忍歌

十六年丁巳四十二歲

魏昭士閻再彭七十序閻氏祖孫三世以詩古文名江淮

閱歲丁巳寧都魏世做客京口再彭先生就吾仲父於廣陵未見做手書扇面以寄斯時做年二十有三先生見其所作文而謬以爲可學也心竊感焉 乞言小奏家君以丙辰季秋晉六十戒鬪人毋納祝者詞璩時未敢遽請今年丁巳九月十日復值初度璩先期進曰大人昨歲有成言今其時矣乞俯徇輿情以展菽水之歡幸甚家君始而戚既而輟然曰余何能違俗汝不記丁未九月爲二人稱觴時乎余年五十一汝母年五十同在是月上旬此有往例汝今不違事汝母獨余蕭蕭白髮其何以爲情況今之月猶昔之月也存沒異視將奚取必也同稱庶愜老懷璩退而自維家君之思璩之思也微家君言璩詎敢忘敬銜

命拜懇先生願賜一言進之堂上以慰嚴訓以闡慈徽仁
孝之感料大君子所不拒者用陳梗概以告於下執事

陳其年集有壽閩再彭六十一序淮安閩再彭先生者吾

友百詩徵士之府君也

案先生時尙未膺鴻詞之薦徵士之稱蓋系後來刻集時追改

魏叔子閩再彭六十序淮安閩子再彭壽六十有一子若

璩聞寧都魏禧來廣陵奉書幣乞言以佐觴又閩氏本支

敘歲丁巳禧客揚州閩君再彭修齡自淮安奉其本支錄

謁禧爲敘又曰修齡修內行篤念先祖惇敘二宗年六十

寒暑考證繕寫不貲其勞 冬成孟子自齊葬魯後解

劄記鏡月歸余以先朝典故數事送難於令兄映碧先生

先生以爲問所未聞有僑札之譽感賦一律敬寄垂白李

昭陽經秋忽報章焚餘周石鼓劫後漢靈光道大寧從闕

知深轉覺傷何年荀氏子御罷更登堂

秋濤案興化李滢字鏡月文定公春

芳因世孫也康熙乙酉舉人善惇好堂集映碧先生名清崇禎辛未進士鄞縣知縣南都時官御史上疏請追卹建文時徇難諸臣得子祠益福王敗歸里不仕順治九年曾爲馬馳御序釋史康熙辛亥年七十魏叔子作壽序戊午在戊午後矣疏證卷四論代宗卽世宗嘗私訝明既有世宗矣而宏光朝又上景帝號曰代宗不重出乎意牧齋宗伯掌邦禮或不應至此詒書興化李公清問之公復書曰此當日出顧瑞屏手瑞屏時文名家未諳舊典宜來吾子之譏耳老夫耄矣幸及未死得聞高論其虛懷如此洵有前輩風範云卽此詩本事也穆案此事又見劄記與陶紫司書不得其年以劄記書首有憶家居時云云故系之未應大科之前又案亭林餘集廟謚議臣聞當日南京新立邦禮繁多禮部尙書顧錫疇素不攷古一切謚號悉聽其門人謝復元撰定以不學之宗伯任委巷之小夫逞其胸臆目無旁人以至謚冊一頒天下用爲譏笑云云較李公

之言尤備

是年邵提學嘉允

浙江人乙未進士

歲考闈詠入山陽學第五名

首題地道敏樹次題今人乍見孺子將入於井非商籍矣

十七年戊午四十三歲

正月有

詔開博學鴻儒科中外官各舉所知徵詣

闕下十月

命人月給俸銀三兩米三斗至考試後停止

劄記有與劉超宗書云見開送單有仁和吳志伊

詳顧深譜

快人意作字與季貞云安得將杜于皇濬闔古古爾梅周

茂三容

茂三亦作鄧山明諸生善書工畫著有春涵堂集
葉嗣弟子也申臆孟贈周太望先生序茂山曰吾

父嚴貧讀書知天下將亂抱道挈身所以教兒子輩者不
噴噴於纓冠而宅而余裂冠爲浮屠放形方外爲里人所

臣笑實以承權耳云云寧政府志容性跡弛不羈御史裁殿臣一見賞契由是著名後殿臣避跡天童海寇掠之去容卽倉皇奔赴以身質之殿臣得返而容代受屈翁山大刑枯足爲之跛乘閒竊歸乃從橫於詩古文詞

均翁山事蹟詳顧譜疏證卷四余雅愛太史公藏之名均山之例此疏證第四卷成時別錄四本一寄真羅浮山

應屈大姜西溟宸英西溟別號湛園慈谿人鮎埼亭集港均之請

心文學先生之名早達宸聽一日問侍臣曰聞江

南有三布衣尙未仕邪三布衣者秀水朱先生竹垞無錫嚴先生藕漁及先生也又嘗呼先生之字曰姜西溟古文

當今作者會徵博學鴻儒掌院學士崑山葉公與長洲韓公相約連名上薦而葉公適以宣召入禁中浹月

既出則已無及矣於是三布衣者取其二而先生不與彭躬庵士望躬庵字公安寧都人著有取邱邦士維屏都

人亦易堂九子之一魏叔子姊夫也名與公安齊晚尤精太西筭法茶餘客話叔子爲文非經邦士點定不敢以示

人顧景范祖禹漢學師承記祖禹無錫人徙居常熟客於稱宛溪先生著方輿紀要百二十卷魏叔子序曰据正史

考訂地理於山川形勢險易古今用兵戰守攻取成敗得

夫之迹皆有折衷雖荒僻幽仄之地一一如目見疏證

卷六下景范地志之學蓋出於家尊人耕石先生名柔謙

字剛中著劉超宗某官青陽訓導劉超宗理山陽人康熙中歲貢生

山居贊論超宗丈見贈詩結句云籍顧寧人炎午嚴孫

取多又有韻超宗正長余二十歲籍顧寧人炎午嚴孫

戎方共輩自注超宗正長余二十歲籍顧寧人炎午嚴孫

友繩孫孫友號藉漁無錫人江南通志繩孫以詩古文詞

聖祖特命授檢討異數也在明史館纂隱彭爰琴桂

運傳容與藉藉多自道其志行著有秋水集彭爰琴桂

溧陽人著有初蓉閣詩集京口耆舊集鴻博之薦爰琴以

母疾力辭案國朝詩別裁集選桂夜飲閣再彭席上聽

孫良侯擢鼓長歌及顧梁汾貞觀梁汾一字華峰無錫人

荅懷閻再彭七律顧梁汾貞觀明吏部侍郎憲成曾孫

康熙壬子舉人官中書舍人著有積書巖顧震滄云貞

觀幼有異才能詩尤工樂府少與吳江吳兆騫齊名年二

十餘游京師題詩寺壁云落葉滿天聲似雨鄉關一輩數

何事不成眠魏柏鄉見之卽日過訪名遂大起

十人盡登啟事齊集金馬門真可賀野無遺賢矣

割記有奉贈邱曙戒先生詩輕命嘗思倚北欄君虞何地

有渾冠雲山故國初傳信涕淚新知舊憶歡瓊海請來香

案吏金臺徒處法曹官取憐詩律兼刑律慘淡能令豪髮

安

馮山公邱公曙戒傳公名象升字曙戒淮安山陽人舉順治甲午乙未成進士入翰林己亥進侍讀庚子三月

以才堪外用出判瓊州戊午入補大理寺左寺副案己未詞科錄鶴徵錄皆不載保薦潛工之人以此詩推之潛工蓋邱公所薦也是年潛工仍回山西應鄉試故有雲山故國之句邱公爲大理多所平反故有結句

是年先生當回太原應鄉試闈題抑爲之不厭至不能學也惟天下至誠爲能盡其性禹思天下有溺者一節

疏證

卷八

余戊午應薦至京師崑山顧炎武寧人時在富平

有自富平來傳其新論者云云

案此蓋天生應薦至京述亭林之言如此天生事蹟

詳顯

剖記與李天生書十年仰止昨始得晤於傅舍親

寓

案傳謂青主先生

行述十七年應鴻詞制科日與傅山人青

主游處

剗記有與傅青主二丈書曰昨座上客有云世傳關壯繆生于靈帝戊午日月時竝同素通鑑目錄

此年五月己卯朔無戊午而反覆辯論則李天生檢討汪日此札當在應制科時也

鈍翁編修爲多 剗記余戊午己未閒在京師見汪茗文

繆封公墓志

葵封公爲修撰繆載及高祖謂之曰古人敘形父慧隆字藝書

人家世皆自曾祖以下無及高祖者閒及高祖亦必其名其事足書非空空僅及其名諱而已云云時茗文怒甚有

代之荅者曰家先生本元人余曰近得柳文肅集於廟市

亦自曾祖敘起渠非元人邪後見三刻堯峰文鈔此篇削

去高祖諱某某五字

秦文載續稿卷廿四曾祖憲祖天秩考國維無高祖一代此又當

爲書祖文廣一例耳

事又見真汪舟次書舟次名楫號悔齋休甯人已未召試一等授

檢討官至福建布政使有悔齋集淮海英靈集悔齋以檢命冊封琉球爲其國撰孔子廟碑有餽贐卻

不受國人建
卻金亭志之

困學紀聞箋後序康熙戊午己未閒家大人應博學鴻詞之薦入都時宇內名宿鱗集而家大人以博物洽聞精於考據經史獨爲諸君所推重過從質疑殆無虛日或有問說部書取便觀者誰第一家大人曰其宋王尚書困學紀聞乎近常熟顧仲恭以演繁露並稱非其倫也由是海內始知尊尙此書 王山史北行日札戊午

十一月有荅閻百詩書曰三王並封雖舉朝具疏然其中旋轉仍賴首相故北海上書文肅力爭之而其事終寢則文肅之力居多拙作所指蓋謂此耳非謂其上書天子且舉此者借一端以美馮氏亦非論述當日並封事也不斐之文過蒙留意一語質定不厭再三足下有心人眞吾師

矣案山史賀馮易齋相國七十壽序有云萬厯時婁江王
文肅以三王並封之議爲眾所不與有上書力爭者文
肅引咎自陳云左庶子馮某告臣如此卽公之從伯祖天
下所稱爲北海先生者也云云疏證卷四余雅愛太史
公藏之名山之例此疏證弟四卷成時別錄四本一寄真
太華山頂友人王宏撰司之割記又有與山史書論王
紹徽點將錄事當亦在此年又與劉超宗書向見公友
張季望兄手錄欽定逆案云係先生家本家父多致意奉
假尊本一錄舍下久有此書今公之矣云云季
望名新棟山陽人順治庚子副榜著有頤庵集

是年有贈何崑孚會稽詩

淮安志何源濬字崑孚山陽人由貢生授建寧府通判值耿逆

背叛家屬盡陷賊中隻身赴浙江請兵陳恢復大計隨大
兵進剿賊敗以功授紹興府知府後改馬湖府陞浙江督
糧參政按崑孚子而栗潛工籍也耿精忠以康熙十三年
叛十五年降十六年伏誅此詩當作於初授紹興知府時
又弟六句云誓對寒流旅思聞弟八句曰聲華明日滿
燕山則是十七年潛工應薦入都時與崑孚同行也

有送張大理雲翼歸省及娶二首

竹垞有送張大理雲翼省親舉蘭結婚作編在

明年己未案孫豹人戊午七言絕句有贈張又南廷尉兼
送之歸娶詩六首亭林年譜是年冬張又南廷尉承父命

來聘往蘭州堅辭之則竹垞此詩乃誤編也 李子德受

祺堂集有張廷尉又南省親畢迎娶還朝詩以紀之四首
自注廷尉外舅爲寧 有贈舒漢雯舍人詩結句云倘得

夏提督趙將軍擊之 恩叨鳳池上明春恭和早朝詩 贈胡又弓學士詩疑亦此
年作又弓名簡敬沭陽人

順治乙 未進士 有酬蔡子構南歸留別諸同學見贈之作首句

云後先同作帝城游結句云笑爾枉將車笠約長才寧獨

滯林邱覈其語意當是此年冬作 子構名爾趾山陽人康
熙中歲貢晚官祁門訓

導西河集有奉贈蔡二爾趾七古及爲其母徐太君八
十壽序又曰嶽嶽篋經術風流匹藝吾不如蔡子構

有送陳子度之任太原二首次首有句云半菽還先多士

飢自注時待詔諸公議給食用 按子度名楷時爲山西布
政司經歷隴右道台孫之

子復申舍人 之外舅也 有贈陳解人詩莫笑巢由拜馬前今朝徵

君尤可憐閩南候火接天起薊北聘書任壁懸羨子麻衣

能感眾經時旄節得稱賢一身往返萬餘里泣向慈仁老

樹邊

按解人亦字解庵己未詞科錄陳學夔字解庵福建侯官人康熙己酉舉人龔煒巢林筆談解庵當耿逆

變作抗節

三年不受逆職尋丁父艱少司寇任公

克傳首薦應

詔薦讀云昔長安賈賦洛陽之紙頓

貴今全節罵賊唾陽之舌猶存時服未鬻郡縣逼迫匍匐

赴京額乞終喪得請歸後授寧陽令遷兵部主事

案此詩或作於己未春首

西河兌閣詞序云余游淮時閻子牛叟與丁少君惇伉儷

之好作兌閣十閣索余和余未有以應也閱十八年余赴

召至京牛叟年六十丁夫人已亾其嗣君百詩重貽書并幣

專使赴長安請和前詞蓋欲以承尊人歡當稱觴地也余

始理其詞對使和去其十閣皆有題依題演義不自解工

拙半叟知我定有以諒之耳

秋濤案兌閣十閣乃牛叟先生惇亾之作此獨以爲惇伉

儼之好之詞殊不可解然於采菱一闕仍引牛叟原注味其語意其爲悼公明甚西河著作往往於數行之間而自相矛盾類如此

十八年己未四十四歲

三月初一日

召試諸徵士於太和殿璿璣玉衡賦并四六序省耕排律二十韻

先生報罷仍寓京師北行日札賀閻牛叟先生壽序閻子百詩今之所謂博學君子也應

詔入都與余數相往來己未春乞子言爲其尊人牛叟先生壽而以先生之命將於稱觴之日並追饗其母丁孺人時先生年六十有三矣初度之辰在九月十日先是友人魏

君冰叔李君子德既各有作云云

案子德作未見

又與閻百詩札

曰承命爲尊君先生壽文竊以哀樂不並用古之訓也誠如此卽有以得乎尊君之心而恐難乎其爲吾子之色若漆園吏之說固不敢爲尊君道而吾子孝思無已將欲爲終身之喪焉夫固有太夫人之忌日在矣又書壽序後曰余爲賀牛叟先生壽序成寄之淮上先生曰休矣吾昔者有餘哀將慰吾子稱觴之情而不忘吾偕老之盟故有是舉也豈今復爾邪於是百詩札來告余以故余乃謝曰此余之所謂得聞而有請者然而疏矣是余之過也而先生之行則何其典而中乎昔余在淮上得交萬年少邱如盤輩今於燕臺復識百詩質疑問難有朋友之樂焉顧獨恨

未獲從先生游也云云又與百詩書日前讀乞言引謂今復舉斯禮焉遂爾下筆今接來札爽然自失如命復作數語書於後亦可見吾輩相與之誼其不敢苟如此 疏證

卷二

魯詩亾於西晉近代復出申公培詩說己未在京師一

徵君著詩論多所采獲予爲證明之曰班書杜欽傳闕雖爲歎康王之后臣瓚曰此魯詩谷永傳閭妻驕扇注以爲魯詩言厲王無道內寵熾盛也禮坊記先君之思以畜寡人鄭康成注記時尙未得毛傳故用魯詩曰此衛夫人定姜之詩也劉向列女傳正同蓋向家世魯詩故 今詩說闕雖仍屬太姒燕燕仍莊姜十月之交仍幽王皆與毛詩合分明是後人襲用毛詩脫誤如此不待細攻

案割記與宋旣庭書

承示詩論八篇內及魯申公詩說此出近代偽書之尤者也云云與疏證所舉一一相符然則此徵君卽旣庭也割記有宗安至自興化得旣庭消息詩旣庭名實類號湘尹長洲人順治辛卯舉人官興化縣教諭著有老易軒讀書堂玉磬山又一徵君自誇家有世本未攜至京師余曰世房等集

本朱子時已失傳據班志凡十五篇見周禮禮記注疏者有作篇左氏疏者有氏姓篇史記注者有居篇君家本是如是否然則其偽又不待辨揚子法言有言夫欲售偽者必假真真之不假偽將安售吾知其立敗爾矣 疏證

卷四

己未留京師富平李因篤天生告予曰晉用夏正子知之乎予曰然天生曰周天王固許之用也觀定四年啟以夏正疆以戎索可見予曰左氏乃政字非正字卽政與正通然則于伯禽康叔曰皆啟以商政疆以周索魯衛乃又建

子乎何周初自亂其正朔也天生語塞

秋濤案天生平日必素持此論潛工

嘗云杜撰故事莫甚於李天生四庫書目提要云其所謂杜撰故事者今不可考姑存其說可矣竊謂潛工所說當即指此

釋地己未余以薦舉留京師久日以論學爲事類事也

有以季武子之喪曾點倚其門而歌爲朱子采入集注似可信來問者余曰此子虛烏有之言也春秋昭公七年季孫宿卒孔子年十七曾點少孔子若干歲未可知然論語敘其坐次於子路則必少九歲以上也可知孔子年十七時子路南八歲點實不過六歲七歲孩童耳烏得有倚國相之門臨喪而歌之事檀弓多誣莫此爲甚 劄記題益智錄此書刻成之五年余至京師得之長夏無營披閱一過惜未及刊其誤遠寄兒輩爲我置眷西堂潛工老人記

或問余子年四十四何得稱老余曰杜詩昭代將垂白途

窮乃叫閤時年正四十已云爾矣又記

案牛叟先生時尙存此語不可爲典

要

與徐勝力書昨過談偶及季悼子未執政蓋死於武

子手故經未書其卒先生盛氣欲辯已而中止弟不覺匿

笑得毋見弟在失意中少寬假然此非所論於學問也

宋此

書蓋在大科報罷之後勝力名嘉炎號花隱秀水監生己未召試二等授檢討官至內閣學士

與

陸翼王書近者三月御試有進三不如之說於

上前以毀百四十三人者

上意浸衰一時譁然以爲與李林甫表賀野無遺賢無異

翼王

事蹟見顧譜

與徐電發書令宗兄勝力先生來談因及元儒

黃澤趙汭之學云云又曰猶憶故山有來問五十人人物

何如者弟荅以吳志伊之博覽徐勝力之強記可稱雙絕

若李天生之杜撰故事汪茗文之私造典禮恐亦未必有

三 案與勝力論黃趙之學又見疏證卷八五十人者大科
入選之一等二十人二等三十人也電發名軌號拙存

又號虹亭晚號楓江漁父吳江人國學生
等授檢討著有南洲舛堂集積本事詩詞苑叢談菊莊詞

是年有王昊廬宮詹招飲話舊一首
案李秋錦己未年有
贈王昊廬宮詹詩知

此亦同也詳詩意當在未試之前
王山史北行日札己
未年有荅王昊廬太史東曰承手教益感垂注之殷然宏

撰衰病伏跡不能與於燕飲久矣敢固以辭案即潛並良
年賦詩話舊之會也 昊廬名澤宏字涓來黃岡人順治

乙未進士官 有寄贈高澹人舍人詩
澹人名士奇號江
至禮部尚書 材錢唐人以

御試鍾王書法直 南書房授中書舍人累官禮部侍
郎證文恪 隨輦集省耕詩序康熙十七年三月初一日

在大內南書房賦 案舍人於明年庚申擢官侍講此仍
稱舍人則必己未年事也 柳南隨筆康熙丁巳戊午間

入貲得官者甚眾繼復薦舉博學鴻儒於是隱逸之士亦

爭趨輦轂惟恐不與四明姜西溟有詩云北闕已成輪粟尉西山猶貢采薇人時以爲實錄今案潛工詩云朝飲新豐酒未殘驚開捷徑五雲端正與西溟同意時潛工蓋已報罷故有聖主應教有夢難之句結句云一德由來契若蘭自注懋勤殿有秋蘭舍人獻賦焉案此賦載江邨經進文稿云寄贈者江邨於此年五月扈幸西山潭柘寺潛工贈詩當有偶讀唐人李郢登第後爲妻作生日卽在此時也

寄意詩戲簡毅文一首題下自注重陽前一日爲毅文內

子初度毅文有詩寄內

案毅文名鴻烈號涇原山陽人由廩監生已未 召試二等授

檢討知系 此年作

又有九日和張毅文卽席韵一首和毅文移寓

待尊甫吏部公來京之作一首

毅文尊甫名新標字鞠存順治己丑進士又題下注

日嵇杭州其外舅也亦將至案淮安志嵇宗孟字子震安東人崇禎丙子舉人 國初官杭州府知府己未與鞠存

吏部俱以鴻博徵故潛工贈舒舍人詩有句云漸聽故人蒲穀轉自注謂嵇張兩公時兩公俱以老病辭不就試故

至九月始 來京也又口占贈毅文一首結句云爾從家學橋染久

射策金門恩拜偏

竹垞集是年有酬閻某詩曰烈火燔帝竹秦鏡忽以淪番
番濟南安後死耄而勤腹笥傳少女齒落餘空齟掌故頰
川來何由聽其真所怪張歐陽疑義默不申金絲魯宮響
蚪蚪蟠輪囷俄遭巫蠱發竹簡迹久湮梅生千載後一一
紛羅陳其餘航頭字拮據亦有因譬若完衣裳安用重補
紉文從義艱晦體殊絕蹤塵孔書既成在謨詰恒鮮新何
人正今僞去險歸溫純此義誠難知疑者頗相循閻生并
刪彥徙宅清淮濬昨午應詔至旅食春明春小心對縫掖
餘勇刺古人示我一編書其言狂且醇諸家援王吳百氏
搜墨荀幽室抉交奧希音辨韶鈞雖爲見者駭猶勝徒咕

呻吾生嬾述作老矣潛悲辛君非漢井丹經義何紛綸況
有執扇詠贈我情彌親客子寓招提不出動盈旬春冰玉
河裂艸暖波粼粼紅杏舒絮條翠嵐壓重闔相期出郭游
西山恣回巡竝馬騁劇談九皇八八民醒卽坐松石醉卽
卧花茵 疏證卷五 錫鬯生平不敢疑古文見諸贈余詩
又卷八 錫鬯近撰經義考雖漸爲愚見所轉移終不透
十九年庚申四十五歲

錢傳十七年應博學鴻詞科不第在都門與汪編修琬交

汪著五服攷異成先生科其謬數條

略見藹記六與陶紫
司書及陸米修書紫

司名元淳字子師常熟人康熙戊辰進士廣東昌化縣知
縣著有南岸集釋地有與紫司論太王藟商事秦蒼峴山
人陶子師墓志君游京師徐健庵尙書雅重君爲之延譽
名日以高而其同邑翁尙書者亦羨君名廷之邸第然君

性剛直每與尙書忤以是尙書轉銜之康熙己未開鴻詞
科尤諒何公以君名上君已先期出都門遣騎追君還復
以病告戊辰殿試讀卷諸公俱歎爲奇才以請減蘇松
浮糧語激直抑置二甲時徐公元文爲明史館總裁欲留
君竟歸水脩名嘉淑海寧人有辛齋遺稿又與江辰六
書承面問純翁翁長子筠卒以幼子紘詒爲之後名之日權
是說也於禮安乎否乎云云辰六名閩歙縣人貴州貴陽
籍康熙癸卯舉人吳蘭次之婿也官解州知州著有河汾
集汪意不憚謂人曰百詩有親在而喋喋言喪禮可乎

因案

學紀問箋己未庚申在京師與汪先生應之曰王伯厚嘗
純翁論喪禮不合純翁詆余云云

云夏侯勝善說禮服謂禮之喪服也蕭望之以禮服授皇
太子則漢世不以喪服爲諱也唐之姦臣以凶事非臣子

所宜言去國恤一篇識者非之講經之家豈可拾其唾餘

乎徐尙書乾學因問於經亦有徵乎

案健庵時以贊善領
明史館總裁因學紀

問箋徐原一言贊曰於史有徵矣於經亦有徵乎君其思
之余退而思得二事云云宮贊學節曰雖百喙亦不能解

矣 先生曰案雜記曾申問於曾子曰哭父母有常聲乎申

曾子次子也檀弓子張死曾子有母之喪齊衰而往哭之

夫孔子死子張尙存見於孟子子張死而曾子方喪母則

孔子時曾子母在可知記所載曾子問一篇正其親在時

也徐大歎服案方望溪有與先生書云昨所論曾子問一

誤宜筆 卽邀至邸延爲上客每詩文成必屬裁定合肥李

公天馥亦言詩文不經百詩勘定未可輕易示人案湖北

關學士事蹟詳願諸 劄記有承闕合肥相國以

生平文筆非得闕某校定不免謬誤敬賦一首

山陽詩徵載牛叟先生庚申二月十二日願種紙朱二玉

程婁東過眷西堂分賦花朝喜晴詩行春虛度復南回爲
惜春光共舉杯客至扶筇偏興健狂來縱酒莫生哀郊原

想已紅連樹庭砌從教綠滿苔取喜花朝晴兆稔稻花香

勝百花開

二十年辛酉四十六歲

陸清獻日記辛酉七月初二至常熟會黃子鴻言無錫顧

禹錫字景範有方輿錄取精詳今館於徐健庵家

穆案清獻蓋初

聞宛溪之名故名字書目皆舛采此以著潛工與宛溪聚合蹤蹟也彭躬庵徐健庵春坊五十壽序庚申八月余

在吳江崑山徐子藝初章仲二孝廉遣書使因顧子景范

迎余居其家又云公既延武林陸子拒斥太倉顧子伊人

與其晨夕欣賞析疑及四方士過從禮之無倦而虞山顧

景范不求聞達落落人外惟潛心方輿紀要一書公禮而

致之不煩以事聽自纂述更爲具脛餼筆札書史以相

仗助案拒石名繁昭錢唐布衣伊人名澗亭林族子也

疏證卷五予留京師久遇有從寧古塔來者詢其風土云東去一千里曰混同江江邊有松樹榆樹枝旣枯墮入江

爲波浪所激盪不知幾何年化爲石可取以爲箭鏃榆化者上松次之西南去六百里曰長白山山顛之陰及黑松林徧生栝木可取以爲矢質堅而直不爲燥溼所移又有

烏曰海東青卽隼也予固請得一石斲以歸

案此事潛正當是聞之吳

漢槎兆壽秋旃集長白山賦信亥步之未跡知再葉之莫暨自注自山麓至半山皆黑松林亘三百餘里不見日月樹根相糾如網地皆深淖馬行七日乃畢又賦云人凌抗莖於椽陰良栝挺倚於松陽自注人獲生於椽樹之陰石崖外松林極目其間環生栝矢卽蕭慎氏矢也渡混同江詩云部餘石斲雄風在地是金源勳業開登西關詩云半空長白雪極目大荒雲自注長白山在寧古之西高二百餘里夏有積雪與疏證所記語語符合漁洋池北偶談亦記得石斲事曰吳江吳孝廉漢槎以順治十五年流寧古塔二十餘載康熙辛酉歸至京師相見出一石斲其狀如石作紺碧色云出混同江中乃松脂入水年久所結所謂肅慎之矢也又一條云余嘗見吳江吳孝廉漢槎自塞外攜來石斲形如蠟石色如蒸栗云是混同江所產蓋江邊松脂入水所結非石也所記與疏證同但語互有詳略耳

漢槎之東還也由健庵爲之納餞當與潛工同客碧山堂則其所遇爲漢槎無疑又與漢槎同時成寧古塔而爲潛工之執友者尙有方坦庵拱乾然坦庵放歸較早潛工於乙巳過維揚訪之且剞記稱坦庵東還遇家君誦掛詩甚多不應於此事轉諱其名而坦庵所著絕域紀略亦無一語與疏證之言相應故決知非聞諸坦庵矣漢槎入關後客京師不久卽南旋故查初白王戊年有過漢槎天城寓樓詩漁洋癸亥年有寄漢槎之作旋復化去故其子振臣秋筵集跋曰何圖乍入玉門遠捐館舍然則闕吳相遇卽在辛酉之歲亦無疑也

二十一年壬戌四十七歲

行述二十一年客福建

疏證

卷五

余至福建會城見荷

蘭國人之游於市者皆以綵帛纏其足由脛以上至膝整

比異常非似行滕之蓬鬆因想見古者邪幅之制

秋濤案

文獻通考及會典荷蘭於順治十三年始入貢道廣東期

詔賚兩

王以下銀幣有差許令兩歲一貿易於粵閩二省五年停止兩歲貿易仍於入貢之年准其互市六年違例由福建

入部議以後飭令由廣東入二十三年助平臺灣二十五
年入貢以粵海道近而險閩海道遠而穩乞仍改由福建
詔可自後職貢維謹池北偶談云荷蘭於康熙六
年入貢今二十五年臺灣平其王復遣使入貢云云是臺
灣平後貢使入貢自當卽由福建然是二十五年非二十
一年也竊謂荷蘭貢道雖於二十五年始改而中間互市
助剿闖入之事多在閩地時時弗絕類皆在海上惟入貢
之年始得至會城二十一年非貢期而潛止於會城見之
者蓋平臺之前檄諭助剿其國必先有使臣至省垣也嘗
舉一事證之康熙三年始檄夾剿金厦而張學禮使琉球
記云二年四月抵閩閱視船隻詢舵工所來云有紅毛國
進貢請兵船數隻已回留三隻現泊江上隨往泊所視之
云云然則夾剿雖由檄諭實因彼國先來請兵請兵之船
至閩境實在夾剿之前一年以是知甲子平臺之役亦必
荷蘭先來請兵始檄其夾剿故二十一年得有荷蘭人至
會城也臺灣本荷蘭所據鄭氏攘而有之故荷蘭每欲請
兵藉據報復之念於當日情事極合且平臺後帥臣有臺
地必不可棄一疏亦因時議欲將臺地與荷蘭而發則助
剿爲荷蘭所自請
斯又灼然可證者

王山史山志壬戌夏予在海州接閩百詩手札云亭林於

春初歿於曲沃

淮山肆雅是年趙宗師崙

山東人戊戌進士

歲考淮安取闈訓

入學首題子之武城至而笑次題其事則齊桓晉文

二十二年癸亥四十八歲

行述客福建方歸司寇公來邀復至京師公家盛賓客

皆當世魁士而賢重府君逾常等

疏證

卷一

按東坡紀年

錄元符三年六月晦無月碇宿大海中勢甚危險起坐四

顧所撰易書論語皆以自隨而世未有別本拊之而歎曰

天未欲喪是也吾儕必濟已而果然余每歎古人之以著

述免患難如此癸亥秋將北上先四五月間淨寫此疏證

第一卷成六月攜往吳門於二十二日夜半泊武進郭外

舟忽覆自分已無生理惟私念曰疏證雖多副本在京師然未若此本爲定天其或不欲示後人以朴乎吾當邀東

坡例以濟越次日達岸往告吾友陳玉璠廣明廣明喜曰

此盛事不可以不記并記於此玉璠號椒峯武進人康熙丁未進士官中書著有學

文堂集王暉今世說椒峯少有大志凡天文地志兵刑禮

樂河渠賦役諸大事莫不講求爛熟言之娓娓賓客輻輳

應酬旁午以至彈琴投壺嬉戲之樂靡所不爲偶有觸發

爲詩文旬日之間動至盈尺見者遜其才比之劉穆之云

己未詞科錄秦瀛案先生家太湖之馬蹟山卽夫椒山故

以椒峯自號與邵青門交善所居有醫圃青門用少陵游

何將軍山林韻十首寄題疏證卷八有與武進周叟論

召公書事未詳周叟何人劄記有許五歸述所見詩許

五鄒氏名祇謨號程村順治戊戌進士有遠志齋集亦武

進人也又疏證卷六下有身過武進飲於一友人家論

滕王閣序南昌故郡事未知所謂友人卽椒峯否又有身

中讀干寶晉紀見子詠在側一條越明年余得吳中水利

全書一條均不得

陸清獻日記癸亥十一月三十日淮

其年附議於此

安閻百詩來會言願寧人已不在所著音學五書方在刊

刻案清獻於是年服除入京時選得靈壽將赴任也竹垞年譜亦記是年十一月陸公隴其來會疏證

卷五 余嘗有感南沙熊氏將注春秋先求明厯其明志錄

序曰於是問厯於劉仲敬以正諸家之失并列所課而正之癸亥三載於京師案蓋謂癸亥甲子乙丑此三載在京師也就吳任臣志伊

學厯歸而交秦淵雲九里中益研窮之久之始得通其術

阮太傅疇人傳若璩通時憲及授時法書據筭術以證古文尙書之僞其它以步算攷證經義甚多論曰上古積年據史記則託始共和據漢書則斷自武王伐紂至於夏殷以前荒遠難稽馬班所弗道攷古者存而不論可也詩十月之交朔食辛卯在幽王六年其積筭班班攷攷故可以近法推之若嗣征辰弗集於房一節出於昭十七年左傳引夏書其積年不可審知又安所求其日會與否邪閻君經學名家其於步筭蓋餘事耳剖記有與戴唐器書日昨同雲九兄游紫極宮登程知節墓慨想林靈素如昨日呂洞賓不可得遇求掩鶴井亦湮無迹爲之低回而不能

去又有與雲九會蟹告以子瞻在揚州以此寄先龍圖公
少游詩送雲九還錫山詩疇人傳秦文淵著秦氏七政全
書八冊闕徵君尙書古文疏證往往引秦雲九說未審卽
一人否也穆案疏證卷六上稱雲九爲金壇茶仲全弟子

疏證

卷七

癸亥甲子晤吾友胡肫明京師

之始

案此闕胡會合

渭初名渭生號東樵德清人會
祖友信世所稱思泉先生也

釋地胡肫明客京師余

時以書求助於肫明久之方官艸數條以應中有余百思

不到者

秋濤案此亦
初會時事

劄記與劉超宗書晚疑俄羅斯國

必非羅刹國混爲一者京師貴人不考故也今讀隋書羅

刹國在婆利之東其人極陋朱髮黑身獸牙鷹爪晚親見

其國來降人何曾此等形狀婆利國在東州東南海中洲

上去廣州二月日行屬南蠻不屬東與北也至俄羅斯當

另考以聞

案俞君理初俄羅斯佐領考八旗通志旗分志
云鎮黃旗滿洲第四參領之第十七佐領係康

熙二十二年以尼布韓地方取來鄂羅斯三十一人及順
治五年來歸之伍朗裕里康熙七年之宜番等編爲半箇
佐領後二次又取來俄羅斯七十人遂編爲整佐領案伍
朗格里宜番等皆自披來歸者平定羅剎方略云康熙二
十二年四月羅剎殺斐雅喀居民留嫖書而去七月甲申
瑪拉等送所獲羅剎五人又送二十六人至京四裔考亦
云二十二年羅剎之眾有過黑龍江者降其兵目三十餘
人此卽通志所言之三十一人方略又言南岱攜至二人
則四裔考遺之又言十一月癸未上諭宜番近授
驍騎尉岳噶圖席圖頒及新投誠之吉里戈里岳佛那西
馬克西木俱授七品官其新投誠內之岳佛那西費禮普
令馳驛至薩布素處酌遣招撫二十三年正月薩布素令
宜番等往諭卽以招撫米海羅等二十一人送京安插是
年七月又獲羅剎一人曰費岳多羅送京安插二十四年
三月獲羅剎噶瓦力刺等七人逸去一人五月破雅克薩
城巴什里等四十人願降此則通志所言後二次之七十
人也七月羅剎又遣裔番等四人誘我俄羅春被獲旋縱
之歸其噶瓦力刺等六人亦於進兵時放之還南岱攜至
之二人亦縱歸計所獲順治五年一人康熙七年宜番等
二十二年三十人二十三年二十四年七十二人而遣
歸者十二人總得羅剎近百人居東直門內胡家園街衙
據之則羅剎降人潛正蓋於二十二三四年中屢見之也

理初未刻稿又有一文辨羅刹俄羅斯異同云羅刹者紅毛諸番其正名羅刹國者今之俄羅斯其國東北自黑龍江邊外北盡北海西盡西海西南包額納特珂克外羅刹種人素與佛不合自立天主教其部強盛當佛時羅刹王名阿修羅欺陵佛并欺凌佛國佛國深畏之遇惡人惡物皆以羅刹名之故有在山羅刹有在海羅刹有飛天羅刹皆假名羅刹而於真羅刹無與也羅刹至今俄羅斯而極大潛工刻記言俄羅斯定非羅刹謂長安貴人爲不考問蓋略見佛書不能詳悉且俄羅斯自稱爲羅刹何得謂之定非也案理初此辯極明畫其云羅刹者紅毛諸番即隋書之羅刹國惟云閩蓋略見佛書則語近誣聞生平不讀佛書復申撰行述曰府君精究儒書不談內典是也其時俄羅斯尚阻聲教故止摺隋書以與長安貴人辨耳俄羅斯卽元史地里志西北附錄之阿羅思潛正亦未攷得也穆於辛丑七月從永樂大典畫出元經世大典西

北地圖以詒魏君默深列入所輯海國圖志中

二十三年甲子四十九歲

是年與黃子鴻初晤於碧山堂

案碧山堂蓋建庵館客之別第查初白康熙庚辰有

同朱悔人劉大山魏再平錢亮功馮文子方靈皋吳山崙汪武曹諸子欲徐尚書碧山堂花下詩曰謝公別墅在城

濠載酒會陪飲興豪不料故人遷客此猶能折東致吾曹
商量未定將歸燕搖落何堪舊種桃併墮平生知已淚廿
年塵土一青袍時疏證卷八入鄞萬斯同季野將輯古今喪
健庵卒且七年矣

禮通考以喪服記夫之所爲兄弟服妻降一等質余甲子

春寓東海公碧山堂爲說禮服中夜精思不覺忽得云云

時季野寓處頗近不敢復語之矣案蓋因駁衷禮雜問不

經學爲季野所不悅也又案萬氏昆仲八人斯年斯程斯
頌斯昌斯選斯大斯備斯同皆黎洲弟子也斯選字公擇

戴唐器迎館於淮上取久季野先生又號石園皆與潛正
交契刻記有喜公擇見遇詩有吳萬公擇五兄詩二首內

有句云充宗經作笥季野史成箱充宗斯大字也鮎埼

亭集萬石園先生傳康熙戊午詔徵博學鴻儒浙

江巡道許鴻勳以先生薦力辭得免明年開局脩明史崑
山徐學士元文廷先生往時史局中徵士許以七品俸稱

翰林院纂修官學士欲授其例以授之先生請以布衣參
史局不署銜不受俸諸纂修官以稿至皆送先生覆審明
史稿五百卷皆經手定雖其後不盡仍先生之舊要其底
本足以自爲一書也嘗爲徐侍郎乾學纂讀禮通考百六

十卷又以其餘爲喪禮辨疑四卷廟制折衷二卷李厚庵曰吾生平所見不過數子若顧亭人萬季野聞百詩斯真足以備斤渠顧

問之選者也 剗記憶甲子初夏自碧山堂移徐公健

庵寓邸

案健庵是年由侍講學士升詹事府少詹事

夜飲言今日直起居注

上云古人有言使功不如使過此語自有出既思不可得又

不敢上問柰何余對丙午丁未閒重策論讀宋陳傅良時

論有使功不如使過題通篇俱就秦穆公用孟明發揮應

是昔人論此事者作此語第不見出何書耳公曰博越十

五年

案是康熙三十七年戊寅

讀唐書李靖傳高祖謂靖逗留詔斬之

許紹爲請而免後率兵八百破開州蠻冉肇則俘禽五千

帝謂左右曰使功不如使過靖果然謂卽出此又越五年

案是康熙四十年壬午

讀後漢書獨行傳索盧放諫更始使者勿斬

太守曰夫使功者不如使過章懷太子賢注若秦穆赦孟明而用之霸西戎乃知全出於此處甚矣學問之無窮而人尤不可以無年也公凡於余攷據辨析議論輒手錄成帙署曰碎金以爲談助惜此條不及入之也

茶餘客話盧日堂嘗手輯

潛正緒論一編曰閻氏碎金皆洞庭書局中辨論之事今無傳

釋地初交何屺瞻年甫

二十四歲

按屺瞻生於順治十八年名焯號義門崇明人康熙癸未恩賜進士

日與之上

下議論一日偶及時文曰吾欲將有明三百年名家制義凡看題錯用事誤者盡標出爲一帙蓋此乃代聖賢語氣豈有聖賢口中而使別字用譌事者乎因歷數之得數十百條今忽忽十有八年遺忘殆盡云云

案後十有八年是康熙四十年辛巳也

沈季友構李詩繫

季友字客子號南疑平湖人康熙丁卯副榜

梅里李氏多才

符與繩遠良年齊名時號三李康熙甲子余在京師分虎

亦館於龔氏

案芝麓卒於康熙十二年此爲仁和龔翔麟字蔚園時官御史分虎之詞友也三李事蹟

詳願

往來唱和月舉一會同賦者晉江黃虞稷

虞稷字俞部晉江人

流寓江寧徐公肅薦與姜西溟萬貞一同入明史館以諸生食七品俸著有千頃堂書目楮園集

案西溟入明史館以諸生食七品俸著有千頃堂書目楮園集

館在壬戌年俞部貞一當從同次年癸亥潛工應健庵之聘復來京師意卽開黃會合之始矣疏證卷八余讀焦

氏筆乘稱家有梅鶯尙書譜五卷專攻古文之偽將版行之不果求其譜凡十載得於友人黃虞稷家急繕寫以來

大梁周在浚

在浚字雪容襟園侍郎之子

太原閻若璩寧波萬言

言字貞一

季野伯兄斯年之子由副榜貢生

錢塘洪昇

昇字昉思號裨畦以作長

孫脩明史獨成崇禎一朝長編

嘉興周篁

篁字林於號鵲塘兄篁字青士與竹垞爲詞友

河中吳雯

雯字天章

奇得名本達陽人父允升順治乙酉順天舉人逾五年選蒲州學正乙未成進士又明年授臨潁令已前卒天章遂著籍蒲

州己未薦舉博學鴻儒不中選著有蓮洋集四庫
書提要曰雯天才雄駿有鄉人元好問之遺風 遼陽佟

世恩武林王嗣槐同里沈奕日 案奕日蓋融 暨我兩人也

谷兄弟行

魏昭士閭拜彭七十序當倣游燕都過淮先生方失適屏
賓客聞倣至蹶然出揖之爲設酒會兩孫咸侍坐先生爲
道其令子客燕長孫歸三晉與其先世所以僑居淮上家
計興替之由且詢倣父子兄弟家世及易堂先後輩甚悉
酒罷以諸孫相屬語俄款幾令涕下詰朝先生仲孫訓慤
拜而言曰王父六十有八矣又二年而七十子適過此願
豫乞一言爲王父七十壽

是年趙秋谷典試山西長君詠中式第七名舉人 清祕述

聞康熙

二十三年山西考官編修趙執信字秋谷山東益都人己
未進士兵部主事戴璽字爾玉直隸玉田人戊戌進士題

爲命禱謀一節送往迎
來三句或勞心至義也

馮山公景南還設教淮安邱季貞家前後凡十年

國史文苑傳馮

景浙江錢唐人國子監生康熙十七年游京師授經於侍郎項景瓌家二十三年館侍郎金鼐家因病南還歸設教於淮安洗馬邱象隨家者十年案季貞以廩監生己未召試鴻博一等授檢討

二十四年乙丑五十歲

李分虎香艸居集有閩百詩人日招集碧山堂時令嗣復
申從山右至詩河東劉墮酒攜到劍門來人日調蘭膳賓

筵勸竹杯真稱賢父子況住好亭臺似此春盤薦須教盡

醉回

案甲子乙丑間分虎皆在京師復申以初正從山右至京必是中後以公車北上也

剗記秀水徐善敬可爲人撰春秋地名訖問余成二年鞍
之職云云 高士奇春秋地名考略序乙丑夏四月奉

命總裁春秋講義因於纂紀之暇博搜羣書而參考之云云

四庫書提要春秋地名考略十四卷高士奇撰據閭若

璩潛江劄記稱秀水徐勝敬可云云則實士奇倩勝代作

也案勝當作善撰提要者蓋誤合勝力敬可為一人胡

通而尤深於易晚著書以發其蘊有天易義易商易周易

同蘇朱太史彝尊名其書曰徐氏四易敬可與余厚向在

京師出以示余歲庚午與敬可尋以病歸卒於家案敬可亦

與脩一統志事竹垞庚午年送徐處士善南還詩曰玉河

新柳已堪攀二月交亭送客還十度洞庭游未足今番真

住石公山謂洞庭書局也

劄記荅友人書曰潘公印川治河工成故老傳其要語曰
東去只宜開海口西來切莫放周橋此二語平平無奇竊
恐神禹復生不能易已前之治河者雖勤勞十二載專與

此二語相反不惟已不開下河見人之開必從而撓之俾
之去後已周家橋在高堰南四十餘里翟壩又在周家橋
南二十餘里皆堅築之以捍淮東侵者淮不東則淮疆淮
疆則黃弱然後由清口以達海彼不惟周橋翟壩而已且
一帶盡圯之以聽其衝溢是以末局雖知建周壩導淮入
運河刷沙運漸深濬然不過暫時策耳豈經久之道哉今
惟當確遵印川名言廣開海口堅塞周橋斯無事矣或曰
海不可濬潮汐往來人力難以施工然舊口皆係積沙水
力自能衝刷故海無可濬之理惟導河以歸之海則以水
治水導河卽濬海之策也然河非專以人力導也欲順其
性先懼其溢惟繕治隄防俾無旁決則水由地中沙隨水

去治隄卽導河之策也或曰海高於內水不可下不知江

南江北弟會徧歷凡瀕海之地比之腹內特高但濬治倍

深無礙乎水之東注矣

案

國史新輔傳康熙二十四年

上念高郵寶應諸州縣湖

水泛溢民田被淹命安徽按察使于成龍疏請以經理海

口及下河事輔疏言下河卑於海潮五尺疏海口則引潮

內侵大不便請自高郵城東車運壩築長堤二歷興化白

駒場至海口東所泄之水入海隄內濶出田畝丈量還民

其餘田招民屯墾以抵經費上召輔及成龍進京

成龍力主開濬海口故道輔仍議築長堤時寶應人侍讀

喬萊奏請議非是乃命尚書陸穆哈等往勘視尋

以開海口無益回奏會江寧巡撫湯斌入爲尚書奏下河

宜疏濬上命侍郎孫在豐往董其事云云先生此

書與于湯諸公議合當亦在是年喬與先生爲姨兄弟所

見尤應相同故刻記又載示兒詠及孫學翼學林詩曰一

般博學兩詞林死後猶垂濟物心自注謂喬石林夫亦曰

石林之議與己正集有與孫妃瞻論濬下河事

林墓志湯文正集有與孫妃瞻論濬下河事

二十五年丙寅五十一歲

漫洑亭

是年健庵以禮部侍郎充一統志會典明史三館總裁

趙志崑山徐尙書以文章被眷遇領纂修數局所邀與商略皆天下名士而先生爲首周旋累年敬禮不衰

劄記有送金道州之官馬平兼簡沈融谷來賓詩題下注

追錄丙寅春作

案廣西通志職官表康熙二十一年金人望江南安東人馬平知縣二十三年沈曉

日浙江平湖人來賓知縣融谷曉日字也又號茶星平湖貢生與竹垞迥陵爲詞友宰來賓天長歷辰州郡丞高江竹有送沈曉日之任來賓序案人望壬戌已選馬平何以至丙寅春始之任而通志職官表二十五年馬平知縣又已選朱廷銓下可解也淮安府志金人望字道騶安東人康熙壬子副榜貢生任長武令升同州知州充已卯鄉試同考官副榜入闈自此始晉莊浪同知邊疆嚴邑軍興旁午肆應略無支諱時親王領軍者褒獎特至尋以老病乞休不允遂卒於官案志載人望宰長武以後事而不言其會宰馬平以己卯充鄉試同考官推之已卯爲康熙三十年人望是宰馬平後以故去官改選得長武也劄記又有

分黎大論交半馬蹄則道州又嘗聘充山東鄉試同考官
惜其年不可考矣 秋濤案茶餘客話載金道州人望令
長武荅鈔玉樵書一首自敘宰馬平前後事頗詳足補淮
安志之闕有云吾袍方綠我服猶緇伴羨馬上之鞭巾多
得操私挾懷中之錦會有逢迎是道州應試不偶注選而
解艇尚插旌旗嶺上烽煙渾如毒霧艱虞萬里荏苒三年
辱藩侯之招簡竊駢語以飛翰節儻書之辛苦一歲累有
千金填在任之逋叻百劫猶留殘喘此是去馬平後羈滯
江湘始末也又云爰東帶而重瞻三殿又極巍峩閩闔之
觀下除書而分列五方偏處蕭瑟間關之地潘輿未遂毛
徵適征剽邠國之一隅當邊垂之三面此則由湖湘復入
都注選而得長武之始末也阮吾山謂道州題堂柱日家
臨漂母千金地人到邠風七月天未幾以受代罍誤去計
其時止七閱月耳云云跡道州一生宦海浮沈壯懷落莫
蓋亦不得志之士然志稱其令長武後復官莊浪同知則
吾山所云詩譏殆專 劄記與石企齊書金道州赴任柳
指官長 月 日 耳

州余以故太守章大力先生成神於彼如羅池廟碑事不
可不隆其祀孰知道州到日大力夫婦旅櫬四十餘年竟

無資之葬者道州慨然捐俸且致書撫州太守俾葬二柩於祖墓之次千古高義令人感泣

案與企齊書又云一好友爲河間太守幕客來

辭行弟以河間獻王德祠墓更新爲託已力任未詳好友爲誰

是年牛叟先生年七十 邵子湘青門簾橐

子湘名長菴武進縣人

聞再彭先生七十壽序余友閻百詩尊人再彭先生今年壽七十誕以九月某日又曰先生生明神宗之季當是時以貴公子負海內盛名年未及壯遭離變故絕意仕宦讀書隱居終其身蓋自甲申迄今四十餘年而先生年亦七十矣百詩以博學名聞於朝文孫繼登賢書云云又有荅閻百詩書曰使者齎尺函走六百里而索言於僕竊計尊公先生壽辰佳文充棟海內能言之士大略在是矣以拙

文廁其間寥寥未稱云云又曰做鄉黃敕公進士有體有用儒者今日科目中求此種人尤不多得聞今歲授徒淮陰不可不一相見

有席上贈賈五鉉古詩二首

鉉近刻作鉉素鉉字右旁爲聖祖廟諱字必有謬

曝書亭集丙寅年有題賈院判鉉畫荷二絕句嘉興楊謙注鉉字玉萬號可齋臨汾人工竹石及折枝花喜用瘦筆乾墨出守黃州嘗畫竹題識命工人鑄諸石置赤壁疑潛正贈詩亦卽此人五其伯仲之序鉉其名也贈詩何年無從肌度姑從竹垞之例附識丙寅年未以諗知者竹垞丁丑年又有寄賈黃州鉉詩亦是從之乞畫潛正二詩更不言其工畫首章曰偉節不西行黨禍終莫解舉世名龍門感恩同覆載誰知千載闕此事一而再聞語復見人儼若尙書在欣然倒衣迎盡呼兒女拜恭承道義交永締骨肉愛鐙花何燦爛談笑殊相對吾老忽少壯樂哉今夕會釋詩意則鉉亦志節凜凜之士惜不得其本事容更訪之平陽人次章曰吾生著讀書不以老而倦與篇及隱帙倍文如覲面家藏苦不足假借遭人賤思傲春明居願謝王翁餞忽聞東土司插架十萬卷歷傳自隋唐人間未經見因

君達書名籍寫煩郵傳續留古慧命萬世猶歸善則其收藏之富又可想見長安酒貴宜潛工之傾倒也

何義門游山陽買得困學紀聞又紀聞箋何此贈告余頃得宋槧本不全左傳

二十六年丁卯五十二歲

湛園未定稿門酒詩跋丁卯元夕今總憲徐公碧山堂之

譙出所儲酒三十種飲客命客爲門酒詩明日相繼以詩

來者若干人又曰時座中皆南人多右南而左北

案潛工蓋於前

一年歸里爲牛叟先生稱觴故座中無北人也健庵以九月升總憲跋當作於九月後

是年牛叟先生卒 行述二十六年居先祖考憂喪葬中

禮鄉里至今以爲法

九月健庵擢左都御史 劄記與劉超宗書孟子喜而不

寐以善人得志當路也今有清議得申一事奉聞長者以

爲寢食有味何如臺臣馮瑞進士出身也利人所有題一
疏爲加納官員一體升遷不必用保舉部議允行矣垣臣
錢晉錫明經也爲新總憲所使具一疏嚴駁之部議不准
行奉

旨著現行事例行蓋允錢而不允馮也一時公論喧騰人心

嗚悅此非初出艸廬第一功乎

案所謂新總憲殆卽指健庵也竹垞戊辰年有題錢

給事晉錫富春大嶺園詩楊謙注錢字再亭又案潛正
第四次入都不得其年以此書推之蓋在卯辰之交也

二十七年戊辰五十三歲

是年健庵充會試總裁卽闕中轉刑部尙書出闕就職因
張汧事呈誤上章乞休准解部務仍領各館總裁三日一

直 內廷

二十八年己巳五十四歲

是年健庵因子樹穀考選科道事爲副都御史許三禮所劾上章乞歸

命攜書局卽家編輯健庵復上疏言明一統志疏漏舛錯難以盡舉臣今博訪舊聞遺獻務期精核又言宋元通鑑明臣薛應旂王宗沐諸本或詳略失宜或考據抵牾或名姓互殊或日月闕謬臣請改修博採正史雜史及諸家文集參考同異辨證是非仍倣司馬光通鑑例作目錄考異彙爲一書

諭依議行

胡朏明禹貢錐指略例昔大司寇崑山徐公奉

敕纂修 大清一統志己巳冬公請假歸里

上許之且令以書局自隨公於是憇舍洞庭肆志蒐討時則有無錫顧祖禹景范常熟黃儀子鴻太原閻若璩百詩皆精於地理之學二三素心晨夕羣處

行述先是府君殫精經學佐以史籍客司寇公所時方修一統志與顧處士景范黃處士子鴻周旋遂喜談地理二君固地理專家也府君於古今沿革考索尋究不遺餘力往往出其意表拙明先生嘗稱吾輩老年人讀書只宜優柔厭厭自得之樂徵君用力太苦太銳殆非所宜府君愈益力十餘年中成四書釋地三續及釋地餘論若干篇又曰四書釋地三書則以四子爲幼學首習之書而地理經

古注疏集注以後簡略蒙譌尙多故特加考證爲經學始

基又曰府君從前四至京師二十八年歸里之後無復遠

游意矣

疏證

卷六

憶己巳與顧祖禹景范同客京師問

景范蘇秦說燕曰南有碣石之饒注以在常山九門縣果

爾則趙地何以燕有其饒仍指今永平府是但又在燕之

東何云南景范曰凡地理言南可與東通言北可與西通

非同東與西南與北迥相反者余自是觸處洞然 又已

已

本書作先一載蒙上庚午夏而言也茲臆改

在京師萬季野謂余撰一統志

奚必及人物人物自有史傳諸書余頗駭其言及近覽元

和郡縣圖志太平寰宇記意果不重在此一州內或人物

無或僅姓名貫趾卽開舉生平亦寥寥數語不似明一統

志誇多汎濫令人厭觀因折衷二者之間不妨臚名宦流
寓人物列女四項但取其言與行關於地理者方得采輯
如名宦則蜀守李冰以作離堆避沫水之害而收鄴令史
起以引漳水溉鄴田富魏之河內而收列女趙襄子姊聞
夫死摩笄自殺代人以名其山收入保安州顏文妻事姑
孝甘泉湧室齊人以名其河收入益都縣梁鴻適吳卒葬
於要離冢旁切陵墓矣收爲蘇州之流寓雷次宗徵至都
爲築館鍾山西嶺下切古蹟矣收爲江寧之流寓卽例所
不收之仙釋如河上公結廬河濱漢文帝親枉駕梅福變
姓名爲吳市門卒甚且許揚署都水掾爲太守興鴻卻陂
數千頃田汝南以饒均寧得遺蓋不惟其人惟其地不然

隨甚道德隨甚勳名及文藝苟無關地理概不得闖入何
者著書自有體要善乎杜君卿有云言地理者在辨區域
徵因革知要害察風土李宏憲云飾州邦而敘人物因正
墓而徵鬼神乃言地理者通弊至於正壤山川攻守利害
反略而不言元和宰相之言施於撰述如此若張南軒論
修志不可不載人物典型繫焉世教補焉此則儒生之見
以之點綴郡邑志則可非所論大一統之書卷帙浩繁者
也

案今一統志更不用潛正之議

四庫全書提要資治通鑑後編一百八十四卷 國朝徐
乾學撰是編以元明人續通鑑者陳桎王宗沐諸本大都
年月參差事蹟脫落薛應旂所輯雖稍見詳備而如改宋

史周義成軍爲周義以胡瑗爲朱子門人疏謬殊甚皆不足繼司馬光之後乃與鄞縣萬斯同太原閻若璩德清胡渭等排比正史參攷諸書作爲是編艸荆甫畢欲進於朝未果而歿今原稿僅存惟闕第十一卷書中多塗乙刪改之處相傳猶若瓌手蹟也 困學紀聞

卷十 開禧追貶秦

檜周南代艸制下箋云南遷錄實退錄駁之近漁洋文略

駁之信多子虛亾是之辭然載遺秦檜事卻可信余取以

補續通鑑稿置傳是樓云

陸清獻日記庚午十月初一會
姜西溟言徐健庵修宋元通鑑

甚覺掣肘蓋以南北朝爲疑也 彭躬庵傳是樓藏書記

庚申暮春余因顧子景范陸子拒石得登崑山徐公之傳

是樓樓十楹跨地畝許特遠人境無附麗啟後屬几席與

玉峰相接中置度閣七十有二高廣徑丈有五尺以藏古

今之書裝潢精好次第臚序首經史以宋板者正位南面

次有明實錄奏議多鈔本又次諸子百家二氏方術裨官

野乘齊諧靡不具備曲直從
橫部勒充四阿各有標目

二十九年庚午五十五歲

是年三月健庵歸里開局洞庭東山纂輯一統志仍延先

生及胡朏明顧景范黃子鴻姜西溟分纂時西溟以布衣

食七品俸在明史館健庵疏請借行

查初白題壁集起庚午二月終六月題云

玉峰大司寇徐公

子告南歸奉

旨仍領書

局出却時邀姜西溟及余偕行兩人曰有唱和旗亭棊館

竹垞庚午年有送史館姜君

宸英赴包山書局詩

案健庵既歸萬季野獨以明史事

留京師館戶部尚書王公宏緒家

錢傳及徐公奉

敕修一統志開局洞庭山既又移嘉善復歸崑山先生皆豫

其事先生於地理尤精審凡山川形勢州郡沿革瞭若指

掌 行述司寇公歸里府君相與晨夕談古援今慰譬開

廣不以出處隱顯異致公嘗謂盧孝廉六以

名軒海寧人
康熙己丑進

士行述未填諱署盧名款曰年家眷曰聞先生乃古人其
世同學姪 犯聞菱屢引盧六以言

學有經法亦非吳志伊輩可望也

割記案羊流店晉羊叔子故里在新泰縣西北六十里南

北孔道也余庚午春經此

案此是潛丘借健庵同歸也
又割記嘗經過保定府新城縣

其土田甲天下古所謂膏亢地至今禾稼樹藝取勝而田
賦取輕又曰今萊城縣西北二十五里有九門城四面五
百餘里皆平地求一部婁塊阜亦不可得釋地在川上
相傳即泗水發源處今之泉林寺在泗水縣東五十里陪
尾山下余曾往游惟有詠郭景純詩林無靜樹川無停流
覺神超形越云云又東蒙條昔過其下土人承謫歷歷指
點示我疏證卷四徂來在今泰安州新甫在今新泰縣余
屢經過之卷六下胡陵故城在魚臺縣東南六十里沛縣
西北五十里余曾親過之問距定陶之荷澤約幾三百里
彼豈知荷澤在定陶東孟豬在睢陽東北二澤相通距僅

一百四十里哉又小沂水愚過費縣土人則呼浚河在其縣西北八十里案以上數事皆南北孔道所必經不得其年併記

問叔子之後裔有存者往尋其祖墓隆然高阜者於此

三卽傳出折臂三公之所復往尋其居遺趾隱然若城郭綿亘八里許因歎叔子以上九世皆二千石卿校可爲東

漢第一世家當時聚族而處居以積久日加闢遠又蔡邕

亡命江海遠跡吳會往來依太山羊氏以此地爲淵藪孰

敢過問之種種皆與史傳關合獨後漢書羊續太山平陽

人平陽卽西漢之東平陽晉爲新泰縣叔子晉書卻泰山

南城人南城原魯南武城晉地志亦三字名故城在今費

縣西南九十里距新泰二百四十五里意新泰叔子之祖

貫已則占籍南城耳觀武帝咸亨中詔以泰山之南武陽

平南城梁父平陽五縣置南城郡封叔子南城侯以其爲
南城人也叔子且死從弟琇述素志求葬於先人墓次狐
死正邱首正欲葬其隆然高阜之旁也茲撰一統志繫續
於新泰人物可也叔子以孫從祖柰晉書何且新泰縣建
置沿革并未見何年改南城一筆人物豈有無根者哉要
須別繫叔子於費縣人物不必拘元和志然後可

查初白題壁集有王義文閱復申招同西溟泛舟紅橋七
言絕句二首

割記

卷六

庚午季夏置書局於洞庭東山撰輯一統志有

分得福建者來質余曰欲倣宋梁克家三山志建置沿革
斷自周職方之有七閩始不上繫禹貢何如余曰杜氏通

典敘建安長樂清源漳浦臨汀五郡於古揚州內未見唐人遠之於禹服外者元和郡縣圖志亦然然明一統志福州等八府竟書爲禹貢揚州之域亦未安惟歐公妙有斟酌所撰新唐志於淮南道曰蓋古揚州之域江南道曰蓋古揚州之南境嶺南道曰蓋古揚州之南境南境與域字頗別微可議者江南道領有今蘇松常嘉湖正禹貢三江震澤地江州尋陽郡有彭蠡湖皆當日之域中豈得別之爲南境惟援其例書於福建一司則可福州府曰禹貢揚州之南境泉州府曰禹貢揚州之南境下迄漳州府並同方不卽不離蓋雖未顯見爲疆域未嘗不爲揚州師牧之所接聲教訖於四海閩東南海也豈唐虞之所得而遺之

哉

案今一統志刻本惟於福建統部及泉州府書曰禹貢揚州南境餘仍明統志舊曰禹貢揚州之域也

查初白尤寄集題洞庭秋望圖詩注庚午秋冬閒余寓居

洞庭東山橋社集

起庚午秋終十二月

題云橋社在洞庭東山之麓

劉氏取以名園秋冬閒假館於此與書局諸同人唱酬不

少云云

案跋繩孫與劉震脩書李武曾扁落士也今健庵尚書開書局於洞庭山武曾方與纂修之役足下

往訪尚書當與武曾相見云云是李秋錦亦在書局也

有大雨同胡拙明閩百詩登

湖樓詩

詩曰大聲拔湖洪飛上巨鯨背歎空作猛雨倒射怒百倍萬木助一喧掀騰走羣怪樓孤若搖動勢

已岌岌殆雲頭排窗來山影忽在外目存思欲絕境變奇乃取我詩苦難工傑句應有待

剖記老友吳喬先生

案喬又名及字修齡常熟人 剖記有逢吳子話舊詩首二句云史局置

湖山天教孰曠閒疑所謂吳子即喬也

賞言賀黃公

黃公名裳

載酒園詩話馮定

遠鈍吟雜錄及某園鑑詩話可稱談詩者之三絕余急問

賀書何處有日金陵有須價銀一錢二分余以三錢付黃
俞邵使者回家購之不半月以八分購賀書餘盡如余所
屬買套櫻桃乾葢素嗜此也到日同胡朮明大噉細讀口
眼俱快沁入心脾歎吾老友之知言也康熙庚午秋寓洞

庭東山席氏館題

鈍翁類稿席仲遠墓志余嘗兩過洞庭之東山其始至也以事趨謁席太翁仲

遠別去十年而復至則翁已歿伯季兩君方各治一園中

開樹石蒼秀亭榭雅潔又各於其旁穿池蒔蕪極幽人

逸趣

毛朱詩說近日吳喬先生其穿池蒔蕪極幽人君王不得為天子

詩國事分明屬灌均西陵魂斷夜來人君王不得為天子

半為當時賦洛神說日後二語似有悔婚王氏之意夫婦

不及十年甥舅不過一年而竟致一生顛覆此種情事出

於口則薄德而意中不無展轉故以不倫之語志之乎若

論故實不為世子在建安十二年丁亥子建賦洛神在黃

初三年王寅相去十五年也唐人作詩意自有在或論故

實或不論故實宋人不解詩便以薛王壽王同用譏刺義

山何異農夫以菽麥眼辨朱神紫芝乎此解可謂妙絕千古發端一語已道令狐綯之當國矣葢原知義山之人之

事方得是解不然空空而思冥冥以法豈可得乎縱得之恐亦成郢書燕說而已矣 荆記又有洞庭山人餽菊詩

又憶庚午重九病新愈後東海公招登高莫釐峯酒中

云古人之事應無不可攷者縱無正文亦隱在書縫中要

須細心人一搜出耳 又余告徐司寇健庵曰郡縣始自

秦作輿地表自當以秦縣名之可攷者實之不獨以郡今案

輿地表自秦始 又曰後居洞庭山中討論直隸真定廣平諸志

而後益曉然於今制折田之故又具以淮揚兩府折田之

數告徐司寇健庵台纂入一統志中案今一統志淮揚兩府下不載折田之數

疏證卷六下 余告東海公纂郡縣志者全憑有識如河南

八府惟懷慶糧最重民且受困三百年如近來纂志當以

糧所由重之說痛加發揮方輿有世道之責者惻念請於

朝比諸別府減而輕之柰何噤不一語

案今一統志懷慶府下於糧所由重

之說仍無一語及也

又一統志有關隘一項下載至某鋪或某集

某鎮在縣東若干里又若干里爲某鋪又若干里爲某鋪
達某縣界取有益或病其碎且名不雅馴者余曰昔宋紹
興三十一年金主率大將臨西采石楊林渡初奏言已犯
采石而不言東西朝廷大驚次報已到楊林而不言楊林
渡莫知其在江之南北益懼求當塗歷陽人問楊林所在
言楊林西采石之渡口也於是憂疑少定余譴使當日諸
州所上閏年圖備載村鎮及津渡之處可一一檢而知不
必外訊諸人矣 又一統志在京師輒進呈者爲保定府
內多載及水利有已施行者有未施行者允稱有用之書

又嘗謂鑿空出新不若舊說之安者尤莫甚近日碣石入海之說陽信有劉世偉者著論曰海豐縣北六十里有馬谷山高三里周六七里疑卽古之碣石爲河入海處願寧人賞其新東海公載入一統志中余曾正告之曰九河見兗州碣石則在冀州皆禹貢明文未易可移果如世偉言當移碣石爲兗州山矣古九河闊二百餘里長約四百里其爲逆河之地亦須長闊相等方外受海水之朝夕入內容河水之九派注今馬谷山之旁與上何處著此一片地邪東海公不覺笑余曰無論經聊以史證之蘇秦說燕曰南有碣石之饒秦始皇三十二年之碣石使燕人盧生求羨門高誓刻碣石門二世元年春東行郡縣李斯從到

碣石刻始皇所立刻石封禪書並海上北至碣石巡遼西
貨殖傳夫燕勃碣之間一都會也尙得謂碣石不在昔平

州今昌黎等縣處耶永平府志已進呈未及正之云

案今一統

志刻本仍以碣石爲在永平府昌黎縣西南武定府馬谷山下不采劉世偉說但云肇城記以爲卽古之碣石也又案潛江嘗因論河至碣石入海事親至瀕海一帶兼咨土人比之腹內特高不知當在何年 又宋史

韓世忠列傳初世忠謂敵至必登金山廟觀我虛實乃遣
兵百人伏廟中百人伏岸澣約聞鼓聲岸兵先入廟兵共
擊之金人果五騎闖入廟兵喜先鼓而出僅得二人逸其
三中有絳袍玉帶旣墜而復馳者詰之乃兀朮也按續資
治通鑑綱目宋元通鑑金山之下廟之上並有龍王二字
會親至其地疑之當時兀朮軍江南太乙亭董軍江北韓

世忠以海艦泊金山下兀朮不得絕江豈能輕騎至龍王廟且旣覺而復能浮江去耶或曰當時有沙洲故諺云金兀朮騎馬上金山此尤無稽之談也昔在崑山輯一統志至鎮江府得舊本三山志載龍王廟北宋時在銀山上非金山也然後知修宋史者以其時龍王廟在金山故實以金山而不知於兵機地形失之遠矣

案今一統志刻本不主此說於北固山下

引輿地紀勝曰龍王廟在北固山韓世忠遣兵伏廟中以襲兀朮卽此於銀山下曰卽故土山元皇慶二年建寺其上以與金山相對易名曰銀山蓋隱以闕說爲不然也

又與劉超宗書明一統志

無壽河胡三省注通鑑於敗之於壽河之下亦無注甚矣

其難也至新修統志淮安府山川載壽河引十國紀年凡

兩部書可謂遠勝明人

案今一統志故城河古名壽河卽澗河支流也引淮南水利考唐昭

宗景福元年楊行密將張訓李德誠敗朱全忠將時浦於壽河云此今日顧景范黃子鴻

饒爲之事惜先生不見此兩人捍海塘備載范文正築海

塘方略眞正有用之書今人遠勝明人鄙言豈無徵案今

志海塘下不載文正之說又曰纂志於洞庭徐司寇出典籍庫中大

元大一統志十數本皆蜀中地計尙有九百八十餘本會

見葉文莊家書目此書與經世大典並列安知世不更有

足本乎潛研堂集跋元大一統志殘本厘四百四十三翻大字疏氏假元大一統志殘本厘四百四十三翻大字疏

行殊可愛每冊鈐以官印驗其文則處州儒學教授官書大清

也傳聞康熙間崑山徐公乾舉奉教修內府書有元大一統志

一統志開局於吳之洞庭山借內府書有元大一統志殘本二十餘冊徐公志彙今在史局所借之書度已歸中

秘而未聞有見之者穆案元修大一統志事私書志載之取詳承樂大典收天下府州縣志不下千部中凡引用

元一統志處乾隆中開四庫全書館校書者一一籤出穆

會刊見其標題計常有輯本行世而亦未之見是可惋也

困學紀聞箋

卷十

李仁父長編近四十年前無錫顧孝廉

始從嘉興高氏購得之凡三易主而歸傳是樓余假館樓

下且讀且鈔窮日夜不少休然止及治平餘仍放失有勸

主人宜集眾以續此編者余亟搖首以戒主人笑以爲知

言云

剞記移寓詩注公藏從錫山購得長編余爲辨其非是蓋此書乃錫山秦氏家藏歸於牧齋宗伯絳雲災

後此書絕矣公藏名體仁頴川衛人順治乙未進士官吏部考功郎著有蒲庵集又案公藏與潛工相議取早當在壬寅初入京師時移寓詩注云劉公藏考功會語余今人百不及古人所差勝者品茶度曲圍碁耳

是年汪鈍翁卒

剞記喪服翼注汪氏琬臨沒刪其稿爲

堯峯文鈔戴晟西泠購以示我讀之頗有幽冥之中負此

良友之感蓋爲余所駁正者悉刊以從我有駁正而未及

聞於彼者承譌如故將來恐疑誤後生不小云云

案剞記有詩云

汪筆王詩重本朝詩尤兼筆扶風豎晚來酬答爭名甚輪
與抽身價卻高又嘗稱鈍翁居鄉人品高絕可謂惡而知
其美矣戴晟又字晦夫潛正爲易其字曰唐器易其齋名
曰寤硯事皆見劄記淮安府志晟山陽人康熙中諸生師
事浙西黃梨洲歸而廣購異書研窮經史有疑義輒
就質於同里閻徵君百詩辨難往復多得其指歸

劄記有雪舫來口占卽事以贈之作重見已成翁傷懷話
不窮小侯四姓長新樂一門忠正誤能留史探心欲作風

寥寥乞米帖裝裹至今雄

明詩綜劉文昭字雪舫任止人新樂忠恪侯文炳弟有攬蕙堂

偶存明史外戚傳崇禎十七年三月十九日新樂侯劉文炳之弟劉文昭方侍母飯家人急入曰城陷矣文昭盥脫地直視母母遽起登樓文昭及二女從之文炳妻王氏亦登樓憑孝純皇后像母率眾哭拜各縊死文昭入縊墮拊母背連呼曰兒不能死矣從母命留侍太夫人遂逃去吳梅村有吳門遇劉雪舫詩新樂舊注案文炳母杜氏聞城將陷卽命侍婢檢荷縊懸樓上作七八縷命家僮積薪樓下送送老僕迎李氏吳氏二女歸曰吾母女同死此又念幸得皇太后母濂國太夫人年篤老不可俱盛因與文炳計置之申漭然家文昭所以有留侍太夫人語也魏叔子

有新樂侯傳又有贈劉雪舫敘曰方甲申三月之變君年
纔十有五歲避地秦郵者二十年勞苦患難飢寒之狀無
弗身試穆案據之則雪舫長先生五歲詩曰重見已成翁
雖未知重見何時而是年先生由京師南還雪舫逾六十
矣附記於此當不甚差忒也 淮安志載文昭清河夜泊
詩孤舟離緒又清明一挂蒲帆千里程去住向誰商出處
飄零到我負生平雲連海氣天無色風鼓河流
夜有聲襍被春寒眠不穩悽然雙淚落三更

三十年辛未五十六歲

馮山公解春集第八九兩卷爲淮南子洪保山公自題曰
洪保者何馮子讀閻子尙書古文疏證而作也儒者之學
莫大乎正經而黜僞今文尙書爲古文淆亂其間莫之或
正儒者之恥也閻子唱之馮子和之其義大安故曰洪保
閻子晉產也馮子吳產也一西一南地之相去幾千里而
作合於淮安以卒其業豈非天哉故亦號淮南子云

按此
題詞

以下論釋地書證
之知爲此年事

又與閩百詩論釋地書景辛未客鄭
公鄉與先生辨析諸經義別來忽忽十稔每望三洲何嘗
不歎比得寓目大著四書釋地及續二書發朱子集注所
未發云云 劄記與劉超宗書淮南子洪保馮子山公所
著書名與閩子尙書古文疏證辨論而作也其勢如傾山
倒海而出卻可惜所憑據在逸周書穆天子傳又可惜在
家語孔叢子僞本竹書紀年尤可惜則在魯詩世學世本
毛詩古義耳真繆種流傳不可救藥吾末如之何也已矣
又一書云洪保主人亦信古文非真所論難者他語耳正
恐信亦不透

趙秋谷送閩復申歸山陽序趙子旣返田里山居而野食

歲辛未之春門人閻生自其家北上將試於禮部枉道來省之既逮試竟爲當事者所黜南還復過山中留數日

劄記有故人子劉子吉以勤學而死異日始知遂有此作長轡未及騁車輸出戶推旁觀猶起歎白首定餘哀魂去

同秋艸名留祇夜臺前身單季子碣待柳州來

戴唐器廨硯齋集

友劉君子吉行略君諱修字子吉少穎異好學而不得其闡與年二十始得交顧在贛在贛受學於甬江陳怡庭先生論學一以叢山南雷爲宗他人治一經而君治五經他人治一經學業講義耳而君必求之注疏以及左氏外傳戰國策三史莊子離騷咸博取之丁卯余邀君授兒子句讀因約爲讀書窮經計君日鈔書十五葉得七千二百六十字月則得二十一萬七千有奇夜讀書至三鼓而符於所鈔之數庚午春余師萬公擇先生見其手不停披戒之日學以涵養本原爲上次之諷詠以陶寫性情而已如此將積瘁成病已而果然病幾一載至辛未八月十一日歿年三十有六

左汾近稿有和王阮亭少司馬西城別墅十三詠後有跋
曰昔張文毅公典試歸熙甫先生下第公忽忽不樂對客
曰吾爲國得士三百人不自喜而以失一士爲恨至今詞
場傳爲盛事顧余何人敢當公歎然不可不謂公之異於
恒情也慰藉之餘出詩題十三首命余屬和曰此非翎名
書又無壅而不以徹吾目者子力構之必有賞音余唯唯
歸塗經秋谷夫子家夫子十三首早成亦命余和曰吾子
之遇而知己也新城公子不遇而知己也於是依次構成
敬書冊上念自會大父登第以來八十八年矣與公家三
世交好靡少間云云又與王阮亭先生書人負一能一技
莫不有翹然自異之心況文章心術所寓進取之關而適

出當代大賢之門下雖不遇猶遇也抵家團圓多暇與家
父述之家父亦有盧公知汝汝可不恨之喜偶以腰痛不
能祇候布謝但云客歲在洞庭書局東海先生撰次江西
人物歐陽文忠下備引先生廬陵永豐之辯家父以爲的
未曾有東海曰此出新城先生皇華紀聞子尙未見耶家
父固求一讀祕惜不與曰一讀必刺刺不休荒吾統志功
矣家父志之不忘奉懷及嶺海集各二部見付來人係特
遣望立賜回音案漁洋於是年春同張文貞陳文端李文
貞主試禮闈又今一統志刻本收歐陽文
忠入吉安府人物
下不著漁洋之辯又書姚崇捕蝗事後曰康熙辛未四
月余從京師抵山陽歸塗所經蝗蝻蓋野因取姚崇列傳
唐紀開元三年四年事彙而刻之云云有寄李學士詩曰

夢回閩閩轉淒其通籍憑君指路岐老女同牆三月半酒
人獨病百花時經塗蒿目螟蝗急返舍驚心鸚鵡遲更向
顏山取深處致書珍重抵瓊枝自注時有書寄天水公

三十一年壬申五十七歲

是年健庵因濰令朱敦厚事落職書局亦撤仍奉

旨續進所纂書乃避居嘉善已又僦居郡西華山之鳳村

是年六月宋牧仲由江西巡撫調任江蘇巡撫 沈儼劄

記序商正宋公開府吳門寶禮授館相與質疑問難無有

虛日 劄記有奉投江寧巡撫宋公詩二首領句云相門

才子百僚師使節真瞻兩道宜自注唐江南東道理蘇州

江南西道理洪州公兩任恰合

案此二詩不得其年類記於此

又案商

正撫吳延吳荆山士玉爲子弟師劄記及釋地中均有與

荆山札蓋卽相見於斯時

劄記與劉紫函書頃聞吳荆山
選考卷及沈儼祿之去公室文

尾載儼自記卽不佞議論荆山駁之正之意只在遵集注
耳荆山與僕交情亦佳安得及此曠乎真令人心折氣盡

三十二年癸酉五十八歲

寤硯齋集超宗先生別傳癸酉秋七月初宗劉先生卒太

原先生以詩輓之曰老淚不能多聲聲喚柰何平生知己

盡萬事任蹉跎第許孤魂及官曾一命過鄉邦志文獻終

古首編摩言有盡而意無窮後山之哭南豐不是過矣

左汾

近稿亦有

超宗輓詩

劄記有北闈間西溟得售詩

查初白宥寄集

起癸酉四
月盡十二

月有姜西溟至都詩二首又有洞庭秋望圖爲同年姜西

溟題古詩中有句云今年又赴京兆試失固其常得差喜
與君同榜獲聯名王後雖卑吾敢恥結詩亭集崑山徐尚
書罷官猶領一統志
事卽家置局先生從之南歸時貴之構崑山者亦惡先生
顧崑山雖退居其氣力尙健倦倦爲先生通榜卒不倦則
亦古人
之遺也

解春集與楚州先生牘

案楚州先生
謂潛工也

溶河書發未念切念

切此事利在速行無可疑者三城之人欲開澗河萬口一
談望公力言有如望歲入冬水涸不早從事斯無期矣惟
公毅然行之亦此邦之人不敢望於他人者耳旣已決於
中不必更與人謀以見鄉先生之大有造於桑梓且使當
事別白觀之漸得要領倚如長城臨淮之人屬耳目在此
舉矣此事行數世之福也戴唐器超宗先生別傳暮年蘇
蘇不置者郡邑兩大事一澗河

水利澗河泄運河汎濫之水並泄三城積潦之水直達射陽湖爲盛興數邑柴米之要津又有小澗河當日所以設兩河者緣黃淮汎漲一河不能受其波決故復開支河以分其流流復勢力家因小澗河水易汲引多置田園遇水緩時專引注小澗河澗河遂淤淺積久不能行舟而小澗河亦塞先生特著一議意在泄水而不專主澗河癸酉冬十月中丞三韓與公議開澗河太原先生彙括前議上之而先生已不及見矣未幾興公罷去澗河之工遂寢淮安志興永朝遼東人康熙三十一年任漕運總督

疏證

卷八

癸酉冬薄游西冷間休寧姚際恒字立方閉戶著

書攻僞古文蕭山毛大可告余此子之廖偁也日望子來

不可不見之介以交余少余十一歲出示其書凡十卷亦

有失有得失與梅氏郝氏同得則多超人意見外喜而手

自繕寫散各條下

武林道古錄姚際恒字立方號首源仁

和諸生少折節讀書泛濫百氏既而盡棄詞章之學專事於經年五十日向平婚嫁畢而游五嶽

余婚嫁畢而注九經遂屏絕人事閱十四年而書成名曰

九經通論時山陽閻若璩力辨晚出古文之僞際恒持論多不謀而合若璩撰古文尚書疏證多引其說以自堅而蕭山毛奇齡篤信古文作冤詞與若璩詰難奇齡故善際恒以際恒之同於若璩也則又數與爭論際恒守所見迄不爲下際恒又著庸言錄雜論經史理學諸子未附古今僞書考持論雖過嚴而足以破惑學者稱之秋濤案毛極攻潛工而實極服潛工如送潛工序所稱是也其於立方亦然詩話云凶兄大千爲仁和廣文書曰仁和祇一學者猶是新安人謂姚際恒也子嘗作何氏存心堂藏書序以似兄兄曰何氏藏此有幾不過如姚立方腹篋已耳及子歸田後作大學證文偶言小學是寫字之學並非少儀幼學之謂不知朱子何據竟目爲童學且袁然造成一書立方應聲答朱所據者白虎通也然白虎通所記正指字學誠不知朱子何故襲此二字因略舉唐宋後稱小學者數處皆歷歷不謬坐客相顧皆茫然則度越時賢遠矣子述兄語示立方立方卽贈子長律二十韻云云其推服可見然則西河之於閻然固折心折而必

西河與潛工論

尙書疏證書昨承示尙書疏證此不過惑前人之說以尙

書爲僞書耳

案此語殊未析

其於朱陸異同則風馬不及而忽詬

金谿及姚江則又借端作橫枝矣云云

秋濤案此當是潛
正初以疏證持示

西河故云爾也時西河尚無意立異故篇中數百言祇爭
陸王學術絕不及古文真僞其送潛正序作於是時亦無
一語及又送閩徵君歸淮安序子避讎之淮安與閩君潛
古文也

正交暨之梁宋復歸淮則稍稍有言潛正君年損而學多
者於是躬詣之與之游及子還舊鄉會開制科舉天下強
才有學之士徵車四出其在淮則潛正君首應之子得相
見於京師觀其所著書夥頤哉言洋洋乎乃不見用而罷
值司寇徐公承

命脩天下志書聘君掌其局多所論著既而謝去出所辨尙
書二十五篇挾之游錢塘時潛正亦垂老毛髮種種而子
則歸田有年越七十衰矣

案西河以二十五年丙寅
歸里是年年七十一

乃取所

爲文讀之謂之曰吾不知於漢北海君相去何等若唐之

孔仲遠宋之深寧叟則出之遠矣 全謝山毛檢討別傳

西河素不持士節多仇家乃相與其發其殺人事於官當

抵死亾命游淮上得交閩徵君百詩始聞考索經史之說

多手記之已而入施公愚山幕始得聞講學之說西河才

素高稍有所聞卽能穿穴其異同至數萬言未幾得豫詞

科爲史官益自尊大無忌憚於是自言得學統於關東之

浮屠所謂高笠先生者而平日請教於愚山者不復及焉

其於百詩則力攻之嘗與爭不勝至奮拳欲毆之

秋濤案謝山此

傳初疑其或不實近假得西河全集細覆其生平事蹟并

西河自作墓志盛唐所作西河先生傳始知謝山之言不

妄集中前後多自相抵牾其謂以選詩評語獲怨於王柳

潭自起假他事訐訟伏人道旁篡取之將置死地鄉人率

眾奪之遷怨者移營卒屍橫地指爲所殺捕達甚急乃出
游江淮闕云云事似可信然敘出游歲月則率不足據或
云十餘年或云二十年又往往同此一年而或自言出游
或自言里居足知其非事實矣李剛主師事西河欲爲作
年譜而不果殆亦有見乎此又其四十以前未見潛正時
率以賦詩填詞選制藝評傳奇爲事集中經解雖卷秩繁
重實皆歸田後作自言二十餘歲時已作續詩傳遭兵燹
失其稿然世亦未有見者鳥名一卷仍歸田後所成託之
早歲贍稿耳白鷺洲主客說詩成於愚山署中西河經解
之取早出者也中多引潛正說時方與潛正訂交也則謂
西河考證之學得自潛正良信又潛正初成疏證寄西河
時西河貽書祇爭書中朱陸之辨而不及古文眞僞是其
時於壁經源流尙未一考迨剛主進以尙書非僞之說而
冤詞作焉始未并詳其再與潛正書中總之西河固心折
於潛正而必欲強與爭勝此其所以爲西河也又案西
河詩話云琉球中山王遣使入貢於還京時福建侯官縣
五縣寨巡檢胡奉至杭州爲使者買絲布什器兼覓毛初
晴論釋西廂記及瀨中集詩於書林不得遂訪余云云又
詞話西廂久爲人更竄余求其原本正之逐字覈實其書
頗行第中尙有不能詳處如第四折內和尙們回施些云
云是西河別有此等書與全
聖歎爭名其亦異乎潛正已

剖記有頌眉來云尊公文

起大行典試山左志喜之作萬里輔軒使三秋藻鏡開文
從東國轉名自小山來吐鳳曾多侶成蹊亦有媒爲傳余
問訊今的鑄顏回淮安志劉愈字文起康熙壬戌進士工部屯田司主事清祕述聞康熙三十二年癸酉科鄉試山東考官行人劉愈案紫函須眉皆文起之子紫函則濟江之女夫也劄記又有劉行人訊至荅之一首卽文起也又送江汝紹詩亦及文起汝紹名聞衣康熙己卯舉人

三十三年甲戌五十九歲

疏證

卷八

甲戌首春交王復禮艸堂於錢塘示余文廟祀典

十四議

復禮字需人號艸堂錢塘人著有家禮辨定書解證誤三子定論季漢五志等書秋濟案艸堂與毛

大可李剛主友善議論亦與二家相出入釋地三續楚狂條引艸堂說

是年七月奉

旨徐乾學著來京修書徐秉義學問亦優并著來京而健庵

已先於是月十七日卒 劄記有吞聲一首自注爲東海
公作無復空山哭吞聲阮步兵時從高處見猶似玉峯晴
鳳詔徒霑命鴻文已隔生恩深楚父老永係汝陽耕 又送
徐宮允北上詩序公初聞

召有遲回之意余移書勸之曰昔宋元豐末程子謂司馬君
實遠臣也不可不辭呂晦叔世臣也不得不出遠南渡後
朱子又遠臣也宜辭張敬夫世臣也宜出今先生乃世臣
非遠臣以兄弟蒙

恩故且一家而兩

召一已矣一尙存忍不出乎公聞而慨然就道於其過淮也
送以詩 有殘年哭知己一首讀唐書張說傳有懷一首

皆爲東海公作而不得其年類記於此又送申孝廉詩首句曰何處是西州羊曇醉裏游亦東海公歿後作孝廉父秘見顧譜 哭喬石林姨弟二首自注東海公薨於七月十七

日後四日石林卒

墓志徐尙書既歿先生居於家守土大吏及南北好事者類謬相推重而實無有爲之地者故先生卒窮老不遇

徐果亭禹貢錐指序往子伯兄尙書奉

詔總修一統志一時博學洽聞之士盡招集邸舍其精於地志山經水注之書者則若無錫顧景范常熟黃子鴻太原閻百詩及德清胡淵明未幾伯兄歸田不幸卽世諸君子亦雲散而不復台子被

恩復起仍奉

命卒一統志之役景范已前卒子鴻百詩間一來亦先後淪

沒子潦倒京華十餘年書今垂成亦已皤然老矣

劄記與戴唐器書陸去肆兄游孔林歸見從祀先儒缺李

延平牌位深以爲訝余曰此不足訝也遂舉其顛末告之

案顛末見疏證卷八且互相攷訂者三日方寫書山左學使令其行

文補置主真不枉此一游然非弟助之膽亦堅剛不來還

是講學問講經濟隨地可以及物案清祕述聞山東提學道劉謙吉字訥庵江南

山陽人康熙甲辰進士三十三年任淮安府志謙吉字六

皆甲辰進士授中書出參撫遠大將軍署入補刑部主事

出爲思南府知府膺卓異升山東提學僉事期滿乞歸構

一養園吟咏其中陸志謹字去肆山陽人福建提學求可

子居鄉有行誼捐貲置聖廟先賢神主脩敬一亭尊經閣

費累千金案書中所云山左學使雖未表著其名然以諸

書參互考之必謙吉任中事無疑去肆東游殆卽主於

謙吉也不知確在何時故記之謙吉初權學道之年

三十四年乙亥六十歲

南雷黃氏哀詞序略云康熙乙亥秋九月甲戌望日方晡
叩門聲甚急啟視乃吾梨洲黃先生凶問也不覺失聲越
明日乙亥晨興走哭於城南戴氏蓋余聞先生名也久而
知先生愛慕我甯爲我序所著書許納我門牆實自戴氏

兄弟曾晟始夫由賜也見我故哭諸賜氏禮也且召及門

顧子說

諱字在瞻山陽人拔貢官內正知縣

楊子開沅

開沅字用九號禹江山陽人康熙癸未進

士翰林編修著有景姚堂集

會哭俄而二子至先生位南向余號慟曰

已矣吾不獲親及先生之門矣柰何顧子曰昔聶雙江欲
師事王文成而未逮文成薨後始因門人錢緒山爲介執
弟子禮子獨不可援此例乎況先師實許子二戴子在旁

知狀余曰然遂移先生位東向余北面以四子爲相禮將
下拜二戴子止曰禮弟子見師贄子不可以無贄顧子今
南游且經紀先師喪吾徒各有奠附以往請以侑此奠者
文以當贄於是拜拜而相嚮哭越十日甲申乃執筆洒淚
爲文以告於大徵君梨翁夫子之靈云云

生日展期啟今下元節前一日爲余六十仰述先事亦展
一年刊布此箋以告姻友 有壽子仁二十韻有送沈敬
存還鹽瀆詩結句曰須臾丙子歲六翮養應長

寤硯齋集乙亥秋有潛正先生書來苦相勸勉兼以月泉
吟社見示詩

三十五年丙子六十一歲

疏證

卷五上

丙子夏馮山公寄余書云亾者猶表其間況存

者乎亾存俱指位言非身也請證以晉語叔向賀韓宣子貧宣子拜曰起也將亾賴子存之亾上文樂懷子亾於楚之亾注亾奔也是解取善喜而亟錄之

釋地餘論辨吳越廣陵曲江云大抵讀古者須考作之時日談地者須考代有沿革方克決其所由然余實因讀班氏自注發寤於中以告吾友黃俞邵俞邵從叟宜立艸一

說以曉學者忽忽十有三年病癩未就茲又因竹垞文類

與越閩書辨僅得其半故特爲補之并爲正之云爾

案潛正初

晤俞邵在甲子年則後十有三年當爲丙子也竹垞文類刻於壬戌計潛正已早見之至是始下辨耳越閩卽江關割記讀唐器鴛湖憶曲蓋興起於義山歸來已不見錦瑟

長於人句也調之錦瑟爲身可抱眠夜深何用怨相捐鴛
湖波路春來闊已上忘歸范蠡船自注鴛鴦湖側有范蠡

湖

案嘉視齋集鴛湖憶
曲作於丙子夏日

行述自六十以後時訪友數百里內往來蘇杭輕舟載書
冊酒茗徜徉湖山煙水間衣冠洒落見者以爲霞外人竹
垞及毛檢討大可兩先生則時時過從商確學問事蓋取
多云

三十六年丁丑六十二歲

有將過江展司寇徐公墓先寄一首案健庵以乙亥十一
月葬詩領句云素車曾未至宿草益興哀以宿草之義推
之知當在此年 又鄰笛一首今日山陽路潛移到玉峯

一聲鄰笛發萬淚滴芙蓉絲繡勝金鑄龍塋魏馬封誰云

老賓客失意欲他從則展墓後作也

又贈洞閣詩曰買絲會繡合肥像沽酒惟

澆司寇墳誰知客散秋風裏留得空門一洞聞不得其年附記於此

有二月十六日渡江

作一首後二句云昨宵有夢蓬瀛上已占春風第一名爲

長君詠應禮部試發也

六月爲武進臧玉林作經義雜記序略曰毘陵臧玉林先

生隱德君子也深明兩漢之學既通聲音詁訓又雅擅二

劉楊子雲之長撰經義雜記皆有闕經學大事餘則推性

善戒情逸辨譎謬補遺脫一字一句靡不精確洵可爲首

出之士矣

常州府志臧琳字玉林武進人康熙間補縣學生謂不通訓詁無以明經治經以漢注唐疏爲

主著經義雜記三十卷尙書集解一百二十卷穆案玉林元孫庸字在東學於盧抱經學士嘉慶間學者也道光丙

午夏門人趙祿保書來云玉林先生尙書集解更經在東
補綴手錄定本高二尺許約二百萬言今尙存其家惜無
能刻之者其七世孫熙今設帳縣保家擬借其書錄之穆
復書趣鈔數卷來未知其能慰我寤思否也九月二十六
日越年春祿保以公車至京錄其自序見示序曰珠不
揣固陋手自撰輯上探伏孔馬遷之奧中採許馬鄭王之
請下逮唐宋元明之說莫不條分縷析依經附注類其精
英棄其瑕疵間下己意亦不數見蓋以前人之義已備故
一己之說不贅惟文字異同之間有係聖經匪淺而自唐
儒陸孔以來多所依違鮮能折衷琳少學詁訓頗解於斯
凡有可據隨爲條證欲少求益於前人所得之外非忘其
大者遠者而議其小者近者也據穎達正義之本做何晏
論語之注別以姓名題爲集解三易其藁廿年而成爲卷
凡一百有二十附以序目釋文四卷若夫刪繁訂失是深
有望於後之君子焉康熙四十四年
太歲乙酉仲冬月武進臧琳謹序

復申困學紀聞箋後序歲丁丑大人閒游江陰從一故家
得斷爛鈔本以歸較多二十餘條其詞簡而義精非尙書

萬萬不能爲也

劄記有與趙秋谷宮贊書云壬申夏遇馮三兄於玉峯

馮名

行賢字補之一名景賢又稱馮咎號圖芝常熟人馮班定遠之子也劄記題堯峯文鈔有與圖芝戲論鈍翁詩句事在戊午己未間以語傷葉庵故不采

查初白勸

首問訊

酬集崑山一名玉峯周圍二里許似紫石而成者

先生起居知文酒自適不復以世務縈懷竊以天之成就我公之高者至矣他何足云兒子此番又得而復失有辜

恩門聞開中書一例姑聽其就試亦不知終局何如也頃

至白下有傳誦天上白雲如逝水艸間黃蝶似秋花之句

豈不使新城失色侍郎卻步邪 是年有贈曹子清侍郎

四律

首章第四句云世職少司空結句云我游當首夏正

颺棟花風二章首二句曰亭名志孝思取賞杜陵詩

自注謂父執杜于皇二丈三章首二句曰又得泥金信風

流第一人自注謂阿咸狀元第六句云延年但遜身自注

漢杜延年爲御史大夫以父會居此官不敢當舊位坐臥皆易其處萊子清名寅號荔軒漢軍籍世傳棟亭十二種

卽子清所刻也父名璽字完璧康熙十七年以工部侍郎
典江寧織造越三十餘年而子清繼之故有世職少司空
之句子清初典蘇州織造於庚午四月蒞任至壬申十一
月移鎮江寧詳尤展成司農曹公虎正生祠記此四詩知
必在江寧者以次章第六句自注推知之也又展成曹太
夫人壽序曰當司空在金陵嘗築棟亭今農部於姑蘇作
懷棟堂以志慕若投詩在蘇州不當有亭名志孝思之句
矣而潛正與趙秋谷書有頃至白下之語以復申考授中
書之年推之知當在丁丑則此詩亦當屬丁丑作來游在
四月故復申中書之試尚不知終局何如而三章已有阿
成狀元之賀也柯咸論謂子清弟錄敵潛元不知是何
好嫌詩解賦話不爲其年聯於此漢軍狀元不知是何
科目要以四月泥金之信知必在此年會試後耳竹垞有
棟亭記展成有棟亭賦西河有棟亭詩據次章潛正自注
則茶邨亦常有詩而今變雅堂本軼之矣荔軒少學詩於
施愚山愚山歿爲刻其詩文集事見施璵隨郡集四君吟
又余澹心懷亦潛正父執也荔軒在蘇州時屢借淡心
過展成揖青亭水哉軒小飲展成昔有詩割記與戴唐器
書明日有人招弟肩輿三十里往看柳浦灣梅花因思老
愛青春貧愛酒尋花只當作生涯父執余澹心佳句今人
能到乎陳壽祺聞文苑傳余懷字澹心一字無懷號曼翁
又號曼持老人莆田人居江寧懷生明季才情綺麗詞多

樓婉晚隱居吳門徜徉支硯靈巖間年八十餘歿長洲尤
侗輓之云贏得人呼魚肚白夜臺同看黨人碑魚肚白者
金陵市語染名也懷與杜濬白
夢蘊齋名故云有味外軒稿

寤硯齋集康熙丁丑春夏之交太原徵君閣百詩先生兩
至吳門獲觀汪氏武曹所藏太僕手批史記皆怱怱不及
終卷僅錄其例意五十三條爲向來諸集所未收者以歸
示同學二三子詩集有讀觀海集呈太原先生五言古詩
行述三十四年壽六十府君以先祖考六十時祖妣服未
除不稱觴故亦展一年適不孝詠授內閣中書舍人自都
門抵里捧同年姜編修西溟壽序偕諸弟子姪拜堂下府
君曰汝等知吾今日之樂乎皆頓首曰大人周甲之年康
彊充臆大慶無窮府君曰非也吾讀書五十餘年喜今日

纔得一貫字耳

案生日展期當爲三十五年而此有姜編修西溟之稱西溟以丁丑成進士殿試

一甲三名授職編修則爲三十六年又以與趙秋谷書得而復失及開中書例云云皆以屬之丁丑爲合然則行述適字亦大略言之不定指乙亥之後一年也惟復申時未成進士西溟又以癸酉始舉京兆何以有同年之稱當緣西溟成進士之歲復申亦考授中書故耳然則歸里稱觴之樂當屬之三十六年更無疑也

山陽詩徵載劉紫函酬閻復申詩云惟我不如意許君相對吟君今越千里好夢何由尋紅藥翻階色碧梧留院陰欣傳看小鳳未集玉山岑自注將就中書之試

三十七年戊寅六十三歲

是年孺人張氏卒 行述三十七年先妣卒靈傷至今

劄記有題窈窕居四首

第三首自注詠將爲其母乞銘長安

又有讀元微

之遣悲懷詩題後二首

夏刻困學紀聞箋復申序云詠端憂多暇請鳩工授梓大
人復自砢砢者彌月乃手之而喜曰續古人之慧命啟來
學之博聞其在斯乎云云戊寅六月望日

墓志執信早識先生都下後過淮屢主先生家引與談議

許爲忘年交

案秋谷鼓柷集有寄朱竹垞檢討村居一首
竹垞和詩編在此年戊寅而鼓柷集未歸次
淮南呈闕百詩題下自注云去秋

下榻其家必系此年事無疑也

有荅吳亦韓一絕老愛青春任杖藜卻嫌委巷入深泥君

家雪色壁如舊醉罷還能滿壁題趙秋谷評曰黃山谷見

東坡和陶飲酒詩讀至前山正可數後騎且勿驅曰此老

未死今日讀聞徵君此絕句曰百詩不衰

案此詩不得其
年以秋谷評語

推之或卽在過淮下榻之年也亦韓名愈山陽人拔貢生
官鄆縣教諭 劄記鄆人之子條引亦韓語又有過亦韓

詩曰隔溪定過板橋西相似柴門只覺迷不是君家人識得誰能曳杖入深泥與此絕句語意互相發

剗記題潘孟升詩集錢氏有學集有秋日曝書得鶴江生

詩卷題贈四十四韻注云生名高金壇人初不知何姓字

已而知爲潘孟升戊寅殘臘過毘陵徐學人家學人曰吾

舅氏也南邨詩集雖刊未印余勸其廣爲流通越明年春

已回舟得二部行至界首爲波臣所攫取復索又得二部

以一歸寤硯齋茶餘客話戴晦夫寤硯齋在西長街一卽此本學人名永宣

行四是秋登賢書世其先中丞之家殊可喜云學人康熙庚辰進士

有茶坪詩稿國朝名家小傳茶坪成進士策名已及而意不欲出曰吾讀書更十年而後仕未晚剗記又有新

先輩錢四亮功徐四學人見過詩首句云雪中來二妙結句云忽爾搖鞭去看花醉帝鄉蓋學人公車入都

過淮上倍亮功來謁也查初白壬午年有旅壁見錢亮功徐學人倡和詩戲次其韵之作亦徐錢會試同行之證不

得其年附記於此亮功名名世武進人康熙癸未進士

有戊寅冬游宏濟寺題宋

荔裳先生詩後一首宏濟寺僧言杜二丈于皇淺土未葬

感賦一首

案于皇有宏濟寺尋蒲庵詩首句云幾度維揚訪老僧疑借工所謂宏濟寺僧卽蒲庵也方

苞茶邨墓表先生金陵與先君子善客維揚則主蔣前民丁卯春攜襖被叩門語先君子曰吾老矣將一觀前民歸而窟室蔣山之陽死卽葬焉是日渡江數月竟死維揚喪歸寄長干僧舍一二故人謀卜兆子世濟曰吾有親而以葬事辱二三君子是謂我非人也無何世濟又卒又數年長沙陳公滄洲來守金陵謂先生其鄉人之能立名義者爲買小江蔣山北梅花村葬以康熙

有贈王慈峩一

首

慈峩名易江都貢生著有懷孟堂集秋谷有慈峩墓志秋濤案慈峩曾脩揚州府志刻記有一條云江西之名有三今揚州亦名江西他日以語王慈峩入其府志中又一條云客有遺余以揚州府志者當卽慈峩也

有荔軒司農屬過蘇州訪織造李君賦贈一首

案詩首二句曰片帆

乍到石頭城又見闔門瓦欲流則在荔軒移駐江寧之後潛工自壬申後惟此年冬有泊舟胥門訪顧俠君之事意

卽由金陵而來故贈詩
中有探梅詠雪之句也

九月宋牧仲爲作四書釋地序

序會以公事將于役海埔
蓬窗小暇乃弁數語卷端

還之戊寅九月旣聖

案釋地初刻無年月據西河書當

刻於丙子商正此序乃補作也
秋濤案竹垞與潛正書

論茅闕門事謂承奇四書釋地當
在釋地初刻之年毛大可亦有書

顧嗣立孟子生卒年

月考序百詩徵君戊寅冬泊舟胥門訪余秀野艸堂出一

編相示云云

序作於己卯四月
進士官庶吉士江南通志稱所居秀野艸堂

嗣立字使君康熙壬辰

四方名士觴詠無虛日風流文采照映一時
汪沆槐塘詩話顧俠君嗣立入都寓宣武門三忠祠內小屋數椽繞

屋花木扶疏可愛因屬查浦嗣瑛顏之曰小秀野自題
二絕句一時名流和者甚眾云云案三忠祠明崇禎中奉

勅建以祀遼東殉難之張銓高邦佐何廷魁三公皆山西
人也吾鄉之官京師者實典守之穆嘗舉俠君此事屬壽

陽尙書補題小秀野三字懸之祠偏老屋以備鄉邦掌故
云 又案疏證卷六下吳松江余嘗相其地形云云卷八

聞歸熙甫有疑古文稿藏於家余三至其家購訪之卒不
出割記宋中丞壽序崑山有南禪寺爲周文襄所棲止余

屢經過之信言文襄當年屏驛從自攜蒼頭就廚下羹每
南面坐旁立者一吏一卒是以兒童白叟及婦女皆得至
前刺刺作吳語故利病纖悉
畢達云云皆此數年中事也

三十八年己卯六十四歲

聖祖三巡江浙奉

慈聖以行諭云朕瞻念東南民生風俗特行巡省兼以黃淮
爲患親閱河工比循歷堤堰詳加相度以疏導修築之法
指授河臣刻期興作 劄記有恭呈

御覽詩八首

案詩有云生日唐名節者三月十八日恭逢
萬壽聖節駐蹕蘇州合郡士庶進頌壽詩

上萬年之觴也

云禮仁閣下試荏苒廿年餘者自己未
召試鴻博至此凡二十一年也云堯水仍堯治無煩

伯禹功但勤閱視外盡入睿謀中者卽

聖諭所謂

以疏導修築之法指授河臣刻期興作也以奉

慈

聖同行故第四首云九龍浴聖日二氣合神時又云常作
丹輝舞閩韶共鳳儀也第八首云可知巡守典原具翁河

章明此行爲親閱河工而來與首
章河平漢紀年相應爲章法也

山陽詩徵康熙三十八年

皇上南巡視河二月旣望

駕幸淮安府城道經山陽縣儒學櫺星門

聖躬拱立逮過乃坐縣人叩聞衣有詩紀之

疏證卷入山陽縣學新成蓮豆

放失如式更製余謂當循
元制蓮豆各以十云云

是年有題壁詩曰枯木寒巖不見花非僧非俗道人家行
年六十又加四尙想桑榆變彩霞 又己卯年謝張寶應
詩云假公畫舫二千里臘底春初足五旬載得高人并名
藥入門一笑未爲貧

張山來友聲新集載潛工尺牘曰歸身竭五日之力始得

盡讀所賜佳刻種種歎爲望洋而於尊公老先生雲谷臥
餘尤覺心折真說部書中第一書惟王伯厚困學紀聞可
相伯仲非程大昌演繁露比也來拙著毛朱詩說十數葉

與臥餘詩非孔門舊本之說不謀而合幸亟梓入乙集中

案詩說爲昭代叢書乙集之第一種山來自序云是編經
始於戊寅之冬告成於庚辰之夏以潛正行蹤推之此札
當寄於己卯春間由吳門反棹之後歸塗經揚州山來以
新刻相贈故有歸舟云云也山來名潮歙縣人流寓揚州
又案詩說各條本疏證之第八十篇因書序而類及於
詩序非別有一書也茲以徇山來之請抽出之耳亦可謂
畫蛇添足矣

釋地吾友胡朏明北上過吾家陶陶者三永夕 禹貢錐

指略例已卯余復入

帝城謁大司馬吉水李公

秋濤案東樵與潛正始晤卽在京
邸後復同寓洞庭均無潛正家居

東樵北上之事證以略例云云必己卯年事無疑也
案李公名振裕字維饒康熙庚戌進士官至戶部尚書漢
學師承記謂康熙己卯因再從姪會恩官京師乃復游日
下禮部尚書李振裕侍講學士查昇皆以爲當代儒宗未
幾以老病歸昇供奉內廷暇日以禹貢錐指進呈
上覽而嘉之問年籍對曰浙江人六十餘歲禮部侍郎
胡會恩之叔也案會恩字孟綸
康熙丙辰進士官至刑部侍郎

秋谷鼓柷集有歸次淮安值端午觀龍舟呈閻百詩詩五
千里外轉萍蹤重倚通明滿院松人向日南懷霰雪路移
天北駭魚龍詩囊略遣裝增重歸興偏教酒讓濃簫鼓聲
中渡河去相思獨上岱東峯

李恕谷年譜己卯當在夏間至淮安訪閻百詩論學又庚辰寄

毛河右書曰自客歲拜別函丈過淮上晤閻潛工因論及
古文尚書埤曰毛先生有新著潛工大驚索閱示之潛工

且閱且顧其子曰此書乃專難我耶堞曰求先生終定之
潛止強笑曰我自言我是耳已而再面析他書甚夥毫不
及尙書事想已屈服矣 劄記題古文尙書冤詞孔穿曰
謂臧三耳甚難而實非謂兩耳甚易而實是人將從難而
非者乎抑將從易而是者乎余則反其詞曰僞古文尙書
甚難而實是不僞古文尙書甚易而實非人將從易而非
者乎抑將從難而是者乎此余所以不復與毛氏辯而但
付之閔默爾又曰何休好公羊學著公羊墨守左氏膏肓
穀梁廢疾康成乃發墨守鍼膏肓起廢疾休見而歎曰康
成入吾室操吾戈以伐我乎余謂此自是學海遠遜經神
故云爾若在今日豈其然

案全謝山謂西河得交閔徵君始聞考索經史之說卽潛止引

何劭公語

亦可徵會 毛西河寄潛正古文尙書冤詞書

案此書當即附李埏

寄至所謂毛先

略曰接讀四書釋地一編又經三年淮上

生新著是也 去此不遠而郵寄甚艱近蠡吾李埏胸有疑義越三千里來證所學乃以寓居桐鄉之故與桐之錢氏作古文尙書真偽之辨列主客來問某向亦不愜僞古文一說宋人誕妄取叵信及惠教所著古文尙書疏證後始怏怏謂此事經讀書人道過或不應謬遂置不復理今就兩家重爲考訂知古文尙書自漢武時出孔壁後凡內府藏弄與民間授受相繼不絕且歷新都篡弒永嘉變亂亦並無有遺失散亾之事而梅賾在晉所上者又但是孔傳并非古文經文其在隋書經籍志開載甚明外此則又無他書可爲藉

口則其底裏瞭然何得有假因就彼所辨而斷以平日所考證作古文尙書定論四卷其中微及潛工并徹鄉姚立方所著攻古文者兼相質難以爲學無兩可苟或所見不謬卽當力持其說雖自揣生平所學百不如潛工且相於數十年誠不忍以言論抵牾啟參差之端祇謂聖經是非所繫極大非可以人情嫌畏謬爲遜讓況潛工之學萬萬勝余亦不敢謂能勝六經有學識人定無我見一聞真是便當自舍其所非然研經好學如立方者亦復墨守不下曰各行所知則生薑真樹生矣因削去定論名色改名冤詞且增四卷爲八卷再加考訂不曰釋冤而曰冤詞以不敢釋也吾第列其冤而世釋之釋不在我也世不肖釋冤

而必欲冤之冤亦不在我也如此則可以告無罪矣竊謂
潛正所學何處不見原不藉毀經以爲能事且胸藏該博
必有論辨所未及考據所未備以廣我庫隘冤詞無定潛
正定之何如何如 四庫書提要古文尙書冤詞八卷毛
奇齡撰奇齡淹貫羣書而好爲駁辨以求勝凡他人所已
言者必力反其詞古文尙書自吳棫朱子以來皆疑其僞
及閻若璩作古文尙書疏證奇齡又力辨以爲真知孔安
國傳中有安國以後地名必不可掩於是別道其詞摭隋
書經籍志之文以爲梅賾所上者乃孔傳而非古文尙書
其古文尙書本傳習人間而賈馬諸儒未之見考隋書經
籍志云晉世祕府存有古文尙書經文今無有傳者及永

嘉之亂歐陽大小夏侯尚書並亡至東晉豫章內史梅賾始得安國之傳奏之其敘述偶未分明故爲奇齡所假借然隋志作於尚書正義之後其時古文方盛行而云無有傳者知東晉古文非指今本且先云古文不傳而後云始得安國之傳知今本古文與安國傳俱出非卽東晉之古文奇齡安得離析其文以就已說乎至若璩所引馬融書序云逸十六篇絕無師說又引鄭元所注十六篇之名爲舜典汨作九共大禹謨益稷五子之歌允征湯誥咸有一德典寶伊訓肆命原命武成旅葵罔命明與古文二十五篇截然不同奇齡不以今本不合馬鄭爲僞作古文之徵反以馬鄭不合今本爲未見古文之徵亦頗巧於顛倒然

考偽孔傳序未及獻者乃其傳若其經則史云安國獻之故藝文志著錄賈逵嘗校理祕書不應不見又司馬遷爲安國弟子劉歆嘗校七略班固亦爲蘭臺令史典校藝文而遷史記儒林傳云孔氏有古文尙書安國以今文讀之逸書得多十餘篇歆移太常博士書稱魯恭王壞孔子宅得古文於壞壁之中逸書十六篇班固漢書藝文志亦稱以考二十九篇得多十六篇則孔壁古文有十六篇無二十五篇鑿鑿顯證安得以晉人所上之古文合之孔壁數且奇齡所藉口者不過以隋志稱馬鄭所注二十九篇乃杜林西州古文非孔壁古文不知杜林所傳實孔氏之本故馬鄭等去其無師說者十六篇正得二十九篇經典釋

文所引尙可覆驗徒以脩隋志時梅賾之書已行故志據後出僞本謂其不盡孔氏之書奇齡舍史記漢書不據而據唐人之誤說豈長孫無忌等所見反確於司馬遷班固劉歆乎至杜預韋昭所引逸書今見於古文者萬萬無可置辯則附會史記漢書之文謂不立學官者卽謂逸書不知預注左傳皆云文見尙書某篇而逸書則皆無篇名使預果見古文何不云逸書某某篇耶且趙岐注孟子郭璞注爾雅亦多稱尙書逸篇其中見於古文者不得以不立學官假借矣至孟子欲常常而見之故源源而來不及貢以政接於有庠岐注曰此常常以下皆尙書逸篇之詞爾雅釗明也璞注曰逸書釗我周王核之古文絕無此語亦

將以不立學官故謂之逸耶又岐注九男二女稱逸書有
舜典之書亾失其文孟子諸所言舜事皆堯典及逸書所
載使逸書果指古文則古文有舜典何以岐稱亾失其文
耶此尤舞文愈工而罅漏彌甚者矣證驗多端非一手所
能終掩近惠棟王懋竑等續加考證其說益明本不足再
煩較論惟奇齡才辨足以移人又以衛經爲詞託名甚正
使置而不錄恐人反疑其說之有憑故撮論其大旨俾知
其說不過如此庶將來可以互考焉

劄記今年中秋後三日大中丞宋公以賑荒舟過淮

案收仲爲

喬無功孝廉跋黃石齋手札墨蹟康熙己卯秋子承

旨賑飢淮揚宿留寶應

國史宋榮傳康熙三十八年

七月疏報蘇松所屬沿海地因六月朔遇颶風驟雨湖水
泛溢田舍被淹又疏報江寧府屬之六合上元句容松江

府屬之上海鎮江府屬之丹徒七月內山水陡發秋禾俱淹請照例蠲免并動支貯穀賑恤飢民又疏報淮揚徐三屬二十州縣及三衛濱河之地值秋雨連縣黃淮交漲田地皆沈水底其被災十分田畝額賦請破格全蠲并移江寧倉米十萬石鎮江截留漕米九萬五千餘石鳳陽倉麥六萬六千餘石散賑並得旨允行案先生作宋中丞壽序有云請蠲請賑疏數十上不惜官爵身家與民延旦夕命甚至移節維揚窮鄉沮洳扁舟往返若人人有巡撫之臨其室摩其頂者皆是年賑荒之實跡也余以病未謁公手唐百家詩選全本授謁者曰子爲我致百詩作一序以賀余之遭彼序

固有言珍此以俟俟焉果得矣命竟未達豈委之於草莽乎抑謂我老耄而舍我也

有示兒詠并孫學翼學林四絕句第一首云報道明年租盡捐

聖恩如海復如天亦當系此年作

有讀陳書讀金石錄五言律詩二首後有自注曰余老矣
不復能彊記仰思古人得二人焉各繫以詩 寤硯齋詩
己卯年有記徵君先生麗華易安二首後七絕二首

題老蘇集楊用九自吳門歸以余好收書於時下刻本尤
易致也購以餽余其籤題不曰老蘇全集而曰蘇老泉先
生集是父冒子號矣蓋蘇氏先塋有老人泉子瞻取以自
號不知何年譌以稱老蘇一辨於葉石林再辨於焦弱侯
以家藏子瞻墨蹟有東坡居士老泉山人圖書證尤妙此
尙不曉何以刊爲 題變雅堂集變雅堂集刻原未全故
此止二本無卷數嘗思安得有青蚨十五千遠寄其家三
郎武功屬繕寫詩第一次及雜文并制舉義亦不遺作一

副本以流通天壤間忽忽已十餘年美志不遂良可痛惜
閱此正值其婿葉藩桐初至以雨阻未晤

桐初于皇女夫也

康熙

己卯十月八日也潛正老人題年六十有四

除夕題潘孟升詩集

行述困學紀聞二十卷因浚儀之舊而駁正箋釋推廣之
年六十四書成 案紀聞書首摹深寧手書題詞有復申
跋曰右三十八字乃尙書親筆常熟毛黼季辰以視徵君
且曰盍摹勒諸卷首徵君欣然如其請蓋徵君曾兩遣人
至鄆縣訪其裔孫求行狀墓銘神道碑以補宋史列傳之
略不可得又欲續其遺像亦不可得今存其手蹟猶前志
也閩詠臨并記

謝山宋王尙書畫像記同學葛君巽亭爲
余言榆莢邨王氏有先生像亟喜往請而

觀之須眉惆悵端居不樂其當杜門
謝客之際乎惜不令百詩見之也

三十九年庚辰六十五歲

題老蘇集越明年庚辰首春戴唐器書來憶東坡得鍾山
泉公書寄詩爲謝云寶公骨冷喚不聞卻有老泉來喚人
果老蘇號老泉坡敢於僧泉公者稱曰老泉乎真解頤新
語惜不令焦文端聞之也

困學紀聞箋壬子夏讀唐司業李元瓘上言明經所習務
在出身咸以禮記文少人皆競讀禮記在唐試士爲大經
何以文反少曾徧問之人不得質諸書末由畜疑義者二
十九載今八月朔晨起讀唐書選舉志云禮記春秋左氏
傳爲大經詩周禮儀禮爲中經易尙書春秋公羊傳穀梁

傳爲小經通二經者大經小經各一若中經二通三經者
大經中經小經各一通五經者大經皆通餘經各一不覺
洞然曰唐制通五經固讀大經卽凡通二經三經亦必讀
一大經禮記大經僅九萬餘字左氏傳一十九萬餘字誰
冑舍九萬餘字之經而誦習十九萬餘字者乎參以同時
楊瑒奏今之明經習左氏者十無二三正合所謂禮記文
少者特較少於左氏傳耳爲之快絕

割記有兩宿寤硯齋五言律詩二首 寤硯齋集庚辰年

有潛正先生見過留宿寤硯齋詩

潛正詩次章首二句曰
四十強而仕如君不仕

奇案唐器題劉嵩蕃小照曰甲寅歲
余年十六則是年年四十有二也

有重五日陪閣學張公泛舟蕭家湖因易名曰學士湖卽

同用李白句作起古詩 寤硯齋集庚辰年有和學士湖

詩亦用太白句作起

剗記又有題張閣學模圖卷稱曰
滄陽公案清祕述聞江南學院張榕

端字子大河南磁州人康熙丙辰進士三十六年以禮部
侍郎任淮山肄雅作內閣學士與剗記合蕭家湖淮安志
不載穆詢之韋竹坪機部云在淮稱城外西北約里許又
韓文懿有懷堂集有模圖詩八首序曰滄陽先生視余模
圖圖且自爲記蓋經始自乃祖司馬公以來所謂基之鑿
之而先生乃架之位置曲折俱絕俗乃酷盡模之趣云云
案此卽潛正所
題模圖卷也

有贈張石虹太史五首

石虹名希良黃安人康熙乙丑進士

末章云他年撰

年譜記取在庚辰又雨中簡石虹太史五首末章云且與

此閒飯細和河復詩自注東坡聞黃河復故流亦在庚辰

歲河復詩則熙寧十年徐州作也

案清祕述聞石虹屢持
文枋康熙三十六年以

鴻臚寺少卿任浙江學政至四十二年文志鯨始接任然
則此十詩皆先生客杭州時所作故有越病感於今之句

回
回
回
回

又云蒲觴邀共泛又云五月候如秋推知客枕在此年之夏也五層起二句云地老天荒日虞翻得一人雨中重簡結句云自言讀疏證三復不能休其結契之篤如此可謂生平第一知己矣

寤硯齋集庚辰年又有閭大復申召同毛十姬璜飲依綠

園觀荷用蘇子美韻

姬漢名遠宗西河嗣子也康熙庚午舉人

八月門人邱回爲刻釋地續

宋牧仲序云刻是編者故人邱回邇求年少好學從百

詩游講求經義庚辰秋八月侍講曙戒先生之子署江蘇巡撫滿洲願公所薦年近七十試卷塗抹過多爲考官所糾置劣等歸以詩自娛有才子曰謹曰柱柱己未庶常刻其詠物詩數十篇割記題耶珠巖吟卷詩其二起句曰從兄年長七腹笥富便便自注謂邇求又其一下注新更名曰兆元請余字之字日期一案淮安志文苑傳珠巖名起兆

四十年辛巳六十六歲

割記跋春郊送別圖商志先生示我以春郊送別圖卷不

獨新城司寇詩爲擅場

案漁洋以三十七年升刑部尙書

抑且可謂人人

握靈蛇之珠抱荆山之玉矣豈選而後作或文生於情自

遠勝一切酬應塗雅者邪爲喜而弁數語於首太原潛止

弟閻某距癸酉二月已九易春秋矣

有祝王搗齋淮揚副使四首

淮安志分巡淮揚海道王謙康熙三十九年任案謙永平

人丁未進士第一章結云見說生申是陽月梅花待雪後階除自注大雪前一日第四章領句云鳳紀龍飛四十載

河平應許在斯年

有贈趙漁玉兼簡范用賓二首題趙漁玉暫

游萬里艸一首送趙漁玉還錢塘二首晨起送漁玉不及

一首

漁玉名未詳杭州府志引武林耆舊續集趙璉字博也號蘿邨諸暨布衣有蘿邨集集中云余少孤無所

倚栖來杭貧乏自守蓋三十餘年矣案潛江贈詩有云淚漬和丸重心懸著線溫終期邀佛日長護北堂萱與蘿邨少孤之愴合漁玉或卽璉之別字也送漁玉還錢唐詩結句見說春風動王程一月天自注將陪查太史北上此查

太史蓋謂查浦非初白及荊州聲山也知者初白於壬午十月由其子克建東鹿署中應召入京次年乃成進士授館秩越一年而潛工卒矣荊州與聲山戊辰同榜而荊州館選後供職京師未嘗南歸致敬業堂集可見聲山據其外孫沈廷芳所作行狀成進士選庶吉士念二親春秋高請假歸養旋丁外內憂服除編脩是當有由籍北上之事然初白酒人集題詞云甲戌偪臚抵都借家聲山僦居宣武門外云云則與潛工春風王程之語不合惟查浦以庚辰館選假歸初白偷存集辛巳春有哭德尹子阿顯詩云俞歸端爲汝求師自注德尹今春請假將挈家北上而繙經集辛巳十二月十六日雪同德尹作歲杪又有示德尹詩時尚在錢唐也次年壬午春夏遂無與德尹唱調之作而初白亦由錢唐赴東鹿署復由東鹿至京卷末有重陽日一畝園同德尹登高詩起句云一笑相從亦偶然勞生誰料再游燕據知查浦已於春間北上矣潛工贈送漁玉諸作不必一時以陪查浦北上是壬午年事送還錢唐當在辛巳之冬故類敘之魏昭士有趙漁玉詩序云漁玉以秦君定叟爲師日講儒先之學戴唐器有酬漁玉詩云大哉南雷學問業爭至止余亦私淑之竊聞其大指趙子錢唐彥一葦渡甚邇先我列門牆親炙數載矣云云是漁玉亦梨洲再傳弟子也初白勸酬集有和趙漁玉范用賓落葉詩五首辛未立冬後事也查浦名嗣璵字

德尹荊州名嗣
韓聲山名昇

是年孫學翼歲入淮安學淮安肆雅錄張宗師泰交

山西人王

戊進士太僕寺少卿

首題有厭逐虎次題一不言朝廷利害邊報差

除論

四十一年壬午六十七歲

是年先生游杭州西河集寄堂客問康熙四十一年客集

於杭州寄堂時宛平金素公淮安閻潛工仁和沈昭嗣新

安倪魯玉俱在坐

素公名德純昭代叢書素公旗軍志暑款稱遠左疏證卷六上引素公語拮恕

谷年譜則庚辰辛巳間素公向在京師也昭嗣名佳篤志伊洛之學所居名學士園康熙戊辰進士安化縣知縣魯

玉名璠管注庾子山集康熙乙酉舉人官內閣中書

客有舉顧寧人日知錄爲言者

潛止謂錄中說中庸期之喪達乎大夫義取明因以爲問

次日又集寄堂隄日又集錢湖丹井山房時蘇州顧俠君
嘉興曹希文仁和馮文子皆在座

寤硯齋集潛正先生自武林歸問余楚州風俗與三吳兩
浙有不同者凡幾余曰南北異宜奢儉異尚是焉得盡同
惟淮俗之不可解者有二一拜壽有十齡卽開筵演劇降
伯氏舅氏之尊而僮僕罄折其庭者一守七四十九日內
每日治酒張樂待客守七呼盧謾笑彼此爭尚往往破家
先生爲吾黨山斗一言九鼎當有以喚羣蒙挽頽波不宜
默默已也先生曰然盍卽子之言序次之以告吾之常往

來者知有所守也

案潛正屢客杭州此自
武林歸不知定在何年

十一月有賦謝王淮揚觀察十韻

詩云仲冬日建寅忽傳
歌鹿鳴老曠臥牀蓐亦

往聽韶撰濟濟何所爲饋送入上京案揭齋以三十九年
涖淮揚任至此年壬午始備鄉試故知饋送舉子入京之
舉必在此年又云恭惟王夫子兩主斯文衡者揭齋於康
熙二十九年庚午以戶部員外郎副張石虹典試浙江三
十一年授江西提學道也又詩云余時獨惆悵兒輩
久啟行者復申於庚辰歲服闋後早已補官北上也

四十二年癸未六十八歲

荆記宋中丞榮七十壽序有云公涖任至今十有一年又
云茲當七十初度特借邛子回渡江往祝因撰此序以進
漫堂年譜康熙四十
二年癸未余七十歲

是年胡朏明詣

行在獻平成頌及所著禹貢錐指

御書青年篤學四大字賜之

案潛工垂老諄諄以求
御書爲言蓋有感于朏明之事

李恕谷年譜癸未毛河右有書來曰今朏明又在吳門刻

禹貢仍與問百詩合夥大暢發古文尙書之謬以禾中朱錫鬯家多書欲就其家搜朱文公趙孟頫吳艸廬輩至明

末本朝攻古文者合刻一集以與我冤詞相抵其後朧明不與事而百詩約錫鬯攜明萬曆丁丑會試第三場焦竑

廢古文策來幸余先期知其事赴其寓同觀焦竑襲吳澄誤說而又誤者余因於眾中大擲揄之百詩狼倉散去錫

鬯亦大窘而退

案西河輕薄之口更不足辯引此以著潛正行蹤耳又案恕谷嘗集其交游手札

爲友善帖凡四巨冊丁未正月苗先路同年攜二冊來見示西河手札凡二十餘通俱黏第二冊中此札蓋已經馮辰棟鶴生輩刪其太甚茲補錄之書首今朧明下有到底宵人行徑六字冤詞相抵下有不必置可否而是非定矣其意雖拙而實精以世人肉眼明知金谿論太極勝於新安然孰有能祖金谿者此書出則冤詞自高閣也五十一字赴其寓同觀下有天綱恢恢四字大窘而退下又云百詩錫鬯胸腹甚隘惟朧明稍有記憶與吾鄉吳慶百同而

識見未闢究難兼造譬之佛家一支半解不成大究竟也
然則西河本領只是忍於毒誓如醉人使酒人不與校卽
自命爲無敵矣友善帖後二冊間尙有潛正
手札惜未之見吳虞百名農祥錢唐諸生
劄記胡脚

明禹貢錐指謂嶺南虞舜聲跡所不及余會面質正云云
拙明不覺歎曰吾書刊矣不及追改柰何

寤硯齋詩已亥冬日萬九沙過寤硯齋出蘭窗先蹟命題
因憶癸未夏五閩徵君以鹿園公手札屬余爲贈今方得
致成命詩有云示余遠祖蘭窗卷題詠俱是名人詞失去
百年不可得芋町購之忽來歸余告九沙勿慢喜更有墨

蹟以相貽昔年潛正會屬付都督墨蹟余敢私俟君過此

代爲贈卽今已是十七期云云

案鹿園公九沙高祖也全
謝山九沙神道碑公先世

鳳陽府定遠縣人明初從龍功臣趙之後斌子鍾以世襲
始爲寧波衛人鍾子武武弟文相繼襲指揮死王事又四

世而爲中府都督同知淮安總兵表以僑將私淑新建之
學世所稱鹿園先生也又二世而爲左府都督僉事福建
總兵邦孚是爲公會祖生戶部主事泰始喪其世職爲宜
波府鄞縣人戶部八子並有名公爲充宗先生斯大子
行述去年春 案墓志云歲在癸未

天子南幸過山陽

皇上巡河至淮安城西門今內閣學士李惺庵先生

李鎰字公凱又

字惺庵山陽人順治辛丑進士己未

召試授編修劄記有贈李公鎰明府詩

以通政使隨

駕

上遣問此中有學問人乎學士以府君對巡撫副都御史朱
公亦在側云長於考據最爲精核隨傳

旨召見以

御舟行速不果其時

皇四子貝勒殿下知府君則邀相見見則語極歡曰吾知東

南讀書種子僅存三人朱檢討胡太學及先生耳朱胡謂
竹垞拙明兩先生也四月府君命不孝詠恭呈

萬壽詩八首

案卽劄記恭呈
御覽詩

四書釋地一帙於

暢春園蒙

恩見收五月中旬

上遣問廟編修令式

馬廷儀字令式號南湖靜海屬文恪公
之子康熙庚辰翰林官至吏部尚書益

文語因及府君云間若璩學問甚優與徐嘉炎同不孝聞

之感激涕零馳書報府君府君因屬不孝曰

皇上天章雲爛草野布衣皆得望見汝且勿歸爲我老臣求
之我身若健或當親來未可知九月

大駕自口外回京不孝至石匣口山邊跪迎河干恭懇

御書

上親問不孝父子姓名履歷行數十步澗水湍急

龍舟飛渡不獲再奏十一月

殿下乃召不孝詠以手書諭府君曰聞先生志求

御書盍不自來館我齋中

皇上萬幾之暇我得乘閒代先生請

諭到正值小恙捧讀之頃霍然起語不孝訓懲議略及諸孫

曰吾績學窮年未獲一遇春閒

天子召見吾復未及今

賢王下招古今曠典乃斯文之幸也其可勿赴

四十三年甲申六十九歲

李恕谷年譜甲申二月知闈百詩至京病往覲之語以老當自重

墓志明年

承上癸未言

皇四子以書幣禮致之先生力疾赴至都中則相待厚甚踰於賓友悉索所著書自二種尙書外四書釋地至於三續手校困學紀聞古文百篇凡八種首付紀聞劄氏餘將次第爲表章而先生不起矣

不是齋筆記潛研堂集同

道古堂集晚年名動九重

世宗在潛邸手書延請復至京師呼先生而不名身雖不顯而道則亨也

行述正月登車一月抵都寓學士先生家以行役之勞體

小德不孝詠延同年李御史牧癘診視

李名紳延津人戊辰進士旋愈

學士垂髫交好聚首甚歡曰我蓄疑多端非兄不能爲我
析也三月二十七日進府

殿下止府君跪拜迎送執手賜坐日索觀所著書每進一篇
未嘗不稱善凡飲食藥餌衣服及几研陳設諸物罔不經
心目極其精腆命太醫院林大文先生朝夕視且曰吾受
益先生日正長勿亟論著夫

皇子至貴人間仰之如天上或求一望顏色而不得或思以
其技徹左右而逡巡不敢府君以疏遠之人情決意孚開
口吐奇

王之禮賢下士高誼驅策千古固不待言而府君臨老遭逢

梁園西邸之下又豈偶然者哉府君北上時不孝訓慰扶侍四月下旬命訓慰還曰余身已復初汝勿慮又一月忽謂不孝詠曰吾眠食雖如常恐不能久柰何不孝驚泣諫曰大人疾由讀書讀書則忘疾讀久未有不疾者掩卷則憂疾憂疾亦未有不疾者今兩月坐不讀書遂輟轉疑至此乎詎意二十六日忽下泄神氣頓委謂不孝吾夜所夢之書皆非素見何邪六月初四日友人來候榻前談三禮義疏高下問常熟馮定遠先生稱讀爾雅則六經學皆通其說何如猶臺臺不輟臥而復起者再五日早乃謂不孝曰此地非易簣所也吾病殆不能起

殿下比以世子抱恙憂心忡忡而慰我日再至老人心甚不

安汝可泣求移館勿延且暮矣六日晨起頓首辭

殿下固留不可則命以大牀爲輿上施青紗帳二十人舉之
移城外十五里如臥牀不覺其行也言笑自若抵館舍日
晡時私謂侍僮曰吾三日內逝矣不孝聞之跪泣失聲府
君曰夫人有生必有死何足悲但此來

御書未得

賢王崇禮未得報稱汝當護衛吾訓服任遂功并歸語諸子
若孫皆志吾志七日泄瀉不止執不孝手命曰吾一生著
書九種已刻者四書釋地四書釋地續孟子生卒年月考
未刻者重校困學紀聞四書釋地又續朱子尙書古文疑
卷西堂古文百篇未成者尙書古文疏證釋地餘論今紀

問蒙

殿下序而行之可以不朽

謹案

箋序未見全

憲廟所作困學紀聞三箋序曰

太原開徵君潛正管爲之箋已而長洲何義門學士又補之斯二箋者

世宗憲皇帝居潛藩皆嘗充乙夜之

覽亦不云

餘未刻成者汝當兢兢典守不可妄改一字以有序也

待傳者時王大司寇阮亭先生送詩文集十四種猶加緡閱命不孝取笥中火經口授數語書於卷端云此書乃大司寇大父方伯公所著向諾檢寄不可忘也又云汝扶櫬回淮兩弟不必來到則位我本宅葬宜速我愛參議公墓旁地汝勉爲之并遷汝母合葬明日早不孝見氣色漸異泣問體中有所苦否府君慨然曰吾年六十有九不能自主持則平日讀書奚爲

殿下禮老朽甚比遣官料理我喪且從厚我家風本儉素取其稱可耳勿有絲豪過倘有欲延僧誦經爲資冥福者祈免語畢微笑而逝不孝詠慟絕數四哀迷困匱手足無措所賴以辦大事者秋豪皆

殿下賜也

世宗憲皇帝祭文維康熙四十有三年歲次甲申六月朔己巳越十有七日乙酉

皇四子多羅貝勒以剛鬣柔毛之奠致祭於

召試博學鴻詞待

贈徵仕郎內閣中書舍人百詩閣老先生之靈曰嗚呼聖有四教天有六經著性開道益智增明自古在昔賢哲代生闡

幽微顯咀華含英爰至我

朝登三咸五文治昌崇邁越千古蔚彼儒林或出或處論述
麟麟流聲區字先生挺出羣賢之標家世奕奕衣冠而朝聰
明踔厲頭角垂髫既長篤學矻矻晨宵孫敬編柳高鳳漂麥
董生下帷舍園坐隔不爲榮利沈思經籍仰視屋梁俛披簡
策當其未得寤寐之求萬鍾千駟莫解厥憂當其得之飛舞
泳游如鳥入雲如魚脫鉤下筆吐辭天驚石破讀書等身一
字無假積軸盈箱日程月課孔思周情旨深言大嘗入鎖院
厄於有司

徵書下賁桂巷杉籬遂自蓬茅揮翰

彤墀歸而杜門名山永期縉紳士夫東西造請小子後生執

經守屏道日以穹望日以迥靈光巋然長淮南境余從知學
鄭耳先生旋讀所著嚮儔益誠惠然肯就安車之迎懷鉛挾
槧樂我書城方圖久習用祗蒙陋乃茲溘然月未三轂嗚呼
先生人必名壽詩紀毛傳書從伏授禮學精邃先後鄭君春
秋昭揭杜范齊尊此數子者雖逝實存嗚呼先生庶幾同論
維是薄殖誰與考業聚短離長音容莫接陳醴茗蘩芳甘飲
食布奠傾觴式增淒惻嗚呼哀哉尙饗

世宗憲皇帝輓章褒衣博帶鉅儒身瞥見松堂繆幕新天上
星躔歸處士人間藝圃失經神魯魚猶辨雉書力辰已先徵
入夢因絕勝匡牀揚子宅謝家庭樹有奇珍清流地望表清
淮北海碑前絳帳開一萬卷書維子讀三千里路爲余來春

風倚檻鋪紅藥夏雨臨窗潤綠槐花下談經無兩月那堪二
豎鎮相催自昔儒英并大年先生白髮已蕭然初疑瘦骨全
符鶴詎料輕身早蛻蟬舊德豈嫌百歲耄古稀猶欠一春延
遺編歷落珍珠字留與韓門籍湜傳

皇四子多羅貝勒書

謹案祭文載章恭檢
帝御集皆不載

故禮親王

世宗憲皇
昭璉嘯亭

雜錄曰安郡王瑪爾渾者安親王岳樂子也少封世子卽
好與毛西河尤西堂諸人游譙著有敦和堂集又嘗選宗
室王公詩爲宸尊集今杭大宗道古堂集載延接閣百詩
爲雍邸事誤也

與外人接見况

御製詩集中亦無題閩百詩詩

以致謬傳耳穆案杭大宗作傳全據閩詠所撰行述趙

飴山之志又係詠承父命面乞嘯亭未見行述不知此事

原委故疑爲大宗之誤不思岳樂世子何敢擅冒
世宗御集乃

乾隆初年哀刻容有散

佚未可因以致疑也

是年五月復申刻朱子古文書疑一卷於京師

秋濤案朱子古文書

疑亦潛正著述之一種復申刻序云家大人徵君先生著尚書古文疏證若干卷非之者亦復不少徵君意不自安曰吾爲此書不過從朱子引而伸之編類而長之耳因命詠取語類四十七條大全集六條彙次成編名朱子古文書疑就京師刻以行世告詠曰云云詠歎其循循善誘故亦不敢旁溢一語卽錄以爲序又云他日奉徵君返山陽云云康熙甲申端午前三日據復申此序距先生易簣時僅三十六日此書纂於京師卽刻於京師事當皆在是年并疑此爲先生絕筆之書故信藪編之疏證未也茶餘客話謂朱子古文疑未刊誤

劄記火經跋

余家藏是書不記自何年實方伯公與羣芳譜手授先祖

者後羣芳譜不知何往而此書展轉流傳獨插敝架上似

冥冥中有相之者今年入長安司寇公聞之欣然請觀遂

以歸池北書庫幸題數語以見寒舍雖衰猶曾與高門有

孔李之舊云聞書庫饒異本只將宋王伯厚鈔本集及其

門人袁清容居士集假閱可以計日奉還長安酒貴或不
須我一瓶乎

淮海英靈集王易輓閩徵君百詩詩遠寄雙魚憶夏初知

君善病正愁子傷心適易曾參贊感夢先呼范式車自注余於

先生屬續之夕徵諸夢兆老去難忘知己淚人間誰續未成書自注著有古文

尙書樓頭若問山陽笛絕調於今寄太虛

墓志先生疾且革命詠曰必使趙夫子銘我墓詠泣受命
由潞河扶柩歸卜以康熙丙戌十月七日葬於山陽城東
南之學山墩匍匐詣信以遺言告 丁晏柘塘脞錄潛工

先生葬郡城東南之學山墩見趙秋谷所作墓志墩名不
可考邵孝廉源洙嘗言去車橋二十里地名塔兒頭有冢

隆然士人謂是閩百詩墳無人來矣

案淮安府志塔兒頭集在城東南五十里

涇河至此下蕩剗記有與劉超宗書云十二道光二十

日至塔莊掃墓并看梅花雨止丙舍中云云

六年山陽縣學詳文百詩先生墓在淮安涇河岸祠宇久

圯遺像於乾隆年間被水患失傳

案涇河在山陽縣治南五十里河口有窟分泄

運河水兼溉民田

墓志先生元配梁氏繼配張氏皆先先生卒將於先生之

葬也而耐焉

行述元配先妣梁氏貢生巽卿女繼配先

妣張氏萬厯己丑進士禮部郎中幼白公會孫女

案幼白名世才

廩生青工公女 劄記余少有悼亾諸篇什爲茸城夫人

所賞蓋悼梁氏也又有贈李公凱明府詩題下注曾受經

先外舅不知謂梁謂張

子三人長詠字復申初名詒樸字元木康熙己丑科進士

中書舍人著有左汾近稿

案近稿寥寥詩話十餘條短詩六十餘首兼多以潛工之

作辱入不可解也

工篆刻著有印譜

魏叔子閩再彭六十序君富著作子若璩孫詒樸三世

以詩文名江淮墓志詠有學行少舉於鄉多爲賢豪

引重錢傅子詠亦能文孟子生卒年月攷兒子詠

方十歲前對曰祇云近聖人之居未嘗云生聖人之鄉

殆又一切證云漁洋門人閩左汾印譜跋左汾文章

妙一世游藝篆刻不屑屈曲以趨時好而惟古是師

記

羅延年王常秦漢印統有韓王印覆斗紐其文甚工疑爲漢淮陰侯物令兒子詠摹於左左汾近稿與顧山容學士書家父自都門歸摹得錢宮壘年伯所寶司馬相如四字陽文神采煥發妙絕古今又有寄山容詩自

注酷好
余鐵筆

陳其年贈閻梓勤二十初度序有曰觥觥吾友嶽嶽而翁猥於京國朋游漫說家門子姓案梓勤蓋詠之初字也 行述詠娶陳氏前庚辰科進士工科給事中外轉參議諱台孫女山西布政司經歷措公女 道光二十六年山陽縣學詳文百詩先生子詠著作無多祇有劄記後刻左汾遺稿一冊纂修天下全圖

一幅

案圖
未見

次訓愨字毅仲 淮山肆雅訓愨官廬州府訓導 己未

詞科錄賈崧案陳迺陵梓勤二十序云右晉亦異才也

左汾右晉詒樸訓愨自號云 行述訓愨娶陸氏順治乙未科進士福建提學道僉事候補參議諱求可公孫

女太學生諱志寬公女

次議略字方叔 魏叔子閻氏三子字說閻氏百詩有子

三人大父再彭君名之屬其友魏叔子字之字詒樸曰

元木訓愨曰毅仲議略曰方叔 行述議略太學生娶

李氏順治辛丑科進士陝西督糧道副使諱時謙公孫

女太學生諱師耳公女俱張孺人出

女五人長適邛世求 行述長適前萬麻丁丑科進士光

祿寺卿贈戶部右侍郎諱度元孫郡庠生諱倬子太學

生世求梁孺人出

次適何寬字而栗 劄記有何壻而栗授保定縣令詩

行述次適浙江督糧道參政何公諱源濬子康熙乙卯

科舉人現任廣東平遠縣知縣寬

次適劉永禎字紫涵 劄記與紫涵詩凡四首內一首結句云古文疏證畢端望作宏巡 行述次適順治己亥科進士宛平縣知縣劉公諱昌言孫康熙壬戌科進士工部主事諱愈公子丁卯科拔貢生候選學正永禎

案秋谷至山陽多主紫涵家飴山集劉君墓表曰從其婦翁聞若璩其考据遂周知古今 方苞王崑繩傳以余所見居兄弟之喪顏色稱其情者獨源與山陽劉永禎而已案望溪又爲紫涵作墓志劄記中所稱頌眉長籍皆紫涵之弟也

次適李爲榷字喬森 劄記有贈喬森詩 行述次適順

治辛丑科進士陝西督糧道副使李公諱時謙孫候選
知縣諱師沆公子歲貢生候選訓導爲樞

次適沈儼字敬存鹽城人 劄記送敬存還鹽濱詩起句
云取小謝庭女于歸沈氏郎 行述次適順治戊戌科
進士四川遵義府推官沈公諱漢孫太學生諱志范公
子康熙壬午科舉人儼俱張孺人出 淮安府志沈儼
江西永豐縣知縣

孫十有二人長學翼 釋地多載學翼詩益之言 劄記
示學翼詩老翁晝抱孫夜卽抱孫睡多年冷布衾不許
足踏碎惟許默記書挑之口能背始徐旣瀾翻終未遺
隻字昌黎一代豪教兒止期貴何必香山叟津津涎欲

墜果得棺與袞箕裘曾勿替遠哉君子澤亦在進士第
大可鞭八荒小則民社寄總由一束書屈首復遜志披
華臺閣體矧寂山林意效此輒飛騰蹈彼恐淪棄作詩
示汝誦汝轉告羣季一門七葉興諷讀當游戲老翁願
之笑西山凝爽氣又贈張石虹太史詩第四首第五句
有孫承素業自注時贈孫學翼詩又有吳亦韓有札謬
獎孫學翼詩句賦此志慨之作 行述學翼郡庠生聘
現任直隸正定府知府劉公諱中柱孫女廩貢生諱家
珍女不孝訓怒出

次學林字信藪 行述學林未聘不孝詠出 沈儼劄記
庠先生冢孫信藪屈於下吏位不稱才有志紹述己未

春余南行晤於真州云云 程崧釋地又續序今年春
余留真州舊館閩子信藪時相過從得復見釋地又續
三續二編艸稿云云時乾隆癸亥十二月也 鍾靈疏
證後跋信藪天性孝友凡同堂弟姪悉共爨同居雖官
卑祿薄而刊刻各種遺書竭力經營云云 學林疏證
識曰乾隆乙丑之秋刻尙書古文疏證成又曰先君子
在中翰時欲板行之而未有成局癸卯己酉學林兩至
京師先人之舊好寥寥數人無復贊成斯事者丙辰以
來微秩自效官卑俸薄每泫然抱遺書而泣癸亥春謁
同里夔州程先生先生雅嗜先大父書慨然捐貲而淮
揚士大夫更多好義者於是閱二載而蕝事回憶學林

之憂思徘徊無所措手者又二十年於茲矣

次學丹 行述學丹聘陸公諱求可曾孫女志寬公孫女
貢生諱應麒公女不孝訓慤出

次學機字心織 行述學機聘康熙甲戌科進士現任廣
西南寧府知府永淳縣知縣徐公諱鳳池女不孝詠出

寤硯齋集跋閩徵君遺書後嘗讀白傅池上篇欲續

一圖及觀玉峯羣居課試錄序圖中花木交茂開門見
山超然有物外之趣今心織道兄校乃祖徵君先生遺

書放禮堂寫定之意繪像其中有閩蘭有芟荷有古松

有怪石有旨酒有異書太僕之樂兼而有之

案心織當

是學機 割記學林跋卷五一冊乃仲弟學機竭數年
之字

之力於夙昔往來問難之家尋先人手蹟陸續成帙
疏證學林跋仲弟學機珍重先大父遺書勤加手錄而
天不假年案此是學機早卒也

次學殖

行述學殖未聘訓愨出

次學樹

行述學樹聘康熙丁未科探花都察院左都御

史董公諱訥孫女歲貢生候選訓導諱思懋公女不孝

詠出

次學麟

行述學麟未聘不孝議略出

次學柎

行述學柎聘順治辛丑科進士現任內閣學士

兼禮部侍郎李公諱鎧孫女歲貢生正藍旗教習候選

知縣諱珣公女不孝詠出

次學陽

行述學陽聘勅封文林郎翰林院編修吳公諱

璜曾孫女

翻記有壽吳姬望丈詩淮安府志儒林傳吳璜字姬望山陽人

康熙壬戌科

進士左春坊左中允兼翰林院編修諱晟公孫女庠生

諱秦公女不孝議略出

次學羣

行述學羣不孝訓懲出

次學炳

行述學炳不孝議略出

次學至見釋地卷尾

案潛止諸孫行述無學至釋地卷

尾無學羣當是學羣早殤學至後生也

孫女六

行述孫女六不孝詠出者一幼未字不孝訓懲

出者一適順治壬辰科進士兵部督補理事官徐公諱

越曾孫廣西柳州府武宣縣知縣諱覺公孫現任江南

如皋縣教諭本豫公子某不孝議略出者四一字郡廩
生何公諱九徵子郡庠生景行餘未字

曾孫大衍見釋地又續及疏證後跋尾

大文見釋地又續卷尾

續曾見釋地又續卷尾

元孫長庚見釋地又續卷尾

五世孫潢 道光二十六年山陽縣學詳文百詩先生五

世孫山陽縣學附生乙未科副榜閩潢潢子名椿芳應

童試族中讀書者仍有童生二人名士思士榮

欽定四庫全書總目提要

古文尙書疏證八卷

經部
書類

閩若璩撰古文尙書較今文多

十六篇晉魏以來絕無師說故左氏所引杜預皆注曰
逸書東晉之初其書始出乃增多二十五篇初猶與今
文並立自陸德明據以作釋文孔穎達據以作正義遂
與伏生二十九篇混合爲一唐以來雖疑經惑古如劉
知幾之流亦以尙書一家列之史通未言古文之僞自
吳棫始有異議朱子亦稍稍疑之吳澄諸人本朱子之
說相繼挾摘其僞益彰然亦未能條分縷析以挾其罅
漏明梅鷟始參考諸書證其剽剗而見聞較狹蒐采未
周至若瓌乃引經據古一一陳其矛盾之故古文之僞
乃大明所列一百二十八條毛奇齡作古文尙書冤詞
百計相軋終不能以強辭奪正理則有據之言先立於

不可敗也其書初成四卷餘姚黃宗羲序之其後四卷
又所次第續成若璩歿後傳寫佚其第三卷其二卷第
二十八條二十九條三十條七卷第一百二條一百八
條一百九條一百十條八卷第一百二十二條及一百
二十七條皆有錄無書編次先後亦未歸條理蓋猶艸
創之本其中偶爾未核者如據正義所載鄭元書序注
謂馬鄭所傳與孔傳篇目不符其說取確至謂馬鄭注
本亾於永嘉之亂則殊不然考二家之本隋志尙皆著
錄稱所注凡二十九篇經典釋文備引之亦止二十九
篇蓋去其無師說者十六篇止得二十九篇與伏生數
合非別有一本注孔氏書也若璩誤以鄭逸者卽爲所

注之逸篇不免千慮之一失又史記漢書但有安國上
古文尙書之說並無受詔作傳之事此僞本鑿空之顯
證亦辨僞本者至要之旨蔡乃置而未言亦稍疏略其
他諸條之後往往行及旁文動盈卷帙蓋慮所著潛正
割記或不傳故附見於此究爲支蔓又前卷所論後卷
往往自駁而不肯刪其前說雖做鄭元注禮先用魯詩
後不追改之意於體例亦究屬未安然反復釐剔以祛
千古之大疑考證之學則固未之或先矣

毛朱詩說一卷

程部詩類存目

閩若璩撰是書論小序爲不可盡

信而朱子以詩說詩爲矯枉過正皆泛論兩家得失非
章句訓詁也所引尙書左傳以爲詩之本序誠爲確鑿

其餘則多懸揣臆斷之辭不類若璩他著作未喻其故也

四書釋地一卷續一卷又續二卷三續二卷

經部四書類 閻若

璩撰是編因解四書者昧於地理往往致乖經義遂撰釋地一卷凡五十七條復按所未盡爲釋地續一卷因牽連而及人名凡八十條復因地理人名而及物類訓詁典制得一百六十三條謂之又續其他解釋經義者又得一百二十六條謂之三續總以釋地爲名從其朔也大抵事必求其根柢言必求其依據旁參互證多所貫通雖其中過執己意如以鄒君假館謂曹國爲復封以南蠻馱舌指許行爲永州人者

秋濤案此是學翼之說疑許行是永州一

帶人潛正偶記之未可執以相病也亦間有之然四百二十一條之中可據者十之七八蓋若璩博極羣書又精於考證百年以來自顧炎武以外罕能與之抗衡者觀是書與尙書古文疏證可以見其大概矣

潛正劄記六卷

子部雜家類

聞若璩撰是編皆其考證經籍隨

筆劄記之文傳本有二一爲其孫學林所刻一爲山陽吳玉搢所刪定考若璩尙書古文疏證卷六第八十一條下有云潛正劄記恐世不傳仍載其說於此然所載兩條一推春秋莊公十八年日食一推晉光熙元年正月七月十二月頻食今兩本皆無之蓋其少年隨筆劄記本未成書後人掇拾於散逸之餘哀合成帙非其全

也此本卽吳玉搢所重定原刻首兩卷雜記讀書時考
論多案而未斷此本刪併爲一卷原刻卷三曰地理餘
論以禹貢山川及四書中地名已詳疏證與釋地此特
餘論耳此本次爲卷二而取首兩卷內合於此一類者
次爲卷三原刻卷四上錄雜文序跋卷四下曰喪服翼
注曰補正日知錄此本取首兩卷內涉及喪服者次喪
服翼注後合爲卷四移雜文序跋附補正日知錄後次
爲卷五原本以與人荅論經史書錄之卷五以應博學
鴻詞賦一首併雜詩若干首錄之卷六詩賦非若璩所
長且劄記不當及此此本刪去而存其與人荅論經史
書次爲卷六蓋學林綴輯其祖之殘稿徒欲一字不遺

遂致漫無體例此本較學林所編尙有端緒今姑從之
中間重見者四條三見者一條尙沿原本之誤今悉爲
刪正若璩學問淹通而負氣求勝與人辨論往往雜以
毒詬惡謔與汪琬遂成讎讐頗乖著書之體然記誦之
博考核之精

國初實罕其倫匹雖以顧炎武之學有本原日知錄一書亦
頗經其駁正則其他可勿論也茲編雖緝錄而成非其
全豹而言言有據皆足爲考證之資固不以殘闕廢之
矣

困學紀聞二十卷

子部雜家類

宋王應麟撰此本乃

國朝閩若墟何焯所校各有評注多足與應麟之說相發明

若璩考證之功十倍於焯然若璩不薄視應麟焯則動以詞科之學輕相詬厲攷應麟博極羣書著述至六百餘卷焯所聞見恐未能望其津涯未免輕於立論是卽不及若璩之一徵以其一知半解亦或可採故並存之不加芟薙焉

黃太沖尙書古文疏證序淮海閣百詩寄尙書古文疏證方成四卷屬余序之余讀之終卷見其取材富折衷當中間辨析三代以上之時日禮儀地理刑法官制名諱祀事句讀字義因尙書以證他經史者皆足以祛後儒之蔽如此方可謂之窮經 行述所著尙書古文疏證不多示人黃梨洲先生嘗見而奇之歎曰吾一生疑

圖見此盡破矣此外摺擊者不乏人有著書相攻者府君曰萬世有公是非此時固當不辨耳

李文貞閣百詩小傳余聞百詩閣先生名久曩撫直隸先生嘗郵致所著書數種得披讀焉今之學者大抵搜華擷卉爲文辭之用而已至於字義故實書文形聲尙未有留意講考於其閒者若大者爲遺經源流禮典同異細而地名山川史載人物真贋是非之跡則豈徒以樸學置之抑其惡蹟就簡而自恬於譌陋嗚呼文武之道豈有小大哉萬一朝廷舉行石渠之典吾知眾籍羅奏而莫之措辭儒者之羞非云小缺矣先生學極博論核閒有出新意埽沿說者究其持辨本末悉有所据依

趙贊善志其與汪純翁難喪禮事昔者眉山蘇氏曾以是嘲伊川矣其門人爲之荅亦曰正叔太君先逝而已令有如先生歷引古義折以通禮彼不得於言者豈能無愧惜乎先生逸處終老曾不得奉清燕備顧問蒐祕府校藝文與諸儒上下折中贊經史於方微補遺軼之文獻是誠可悲也已余嘗慨夫老成日遠舊學彫傷晚出後生益將無所考質自余登朝後識面者長洲顧寧人宣城梅定九郵縣萬季野知名者尙有三數輩而先生其一也諸君子者博極羣書能以著述自通於後中間有專門名家者就其所造古人不讓也今惟定九尙老而康時致音問餘則皆零落不可復見每覽周易碩

果之辭大雅典型之詩俯仰斯文不勝寤歎先生子詠
求予言揭之原子不工金石之文故謝不爲而其學行

大致則趙志具焉聊寫予那頌先民之思做司馬氏伯

夷屈原體爲閩先生小傳康熙癸巳八月年丹據閩氏所藏傳稿補

案伯夷屈原傳何嘗不詳其出處始末但參天議論耳

若此文只可謂之贊斷斷非傳體也道古堂集閩若

璩傳安溪李文貞公嘗爲作傳深致那頌先民之思而

未嘗以其姓氏達之九重卽其所著又不能旁

魄而論亦似牽率酬應之作而於閩氏豪無加損也

剖記與戴唐器書云崔玄暉少頗屬詞晚以爲非己長

不復構思專意經術宛然太原閻生一小像矣 詠漢
鄭康成詩注余屢欲傳康成照 詠宋劉敞李燾王應
麟馬端臨詩注余嘗集四公逸事爲一秩足補宋史列

傳之略及馬無傳 與戴唐器書弟嘗手鈔沈約謝靈

運傳論鍾嶸詩品上中下三序元微之杜子美墓志序

爲一秩以爲古今聲詩原委具載其中惟宜精玩熟誦

疏證

卷八

嘗習淳化閣帖至文不可解處輒以爲有斷

簡缺字既習之日久見其上下相生一筆連注苟閒覆

其中之一字氣便不屬乃知當時語自爾也惟親接其

手書之人則解旁人容有不解者 剖記與戴唐器書

偶得舊榻九成宮唐榻未必宋初本無疑今摹勒上石

與天下共之

疏證

卷八

家藏有宋名畫授經圖伏生東

向坐鼂大夫北面僂而立旁有女子儼然儒家風姿爲

之指點

案沂州府漢畫伏生授經圖卽如此其石舊在蘭山縣治西菜園中道光二十五年吾友許君

印林主教琅邪書院訪得之移置王右軍祠。割記有元且絕句云。屈首窗間受一經。東西游走竟何成。憑將骨與青山誓。老入儒林號伏生。不得其年附記於此。

與石企齊書大戴禮記曰其少不諷誦其壯不議論其老不教誨亦可謂無業之人矣。因自扁其堂曰老教堂。如宋陸放翁老學庵之義。

以上類輯
潛正軼事

行述府君讀書每於無字句處精思獨得而辯才鋒穎證據出入無方當之者輒失據常語不孝輩曰讀書不尋源頭雖得之殊可危手一書至檢數十書相證侍側者頭目爲眩而府君精神涌溢眼爛如電一義未析反復窮思飢不食渴不飲寒不衣熱不扇必得其解而後止古文詞不常作偶存序記數十篇非泛然者詩甚夥

嘗與不孝詠座主趙秋谷先生論詩云吾詩無可傳者
比上

殿下書亦云某生平篤志經學無暇爲文間有所述無足觀
采其虛已不自滿假如此性雅潔不治產業交游遍天
下先後名流咸以文學相質府君必詳細條荅雖熟記
之書必檢示出處或閱他書可以印證者輒復手錄示
之或數年後猶時時剗記馳書告之客游四方常周人
之急傾囊不惜至資斧告匱束手無策不以爲悔有負
義者未嘗不深惡及其人有故仍扶攜之恐後聞里中
有不法事輒切齒常云桑梓閱大利害廢置非我責也
然生長於斯而不能竭力救護無用爲人矣生平所正

事不可紀每致儉人之怨而終不能中府君者以府君行誼完潔開亮而誠懇之心可以上格神明下孚士類故也

道古堂集若璩學長於考證辨駁自言有志之士務在盡己所受於天之分而力學以盡其才固自有可傳之道與可以比擬之人而無取乎過高之學天性好屬詞科五十人中獨許吳志伊之博覽徐勝力之強記李天生謂其杜撰故事汪鈍翁謂其私造典禮堯峯文鈔措擊不遺餘力生平所服膺者三人曰錢牧齋曰黃太沖曰顧寧人然於錢猶曰此老春秋不足作準於黃則曰太沖之徒粗待訪錄指其譌謬者不一而足也於顧之

日知錄有補有正猶在未定交時可謂極學士之精能
非鴻儒之雅度也 又曰所著書八種四書釋地及孟
子生卒年月攷刻於及身注困學紀聞則廣陵馬氏刻
之古文尙書疏證暨潛止劄記則其孫學林刻於淮安
宋牧仲四書釋地序吾友閻百詩氏績學者古於漢唐
諸儒注疏類能貫穿鉤穴口誦如瀾翻

禹貢錐指略例百詩與余銳意通禹貢故錐指稱引較
多

居易錄閻百詩云漢古詩明月皎夜光一篇玉衡指孟
冬漢以十月爲歲首此孟冬乃建申之月指改時而言
下文秋蟬鳴樹閒爲明實候故以不改者言唐儲光義

詩夏王紀冬令殷人乃正月則又和盤托出楊升庵曰

唐人不辨而自了然也是也惟宋儒始生異說明人出而

益滋妄解矣

漁洋又稱百詩近著博湖掌錄有改歲改時改月解一篇取博而核云云案其說載

疏證卷六上合漢古詩云云爲一條茲不錄

帶經堂詩話門人太原閻詠寄余書云有人自謂精通

小學問詠曰少陵詩賓客減應劉應爲人姓當讀作平

聲何新城公作仄聲用詠不能對歸質家尊家尊云皆

可用也此字正爲左傳國語應爲武王之子所封之國

陸氏宋氏無音故黃公紹韻會於蒸部應字曰人姓陰

時夫韻府於徑部應字曰人姓非平仄兩用之證乎亦

猶吾鄉之枚乘漢書無音故子美作仄聲枚乘文章古

是也安得是李而非杜是杜而非李乎伍子胥之員讀
作運亦讀作云故陸魯望詩賴得伍員騷思少未聞以
令公四俊之謠而病其不識字也徐自笑曰吾作新城
公桓譚得否百詩博學強記漢唐注疏皆能舉其詞此
其緒餘耳

茶餘客話聞潛正遺書惟四書釋地三續宋商邱刻於
吳校正困學紀聞馬秋玉刻於揚州其尙書古文疏證
孔廟崇祀末議孟子生卒年月攷則里人刻之孫學林
刻潛正劄記如日知錄補正喪服翼註毛朱詩說續朱
子古文疑宋劉攽李燾馬端臨王應麟四家逸事皆未
刊劄記乃未定書零箋碎紙投入一笥捐館後家人與

計簿混入笥中學林不知抉擇將他人往還手蹟及陳
言狎語遊戲之詞悉條舉而刻之硃玉並陳大失潛正
面目予嘗刪存十之五六卓然可傳不朽又盧日堂嘗
手輯潛正緒論一編曰閻氏碎金皆洞庭書局中辨論
之事今無傳又博湖掌錄一書吳山夫少年時猶見鈔
本子尋之二十年無有知是書者王漁洋稱其博雅精
核手錄其盤谷一條辨李愿非西平子亦全鼎之嚮也
家伯祖樾軒先生嘗戒子弟曰近見後生小子皆喜
讀毛西河集其所稱引未足爲據因言西河與閻百詩
辨地理多穿鑿百詩太息曰汪堯峯私造典禮李天生
杜撰故實毛大可割裂經文貽悞後學匪淺

戴蔗塘
云樾軒先

生諱應商官
吏科都諫

談龍錄山陽閻百詩學者也唐賢三昧集初出百詩謂
余曰是多舛錯或校者之失然亦足爲選者累如王右
丞詩東南御亭上莫使有風塵御訛卸江淮無卸亭也
孟襄陽詩行侶時相問潯陽何處邊潯訛潯潯陽近湘
水潯陽則遠絕矣祖詠詩西還不遑宿中夜渡京水京
訛涇京水正當圃田之西涇水則已入關矣余深韙其
言寓書阮翁阮翁後著池北偶談內一條云詩家惟論
興會道里遠近不必盡合如孟詩暝帆何處泊遙指落
星灣落星灣在南康云云蓋潛解前語也噫受言實難
夫遙指云者不必此夕果泊也豈可爲潯陽解乎 又

曰百詩考据精核前無古人好爲詩自謂不工然能知其指歸余與申論三昧集曰右丞云人閑桂花落夜靜春山空諸家曲爲之解當闕疑也儲光義云山雲拂高棟天漢入雲流下句雲字定誤不輕改正可也漫而取之使人學之可乎李頎緩歌行夸炫權勢乖六義之旨梁銜觀美人臥直是淫詞君子所必黜者百詩大以爲然比歲阮翁深不欲流布三昧集且毀池北偶談之刻其亦久而自知乎

方中德古事比前刻有荅閻百詩徵君書云伏承手翰云古事比奇書也當就高明勝己之友求其嚴加彈射有不善者應時改定勿遺後人以口實也案中德之書

至不足道故荅之如此然先生之言則至言也

中德字田伯號

依巖桐城人明檢
詩以智之長子

全謝山曰閻徵君所著書取得意者古文尙書疏證也

其次則四書釋地徵君稽古甚勤何義門學士推之然

未能洗去學究氣爲可惜使人不能無陋儒之歎蓋限

於天也

案謝山不信潛正古文尙書之說故時有徵詞
譏爲陋儒似覺太過然曰未能洗去學究氣則

深中潛正之病學
者分別觀之可也

山陽詩徵劉超宗百詩齋中分賦得銅雀瓦磬零落漘

臺瓦淒涼韻至清西陵謹望幸東序偶同聲匪石心如

轉兼金價似輕霸圖銷歇盡此物獨硜硜

徐北山眷西堂百詩徵君留飲

北山名麟吉字日
取淮安人諸生

楚城

西北望河水東南流陵谷生新感衣冠憶舊游停車上
客過問字草堂幽日暮閒尋眺白雲紅樹秋

段玉裁戴氏年譜先生言闕百詩善讀書百詩讀一句
書能識其正面背面又言闕百詩能考核而不能做文
章顧亭林文章較勝

蘇州志流寓引吳門補乘闕若璩淮陰人積學嗜古於
漢唐諸儒注疏類能貫穿鉤穴口誦如瀾翻舉鴻博報
罷來寓吳門宋中丞舉亟稱之日與顧嗣立何焯上下
議論灑灑不休生平撰述雖不及顧炎武之富而精確
過之

山西通志閻若璩少奇慧博極羣書而字句必精核不

少荀尤嗜吟詩類張籍王建古樂府曉暢中義蘊宏深

案先生喜談詩而詩非所長此皮傳之論不足爲先生榮也

江南通志若璩淹貫經史學博而思精取長於考訂多

闕先儒所未發

一統志略同

墓志先生非今之人蓋古之學者也其於書無所不讀又皆精晰而默識之其篤嗜若當盛暑者之慕清涼也其細若織紉者之於絲縷織編也其區別若老農之辨黍稷菽粟也其用力雖壯夫駿馬日馳數百里不足以喻其勤其持論雖法吏引囚決獄具兩造當五刑不足以喻其嚴也銘曰先生於學邁嗜慾少壯迄衰日不足典墳索正完在腹旁薄紛綸引以觸理細大緒窮繁縟

地千萬里燦手目事累百代儼視矚上都嶽嶽折五鹿
談家如雲甘屈辱經神武庫騰高躅聲日以昌身終伏
暮齒浸亨嗟不祿大雅摧歲淮川曲於文先生後私淑
阮太傅儒林傳稿若璩又著孔廟從祀末議十一事一
曰孔廟祀典宜復八佾十二籩豆於太學二曰十哲而
外宜進有若公西華兩賢於廟廷廣爲十二哲三曰秦
冉顏何宜從祀縣竄宜補入四曰公明儀宜從祀樂正
克宜進於兩廡五曰曾申申詳均宜從祀六曰河閒獻
王劉德宜入從祀七曰諸葛孔明宜入從祀八曰范仲
淹宜入從祀九曰蔡元定宜進於兩廡十曰黃幹請授
蔡沈之例以進十一曰兩廡先儒位次多陵躐宜請釐

正孔廟從祀未議

書成於康熙四十年以前

外紀阮學浩奏摺

至乾隆

十二年檢討山陽阮學浩始上其議部議未允

吳玉搢山陽志

遺

而大學士朱軾編次歷代名儒於河間獻王會取若

璩言爲斷康熙五十四年增祀范仲淹於西廡雍正二

年復祀秦冉於東廡顏何於西廡

案祀典諸葛孔明亦於雍正二年從祀西

廡先儒鄭元之女

乾隆三年以有子升配東序若璩私議已上

見於

列聖施行矣

漢學師承記聞之顧君千里云會見初印亭林所刊廣

韻前有校刊姓氏列受業閩若璩名則若璩嘗執摯崑

山門下然若璩書中不稱亭林爲師豈亭林歿後遂背

其師耶穆案顧闈相見在康熙十一年壬子而廣韻刻於康熙六年丁未王山史山志云李子德嘗得廣韻舊

本顧亭林言之陳祺公託張力臣爲鋟木淮陰

陳祺公序同但

山史言較直捷耳

案書前列正字姓氏四行云上谷陳上年祺

公吳郡顧炎武寧人關中李因篤天生淮陰張弼力臣

與山史之言正合此事本於潛正無涉何爲無端拉入

若今日名士之標榜乎且四人皆冠以地不應潛正獨

稱受業卽真執摯門下廣韻非顧氏私書受業之稱於

誰加之惟四行後空白一行下又記云悉依元本不敢

增添一字千里因從此空白之一行生波夫太沖亭林

皆潛正心折之人太沖卒潛正放雙江故事追稱弟子

豈有於亭林而反背之千里天性輕薄於生平師事之
段茂堂一旦論學不合輒痛加詬厲無復弟子之禮茂
堂至引顏黃門語以責之事具見經韻樓集中於總州
至交之李尙之其歿也又造作文字重相詆毀顧吳羹
通政嘗述其事而太息曰不意千里之待亾友也如此
然則其誣潛正以自解也此論又何足怪但不可使
後進少年以潛正爲藉口耳余所以不能已於辯也